

رسالة نور كلياً بتدوين

حشر رسالة  
سرسر

مؤلفون  
بديع الزمان سعيد نورسي

## بشنجی حقیقت

باب شفتت و عبودیت محمدیّه در علیه الصلاة والسلام  
اسم مجیب و رحیمک جلوه سیدر.

هیچ ممکنیدر که: اُك اَدنا بر حاجتی، اُك اَدنا بر  
مخلوقندن کوروب کمال شفتتله اومادیغی یردن  
اسعاف ایدن و اُك کیزلی بر سسی، اُك کیزلی بر  
مخلوقندن ایشیدوب امداد ایدن، لسان حال وقال ایله  
ایستیلن هر شیئه اجابت ایدن نهایتسز بر شفتت و بر  
مرحمت صاحبی بر رب؛ اُك بویوک بر عبدندن (حاشیه)،

(حاشیه): اوت، بیک اوچیوز اُللی سنه سلطنت سوره ن و سلطنتی دوام  
ایدن و اُکثر زمانده اوچیوز اللی میلیوندن زیاده رعیتی بولنان وهر کون  
بوتون رعیتی اونکله تجدید بیعت ایدن و اونک کمالاتنه شهادت ایدن  
و کمال اطاعتله اُمرینه انقیاد ایدن و آراضک نصفی ونوع بشرک خمسی او  
ذاتک صبغی ایله صبغیلانسه، یعنی معنوی رنگیله رنگلنسه و او ذات  
اونرلک محبوب قلبی و مرئی ارواحی اولسه؛ البته او ذات، شو کائناتده  
تصرف ایدن ربک اُك بویوک عبدیدر. هم اکثر انواع کائنات او ذاتک برز  
میوه معجزه سنی طاشیمق صورتیله اونک وظیفه سنی و مأموریتی  
القیشلاسه، البته او ذات؛ شو کائنات خالقنک اُك سوکیلی مخلوقیدر. هم  
بوتون انسانیت، بوتون استعدادیله ایستدیکی بقا کبی بر حاجتی که: او  
حاجت ایسه انسانی اسفل سافلیندن اعلائی علیینه چیقاریسور. البته او  
حاجت، اُك بویوک بر حاجتدر و اُك بویوک بر عبد، عمومک نامنه اونی  
قاضی الحاجاتدن ایسته یه جک..

اُك سوکیلی بر مخلوقندن اُك بویوک حاجتنی کوروب  
بیتمرسین، اسعاف ایتمسین، اُك یوکسک دعایی  
ایشیدوب قبول ایتمسین! اوت، مثلاً حیواناتک  
ضعفیلرینک و یاورلرینک رزق و تربیه لری خصوصنده  
کورنن لطف و سهولتی کوستریسور که: شو کائناتک  
مالکی، نهایتسز بر رحمت ایله ربوبیت ایدر. ربوبیتنده  
بو درجه رحیمانه بر شفتت، هیچ قابلمیدر که:  
مخلوقاتک اُك افضلنک اُك کوزل دعاسنی قبول  
ایتمسین. بو حقیقتی اون طوقوزنجی سوزده ایضاح  
ایتدیکم وجهله، شوراده دخی مکرراً شوایله بیان  
ایدلهلم:

أی نفسمله برابر بنی دیکله ین آرقداش! حکایه  
تمثیلده دیمشدک: بر آطه ده بر اجتماع وار. بر یاور اکر  
بر نطق اوقویور. اونک اشارت ایتدیکی حقیقت شوایله  
در که: کل! بو زماندن تجرد ایدوب، فکرأ عصر  
سعادت و خیلا جزیره العربه کیدیورسور. تاکه رسول  
اکرمی ﷺ وظیفه باشنده و عبودیت ایچنده کوروب،  
زیارت ایدرز. باق! او ذات ناصلکه رسالتیله، هدایتیله  
سعادت ایدیله نک سبب حصولی و وسیله وصولیدر.



ایشیتد یروب وَجَدَه کیتروب دعاسنه «آمین، اللّهم آمین»  
دیدیرتیپور (حاشیه).

باق، هم اوپله سمیع و کریم برقدیردن؛ اوپله بصیر  
و رحیم برعلیمدن سعادت و بقایی ایسته یورکه:

(حاشیه) اوت شو عالمک متصرفی بتون تصرفاتی بالمشاهده شعورانه،  
علیمانه، حکیمانه اولدیغی حالده؛ هیچ برجهتله ممکن دگیلدرکه: او  
متصرف، کندی مصنوعاتی ایچنده اک ممتاز بر فردک حرکاتنه شعوری  
و اطلاعی بولنماسین. هم هیچ بر جهتله ممکن دگیلدرکه: او متصرف  
علیم؛ او فرد ممتازک حرکاتنه و دعواتنه (دعالرینه) اطلاعی بولندیغی  
حالده اوکا قارشی لاقید فالسین، اهمیت ویرمسین. هم هیچ بر جهتله  
ممکن دگیلدرکه: او متصرف قدیر رحیم؛ اونک دعالرینه لاقید قالدیغی  
حالده، او دعالری قبول ایتمسین. اوت، ذات احمدیه نک (ع ص س م)  
نورپله عالمک شکلی دگیلدی. انسان بوتون کائناتک ماهیت حقیقیه لری  
او نور، او ضیا ایله انکشاف ایندی و کوروندی که: شو کائناتک  
موجوداتی؛ اسماء الهیه یی اوقوتان برر مکتوبات صمدانیه، برر موظف  
مأمور وبقایه مظهر قیمتدار و معنیدار برر موجوددرلر. اکبر او نور  
اولماسه ایدی، موجودات فنا مطلقه محکوم و قیمتسز، معناسز، فائده سز،  
عبث، قارمه قاریشقیق، تصادف او یونجایغی بر ظلمت او هام ایچنده  
قالیردی.. ایشته، شو سردندرکه: انسانلر ذات احمدیه (ع ص س م)  
نک دعاسنه آمین دیدکلری کبی، عرش و فرش و ثرادن ثریایه قدر بوتون  
موجودات اونک نورپله افتخار ایدوب، علاقه دارلق کوستریپورلر. ذاتا  
عبودیت احمدیه نک (ع ص م) روحی، دعادر. بلکه، کائناتک حرکاتی  
و خدماتی، برنوع دعادر.. مثلا بر چکرده گلک حرکتی؛ خالقندن بر اغاج  
اولمانسه بر نوعی دعادر.

بالمشاهده اُک کیزلی بر ذیحیاتک اُک کیزلی بر آرزوسنی،  
اک خفیف بر نیازینی کورور، ایشیدیر، قبول ایدر،  
مرحمت ایدر. لسان حال ایله ده اولسه اجابت ایدر.  
اوپله صورت حکیمانه، بصیرانه، رحیمانه ده ویرر و  
اجابت ایدرکه: شبهه بیراقماز او تریبه و تدبیر؛ اوپله  
سمیع و بصیره مخصوص، اوپله بر کریم و رحیمه  
خا صدر.

عجبا، بوتون بنی آدمی آرقه سنه آلوب شو ارض  
اوستنده طوروب، عرش اعظمه متوجهاً آل قالدیروب،  
نوع بشرک خلاصه عبودیتنی جامع حقیقت عبودیت  
احمدیه علیه اصلاة والسلام ایچنده دعا ایدن شو  
شرف نوع انسان و فرید کون و زمان اولان فخر کائنات  
علیه الصلوة والسلام نه ایسته یور دیکله یه لم. باقی،  
کندینه و امتنه سعادت ابدیه ایسته یور. بقا ایسته یور.  
جنت ایسته یور. هم، موجودات آیینه لرنده جماللرینی  
کوستره بوتون اسماء قدسیه الهیه ایله برابر ایسته یور.  
او اسمادن شفاعت طلب ایدیور؛ کوریسورسک. اگر  
آخرتک حسابسز اسباب موجب سی، دلائل وجودی  
اولماسه ایدی، یالکر شو ذاتک تک دعاسی، بهاریمزک

كوك كورولتوسنى ايشيتمه سين؟ حاشا، يوزبيك دفعه  
حاشا.

هم، هيچ بر جهتله عقل قبول ايدرمى كه: حدسز  
رحمتلى، محبتلى ونهايت درجه ده شفقتلى و كيندى  
صنعتنى چوق سه وه ر و كندينى سوديروب و كندينى  
سه وه نلرى زياده سه وه ر بر ذات قدير حكيم، اك زياده  
كندينى سه وه ن و سويلى و سويلن و صانعنى فطره  
پرستش ايدن حياتى و حياتك ذاتى و جوهرى اولان  
روحى؛ موت ابدى ايله اعدام ايدوب كندندن او  
سوكيلى محبى و حبيبنى ابدى برصورتده  
كوسدورسون، طاريلتسين، دهشتلى رنجيده ايدره  
سر رحمتنى و نور محبتنى انكار ايتسين و ايتد يرسين؟  
حاشا، يوزبيك دفعه حاشا و كلا! بو كائناتى جلوه سيله  
سوسلنديره ن بر جمال مطلق و عموم مخلوقاتى  
سوينديره ن بر رحمت مطلقه، بويله حدسز بر  
چيركينلكدن و قبح مطلقدن و بويله بر ظلم مطلقدن،  
بر مرحمتسزلكدن، البته نهايتسز درجه منزهدر و  
مقدسدر.

نتيجه: مادام دنيا ده حيات وار؛ البته انسانلردن  
حياتك سرينى اكلايانلر و حياتنى سوء استعمال  
ايتمه ينلر دار بقاده و جنت باقيه ده حيات باقيه يه مظهر  
اوله جققلردن. آمانا. و هم ناصلكه: ير يوزنده بولنان  
پارلاق شيلرك، كونشك عكسلريله پارلامالى و  
دكزلرك يوزلرنده قبار جققلر، ضيانك لمه لريله پارلايوب  
سومنه لرى، ارقه لردن كلن قبار جققلر، كيدنلر كى بينه  
خيالى كونشجكلره آيينه لك ايتمه لرى؛ بالبداهه  
كوسترييور كه: او لمه لر، يوكسك برتك كونشك جلوئه  
انعكاسيدرلر. و كونشك وجودينى مختلف دليللر ايله  
ياد ايد ييورلر. و ايشيق پارمقلىله او كا اشارت ايد ييورلر.  
عيناً اويله ده؛ ذات حى قيومك محبى اسمنك جلوئه  
اعظمى ايله برك يوزنده و بحرك ايچنده كى ذيحياتلرك  
قدرت الهيه ايله پارلايوب، ارقه لردن كلنلره ير ويرمك  
ايچون «يا حى» ديبوب پرده غيبده كيزلنمه لرى؛ بر  
حيات سرمديه صاحبى اولان ذات حى قيومك حياتنه و  
وجوب وجودينه شهادتلىر، اشارتلىر ايتد كلرى كى،  
عموم موجوداتك تنظيمنده اثرى كورنن علم الهى يه  
شهادت ايدن بوتون دليللر و كائناته تصرف ايدن

مرتبہء حیاتہ اولان مصنوع بویله ایسه، اک یوکسک طبقہء حیاتہ و ارواح باقیہ صاحبی اولان انسان؛ نه قادر بقا ایله علاقه دار اولدیغی اکلاشیلیر. چیچکلی و میوهلی قوجه نباتاتک بر پارچه روحه بکزه ین هر برینک قانون تشکلاتی، تمثال صورتی ذره جکلر کبی تخملمرده کمال انتظامله، دغدغه لی انقلابلر ایچنده ابقا و محافظه ایدلمسילה، غایت جمعیتلی ویوکسک بر ماهیته مالک، خارجی بر وجود کیدیرلمش، ذی شعور نورانی بر قانون امری اولان روح بشر، نه درجه بقا ایله مربوط و علاقه دار اولدیغی اکلاشیلیر.

آلتنجی اساس: هم اکلارسک که انسان ایپی بوغازینه صاریلوب ایستدیکی یرده اوتلامق ایچون باشی بوش بر اقیلمامشدر. بلکه بوتون عمللرینک صورتلری آینوب یازیلیر. و بوتون فعللرینک نتیجه لری محاسبه ایچون ضبط ایدیلیر.

یدنجی اساس: هم اکلارسک که: کوز موسمنده یاز، بهار عالمنک کوزل مخلوقاتنک تخریباتی اعدام

دکیل. بلکه وظیفه لرینک تمامیله ترخیصاتیدر (حاشیه). هم، یکی بهارده کله جک مخلوقاته یر بوشالتمق ایچون تفریغاتدر. و یکی وظیفه دارلر کلوب قوناچق و وظیفه دار موجوداتک کلمسنه یر حاضرلامقدر واحضاراندر. هم ذی شعوره وظیفه سنی اونوتدوران غفلتدن و شکرینی اونوتدوران سرخوشلقدن ایقاقات سبحانیه در.

سکزنجی اساس: هم اکلارسک که: شوفانی عالمنک سردی صناعی ایچون باشقه و باقی بر عالمی وارکه، عبادینی اورایه سوق و اوکا تشویق ایدر.

طوقوزنجی اساس: هم اکلارسک که: اوپله بر رحمن، بویله بر عالمده، اوپله خاص عبادینه اوپله

(حاشیه): اوت، رحمتک أرزاق خزینه لرندن اولان بر شجره نک اوچلرنده و دالترینک باشلرنده کی میوه لر، چیچکلر، یاپراقلر، اختیار اولوب، وظیفه لرینک ختامه ایرمسيله کیتملیدرلر. تارقه لرندن اقوب کلنلره قپو قپاتمسین. یوقسه، رحمتک وسعتنه و سائر اخوانلرینک خدمتنه سدچکیلیر. هم کندیلری، کنجک زوالیله هم ذلیل، هم پریشان اولورلر. ایشته بهار دخی، محشرنما بر میوه دار اغاجدر. هر عصرده کی انسان عالمی؛ عبرتنما بر شجره در. ارض دخی، محشر عجائب بر شجره قدرتدر. حتی دنیا دخی، میوه لری اخرت بازارینه کوندریلن بر شجره حیرتمادر.

ایکینجی اساس : ہم اکلا رسک کہ : شو خانک  
ایچندہ اوطورانلر مسافر لردر . اونلرک رب کریمی ،  
اونلری دار السلامہ دعوت ایدر .

اوچنجی اساس : ہم آکلار رسک کہ : شو  
دنیادہ کی تزیینات ، بالکر تلذذ و یا تنزه ایچون دکیل .  
چونکہ : بر زمان لذت ویرسه ، فراقبلہ بر چوق زمان ألم  
ویرر . سکا طاتدیر اشتهاکی آچار ، فقط طویورماز .  
چونکہ یا اونک عمری قیصہ ، یا سنک عمرک قیصہ در .  
طویغہ کافی دکیل . دیمک ؛ قیمتی یوکسک ، مدتی  
قیصہ اولان شو تزیینات عبرت ایچوندر (حاشیہ) . شکر  
ایچوندر . اصول دائمیسنہ تشویق ایچوندر . باشقہ ،  
غایت علوی غایہ لر ایچوندر .

(حاشیہ) اوت ، ما دام ہر شیئک قیمتی و دقائق صنعتی غایت یوکسک و  
کوزل اولدیغی حالده ، مدتی قیصہ ، عمری اذر . دیمک او شیلر  
نمونہ لردر . باشقہ شیلرک صورتلری حکمنده درلر . وما دام مشتریلرک  
نظر لرینی ، اصللرینہ چویریورلر کیی بر وضعت واردر . اولہ ایسہ ، آبتہ شو  
دنیادہ کی او چشمید تزیینات ؛ بر رحمن رحیمک رحمتیلہ ، سودیکی عبادینہ  
حاضرلادیغی نعم جنتک نمونہ لریدر ، دینیلہ بیلیر و دینیلیر و اولہ در .

دردنجی اساس : ہم اکلا رسک کہ شو دنیادہ کی  
مزینات (حاشیہ) ایسہ جنتدہ اهل ایمان ایچون رحمت

(حاشیہ) اوت ، ہر شیئک وجودینک متعدد غایہ لری و حیاتنک متعدد  
نتیجہ لری واردر . اهل ضلالتک توہم ایتد کلری کیی دنیادہ ، نفسلرینہ  
باقان غایہ لره منحصر دکیلدر . تا ، عبثیت و حکمتسزلک ایچینہ کیرہ  
بیلسین . بلکہ ہر شیئک غایات وجودی و نتائج حیاتی اوچ قسمدر . .  
برنجسی : واک علویسی صانعنہ باقارکہ ؛ او شیئہ طاقدیغی خارقہ  
صنعت مرصعاتنی ، شاہد ازلینک نظرینہ رسم کچمید طرزندہ عرض  
ایتمکدرکہ ، او نظره بر آن سیالہ یشامق کافی کلیر . بلکہ وجودہ کلمہ دن ،  
بالقوہ نیت حکمنده اولان استعدادی ینہ کافیدر . . ایشتہ ، سریع الزوال  
لطیف مصنوعات و وجودہ کلمہ ین ، یعنی سنبل ویرمہ ین برر خارقہ  
صنعت اولان چکرده کلر تخملمر شو غایہ ینی بتمامہا ویرر . فائدہ سزلک  
وعبثیت اونلرہ کلمز . دیمک ہر شی ؛ حیاتیلہ ، وجودیلہ صانعنک معجزات  
قدرتی واثار صنعتنی تشہیر ایدوب ، سلطان ذوالجلالک نظرینہ عرض  
ایتمک برنجی غایہ سیدر .

ایکنجی قسم غایہ وجود و نتیجہ حیات : ذی شعورہ باقار . یعنی ، ہر  
شی ، صانع ذوالجلالک برر مکتوب حقائقنما ، برر قصیدہ لطافت نما ، برر  
کلمہ حکمت آدا حکمنده درکہ ؛ ملائکہ و جن و حیوانک و انسانک  
انظارینہ عرض ایدر ، مطالعہ یہ دعوت ایدر . دیمک ، اوکا باقان ہر ذی  
شعورہ عبرتنما بر مطالعہ کاہدر .

اوچنجی قسم غایہ وجود و نتیجہ حیات : او شیئک نفسنہ باقارکہ ؛  
تلذذ و تنزه و بقا و راحتلہ یشامق کیی جزئی نتیجہ لردر . مثلاً عظیم بر  
سفینہ سلطانیدہ در بر خدمتکارک دومنجیلک ایتدیگنک غایہ سی سفینہ  
اعتباریلہ یوزدہ بریسی کندیسنہ ، اجرت جزئیہ سنہ عائد . .



اکبر، کائناتان رسالت محمدیه نك ﷺ نوری  
چیقسه کیتسه، کائنات وفات ایده جک. اکر قرآن  
کیتسه، کائنات دیوانه اوله جق و کرهء ارض، قفاسنی  
عقلنی غائب ایده جک. بلکه شعورسز قالمش اولان  
باشنی بر سیاره یه چاریاجق، بر قیامتی قویاره جق.

هم حیات «ایمان بالقدر» رکننه باقییور. رمزاً اثبات  
ایدر. چونکه مادام حیات، عالم شهادتک ضیاسیدر و  
استیلا ایدیور و وجودک نتجه سی و غایه سیدر. و  
خالق کائناتک اک جامع آیینه سیدر. و فعالیت ربانیه نك  
اک مکمل انموجی و فهرسته سیدر. (تمشیلده خطا  
اولماسین) بر نوع پروگرامی حکمنده در. اَلبته عالم  
غیب، یعنی ماضی، مستقبل، یعنی کچمش و کله جک  
مخلوقاتک حیات معنویلهری حکمنده اولان انتظام  
ونظام و معلومیت و مشهودیت و تعین و اوامر تکوینییه  
امتثاله مهیا بر وضعیتده بولنملرینی، سر حیات اقتضا  
ایدیور. ناصلکه، بر اغاجک چکرده ک اصلیسسی و  
کوکی و منتهاسنده و میوه لرنده کی چکرده کلری  
دخی؛ عیناً اغاج کبی بر نوع حیاته مظهردرلر، بلکه،  
اغاجک قوانین حیاتیه سندن ده اینجه قوانین حیاتی

طاشیورلر. هم ناصلکه؛ بو حاضر بهاردن اول کچمش  
کوزک بیراقدیغی تخملمر و کوکلر؛ بو بهار کیتد کدن  
صوکره کله جک بهارلرده بیراقه جغی چکرده کلر  
کوکلر؛ بو بهار کبی، جلوهء حیاتی طاشیورلر و قوانین  
حیاتیه یه تابعدرلر. عیناً او یله ده: شجرهء کائناتک بوتون  
دال و بوداقلریله هر برینک بر ماضیسی و مستقبلی وار.  
کچمش و کله جک طورلردن و وضعیتلرندن متشکل بر  
سلسله سی بولنور. هر نوع و هر جزئینک علم الهیه ده  
مختلف طورلر ایله متعدد و جودلری، بر سلسلهء وجود  
علمی تشکیل ایدر. و وجود خارجی کبی، وجود  
علمی دخی، حیات عمومیه نك معنوی بر جلوه سنه  
مظهردرکه: مقدرات حیاتیه او معنیدار و جانلی الواح  
قدریه دن آلتینیر. اوت، عالم غیبک بر نوعی اولان عالم  
ارواح؛ عین حیات و مادهء حیات و حیاتک جوهرلری  
و ذاتلری اولان ارواح ایله طولو اولمیسی، اَلبته ماضی و  
مستقبل دینلین عالم غیبک بر دیگر نوعی ده و ایکینجی  
قسمی دخی جلوهء حیاته مظهریتی ایستر و استلزام  
ایدر. هم، بر شیئک وجود علمیسنده کی انتظام اکمل  
و معنیدار وضعیتلری و جانلی میوه لری، طورلری، بر نوع

دیوانه‌لک له؛ شو هر شیده بولنان کوزیمز اوکنده کی حکمتی انکار ایتمک، شو نفسمزده و اکثر اشیاده هر وقت مشاهده ایتدیکمز عنایتی انکار ایتمک و شو پک قوتلی اماراتی کورونن عدالتی (حاشیه) انکار ایتمک و شو هر یرده کوردیکز مرحمتی انکار ایتمک لازم کلدیکی کبی؛ شو کائناتده کوردیکمز اجراءت حکیمانه و افعال کریمانه و احسانات رحیمانه نک صاحبی «حاشا ثم حاشا» سفیه بر او یونجی، غدار بر ظالم اولدیغنی قبول

(حاشیه): اوت، عدالت ایکی شقدر؛ بری مثبت، دیگر منفی در. مثبت ایسه، حق صاحبنه حقنی و یرمکدر. شو قسم عدالت؛ بو دنیاده بدهت درجه سنده احاطه سی وارد چونکه: اوچنجی حقیقته اثبات ایدلدیکی کبی؛ هر شیئک استعداد لسانیه و احتیاج فطری لسانیه واضطرار لسانیه فاطر ذوالجلالدن ایستدیکی بوتون مطلوباتی و وجود و حیایته لازم اولان بوتون حقوقی مخصوص میزانلره، معین اولجورله بالمشاهده و یرییور. دیمک عدالتک شو قسمی، وجود و حیایت درجه سنده قطعی وارد.

ایکنجی قسم منفیدرکه: حقسزلری تربیه ایتمکدر.. یعنی، حقسزلرن حقنی، تعذیب و تجزیه ایله و یرییور. شو شق ایسه؛ چندان تمامیه شو دنیاده تظاهر ایتمیور. فقط، او حقیقتک وجودینی احساس ایده جک بر صورتده حدسن اشارات و امارات وارد. از جمله: قوم عاد و ثموددن طوت تا شو زمانک متمرد قوملرینه قدر کلن سلّه تأذیب و تازیانهء تعذیب، غایت عالی بر عدالتک حکمران اولدیغنی حدسن قطعی ایله کوسترییور.

ایتمک لازم کلیر که: نهایتسنز محال بر انقلاب حقائقدر. حتی هر شیئک وجودینی و کندی نفسنک وجودینی انکار ایدن احمق سفسطائیلر دخی بونک تصویرنه قولای قولای یاناشه مازلر.

**الحاصل:** شو کورونن شئونات، دنیاده کی وسعتلی اجتماعات حیایته و سرعتلی افتراقات موتیه و حشمتلی طولانمالر و چابوق طاغیلمالر و عظمتلی احتفالات و بویوک تجلیات ایله و اونلرک بو عالمه عائد بو دنیای فانیده قیصه بر زمانده معلومز اولان ثمرات جزئییه لری، اهمیتسنز و موقت غایه لری ما بیننده هیچ مناسب اولدیغندن، عادتاً کوچوک بر طاشه بر بویوک طاغ قادر حکمتلر، غایه لر طاقمق؛ بر بویوک طاغه، بر کوچوک طاش کبی موقت بر غایهء جزئییه و یرمکه بکزرکه: هیچ بر عقل و حکمته او یغون کله مز.

دیمک شو موجودات و شئونات ایله و دنیایه عائد غایه لری اورته سنده بو درجه نسبتسزلک، قطعياً شهادات ایدرکه: بو موجوداتک یوزلری عالم معنایه متوجهدر. مناسب میوه لری اوراده و یرییور. و کوزلری

مناسب سکنه لر، هر حالده سر حیاتله بولنیورلرکه اولنرده ملائکه لردر.

هم، حیاتک سر ماهیتی، پیغمبرله ایمان رکننه باقوب رمزاً اثبات ایدر. اوت، مادام کائنات، حیات ایچون یارادیلمش و حیات دخی حی قیوم ازلینک بر جلوئه اعظمی در. بر نقش اکملیدر. بر صنعت اجملی در. مادام حیات سمرمدیه، رسوللرک کوندرلمسیله و کتابلرک ایندیرلمسیله کندیینی کوسترر. اوت، اگر کتابلر وییغمبرلر اولماز ایسه، او حیات ازلیه بیلنمز. ناصلکه بر آدمک سویله مسیله دیری و حیاتدار اولدیغی اکلاشیلیر. اوپله ده، بو کائناتک پرده سی آلتنده اولان عالم غیبک آرقه سنده سویله ین، قونوشان، امر و نهی ایدوب خطاب ایدن بر ذاتک کلماتنی، خطاباتنی کوستره جک پیغمبرلر و نازل اولان کتابلردر. البته کائناتده کی حیات، قطعی بر صورتده حی ازلینک وجوب وجودینه قطعی شهادت ایندیکی کبی، او حیات ازلیه نک شعاعاتی، جلواتی، مناسباتی اولان «ارسال رسل و انزال کتب» رکنلرینه باقار رمزاً اثبات ایدر. و بالخاصه رسالت محمدیه علیه الصلوة والسلام

و وحی قرآنی، حیاتک روحی و عقلی حکمنده اولدیغندن، بو حیاتک وجودی کبی حقانیتلری قطعیدر دینیه بیلیر.

اوت ناصلکه حیات، بو کائناتدن سوزولمش بر خلاصه در. و شعور و حس دخی، حیاتدن سوزولمش، حیاتک بر خلاصه سیدر. و عقل دخی، شعوردن و حسدن سوزولمش شعورک بر خلاصه سیدر. و روح دخی، حیاتک خالص و صافی بر جوهری و ثابت و مستقیل ذاتیدر. اوپله ده، مادی و معنوی حیات محمدیه علیه الصلوة والسلام دخی؛ حیاتدن و روح کائناتدن سوزولمش خلاصه الخلاصه در. و رسالت محمدیه علیه الصلوة والسلام دخی؛ کائناتک حس و شعور و عقلندن سوزولمش اک صافی خلاصه سیدر. بلکه مادی و معنوی حیات محمدیه علیه الصلوة والسلام، آثارینک شهادتیه حیات کائناتک حیاتیدر. و رسالت محمدیه علیه الصلوة والسلام شعور کائناتک شعوریدر. و نوریدر. و وحی قرآن دخی، حیاتدار حقائقنک شهادتیه حیات کائناتک روحیدر. و شعور کائناتک عقلیدر. اوت، اوت، اوت!

قوشندن سعادۋ حیات جهتنده، یکرمی درجه آشاغی  
دوشوب، اُک بدبخت، اُک ذلیل بر بیچاره اوله جق.

هم، اُک قیمتدار بر نعمت اولان عقل دخی،  
کچمش زمانک حزنلرینی و کله جک زمانک قورقورلرینی  
دوشونمک ایله قلب انسانی متمادی اینجیدوب، بر لذته  
طوقوز املری قاریشندیردیغندن اُک مصیبتلی بر بلا  
اولور. بو ایسه یوز درجه باطلدر. دیمک بو حیات  
دنیویه، آخرته ایمان رکنتی قطعی اثبات ایدیور. و هر  
بهارده حشرک اوچیوز بیکنن زیاده نمونه لرینی کوزومزه  
کوستریور. عجبنا، سنک جسمکده و سنک باغچه کده  
وسنک وطننده، سنک حیاتکه لازم و مناسب بوتون  
لوازماتی و جهازاتی، حکمت و عنایت و رحمتله  
احضار ایدن و وقتنده یتیشدیره ن، حتی سنک معده کک  
بقا ویشامق آرزوسیه ایتدیکی خصوصی و جزئی اولان  
رزق دعاسنی بیلن و ایشیدن و خدسز لذید طعاملرله او  
دعانک قبولنی کوستره ن و معدهی مئون ایدن بر  
متصرف قدیر، هیچ ممکنمیدر که سنی بیلمسین و  
کورمسین؟ نوع انسانک اُک بویوک غایه سی اولان  
حیات ابدیه په لازم اسبابی احضار ایتمسین؟ و نوع

انسانک اُک بویوک و اُک اهمیتلی، اک لایق و عمومی  
اولان بقا دعاسنی؛ حیات اخرویه نک انشاسیه و جنتک  
ایجادیه قبول ایتمسین؟ و کائناتک اُک مهم مخلوقی،  
بلکه زمینک سلطانی و نتجه سی اولان نوع انسانک  
عرش و فرشی چینلاتان عمومی و غایت قوتلی دعاسنی  
ایشیتمه یوب کوچوک بر معده قادار اهمیت ویرمسین؟  
مئون ایتمسین؟ کمال حکمتنی و نهایت رحمتنی انکار  
ایتدیرسین؟ حاشا، یوز بیک دفعه حاشا!

هم، هیچ قابلمیدر که: حیاتک اُک جزئیسنک پک  
کیزلی سسنی ایشیتسین، دردینی دیکله سین، درمان  
ویرسین و نازینی چکسین و کمال اعتنا و اهتمام ایله  
بسله سین و اوکا دقتله خدمت ایتدیرسین و بویوک  
مخلوقاتنی اوکا خدمتکار یاپسین و صوکره، اُک بویوک  
و قیمتدار و باقی و نازدار بر حیاتک کوک صداسی کبی  
یوکسک سسنی ایشیتمه سین؟ و اونک چوق اهمیتلی  
بقا دعاسنی و نازینی و نیازینی نظره الماسین؟ عاداتا بر  
نفرک کمال اعتنا ایله تهجیز و اداره سنی یاپسین و مطیع  
و محتشم اردویه هیچ باقمه سین؟ و ذره بی کورسون،  
کونشی کورمسین؟ سیوری سینکک سسنی ایشیتسین،



شیء یابیور. هم، بو قیصه حیات دنیویه ده و بو قیصه جق عمر بشرده و بو وقت و فانی زمینده او حاکم از لینک حشمت سلطنتی و سرمدیت حاکمیتی یرلشه میور. و نوع انسانده وقوعبلان و کائناتک انتظامنه و عدالت و موازنه لرینه و حسن جمالنه منافی و مخالف چوق بویوک ظلملری و عصبانلری و ولی نعمته و اونی شفقتله بسله یه نه قارشو اهانتلری، انکارلری، کفرلری بو دنیاده جزاسز قالب؛ غدار ظالم، راحت ایله حیاتی بیچاره مظلوم مشقتلر ایچنده عمرلرینی کچیررلر. و عموم کائناتده اثرلری کورونن شو عدالت مطلقه نک ماهیتی ایسه، دیریلمه مک صورتیله او غدار ظالمک و مأیوس مظلوملرک وفات ایچنده کی مساواتلرینه بوتون بوتون ضدر، قالدیرماز، مساعده ایتمز!

و مادام، ناصلکه کائناتک صاحبی، کائناتدن زمینی وزمیندن نوع انسانی انتخاب ایدوب غایت بویوک بر مقام، بر اهمیت ویرمش. او یله ده، نوع انساندن دخی مقاصد ربوبیتنه توافق ایدن و کندیلرینی ایمان و تسلیم ایله اوکا سودیره ن حقیقی انسانلر اولان انبیا و اولیا و اصفیایی انتخاب ایدوب کندینه دوست و مخاطب

ایدهرک اونلری معجزه لر و توفیقلر ایله اکرام و دشمنلرینی سماوی طوقاتلر ایله تعذیب ایدیور.

و بو قیمتلی، سویملی دوستلرندن دخی، اونلرک امامی و مفخری اولان، محمد ﷺ می انتخاب ایدهرک، اهمیتلی کرهء ارضک یاریسنی و اهمیتلی نوع انسانک بشدن بریسنی اوزون عصرلرده اونک نوریه تنویر ایدیور. عادتاً بو کائنات اونک ایچون یارادلمش کبی بوتون غایه لری اونک ایله و اونک دینی ایله و قرآنی ایله تظاهر ایدیور. و او پک چوق قیمتدار و میلیونلر سنه یشایه جق قادر حدسز خدمتلرینک اجرتلرینی حدسز بر زمانده الماغه مستحق ولایق ایکن، غایت مشقتلر و مجاهده لر ایچنده التمش اوچ سنه کبی قیصه جق بر عمر ویرلمش. عجباً هیچ بر جهتله هیچ بر امکانی، هیچ بر احتمالی، هیچ بر قابیلیت واری می که: او ذات، بوتون امثالی و دوستلریله برابر دیریلمسین؟ و شمدی ده روحاً دیری وحی اولماسین؟ اعدام ابدی ایله محو اولسونلر؟ حاشا، یوزبیک دفعه حاشا و کلاً!

أوت، بوتون کائنات و حقیقت عالم، دیریلمسینی دعوا ایدر. و حیاتی صاحب کائناتدن طلب ایدیور.

هم مادام، بو ارض، كثرت مخلوقات جهتيله و متمادياً دكيشن يوز بيكلر چشيد چشيد انواع ذوى الحيات و ذوى الارواحك مسكني، منشيء، فابريقه سي، مشهري، محشري اولمسي حيثيتيله بو كائناتك قلبى، مركزى، خلاصه سي، نتيجه سي، سبب خلقتى اوله رق غايت بويوك اويله بر اهميتى و ارکه: كوچوكلكيله برابر قوجه سماوايه قارشو دنك طوتولمش. سماوى فرمانلرده دائماً: ﴿ رَبُّ السَّمَاوَاتِ وَالْأَرْضِ ﴾ دينلييور. و مادام، بو ماهيته كي ارضك هر طرفه حكيم ايدن و اكثر مخلوقاتنه تصرف ايدن و اكثر ذى حيات موجوداتي تسخير ايدوب كندى اطرافنه طويلاتديران و اكثر مصنوعاتنى كندى هوساتنك هندسه سيله و احتياجاتنك دستورلريله اويله كوزلجه تنظيم و شهير و تزئين و چوق آتتيقه نوعلرينى ليسته كى بر يرلرده اويله طويلايوب سوسلتدير كه، دكيل يالكز انس و جن نظرلرينى، بلکه سماوات اهلنك و كائناتك نظر دقتلرينى و تقديرلرينى و كائنات صاحبنك نظر استحسانى جلب ايتمكله غايت بويوك بر اهميت و قيمت آلان بوو حيثيله بو كائناتك حكمت خلقتى و

بويوك نتيجه سي و قيمتلى ميوه سي و ارضك خليفه سي اولديغنى، فنلريله، صنعتاريله كوستره ن و دنيا جهتنده صانع عالمك معجزه لى صنعتلرينى غايت كوزلجه تشهير و تنظيم ايتديكى ايچون، عصيان و كفريله برابر دنيايه بيراقيلان و عذابى تاخير ايديلن بو خدمتى ايچون امهال ايديلوب موفقيت كوره ن نوع بنى آدم وار.

و مادام، بو ماهيته كي نوع بنى آدم، مزاج و خلقت اعتباريله غايت ضعيف و عاجز و غايت عجز و فقريله برابر حدسز احتياجاتي و تألماتى اولديغى حالده بوتون بوتون قوتنك و اختيارنك فوقنده اوله رق قوجه كره ارضى، او نوع انسانه لزومى بولونان هر نوعى معدنلره مخزن و هر نوعى طعاملره انبار و نوع انسانك خوشنه كيدهك هر چشيد ماللره بر دكان صورتنه كتيره ن، غايت قوتلى و حكمتلى و شفقتلى بر متصرف و ارکه، بويله نوع انسانه باقبيور، بسله يور ايستديكنى و يرييور.

و مادام، بو حقيقتده كي بر رب؛ هم انساني سوه ر، هم كندينى انسانه سوديرر، هم باقيدرد، هم باقى عالملى وار. هم عدالتله هر ايشى كورور. و حكمتله هر

مشهودیمز اولان چوقی نظیره لريله اونلره قناعتیمز کلیر. مثلاً: ﴿أَوَلَمْ يَرِ الْإِنْسَانَ إِذَا خَلَقْتَاهُ مِنْ نَظْفَةٍ فَإِذَا هُوَ خَصِيمٌ مُبِينٌ﴾ تا، سوره نك آخرینه قدار. ایشته شو بحثده حشر مسئله سنده قرآن حکیم حشری اثبات ایچون یدی سکز صورتده مختلف بر طرزده اثبات ایدیور.

اولاً؛ نشعه اولی بی نظره ویرر. دیرکه: نطفه دن علقه یه، علقه دن مضغه یه، مضغه دن تا خلقت انسانیه یه قدار اولان نشعتکزی کوریورسکز. ناصل اولویورکه: «نشعه اخرابی» انکار ایدیورسکز؟ او، اونک مثلی، بلکه دها آهنونی در. هم، جناب حق، انسانه قارشى ایتدیکی احسانات عظیمه بی: ﴿الَّذِي جَعَلَ لَكُم مِّنَ الشَّجَرِ الْأَخْضَرِ نَارًا﴾ کلمه سیله اشارت ایدوب دیر: سزه بویله نعمت ایدن بر ذات، سزی باشی بوش بیراقماز که، قیره کیروب قالمه مق اوزره یاتاسکز. هم رمزاً دیر: ئولمش آغاجلرک دیریلوب یشیلنمسنی کوریورسکز. اودون کبی کمیکلرک حیات بولسنی قیاس ایده میوب استبعاد ایدیورسکز.

هم سماوات وارضى خلق ایدن، سماوات و ارضک میوه سی اولان انسانک حیات و مماندن عاجز قالیرمی؟ قوجه اغاجی اداره ایدن، او اغاجک میوه سنه اهمیت ویرمیوب باشقه سنه مال ایدرمی؟ بوتون اغاجک نتیجه سنی ترک ایتمکله، بوتون اجزاسیله حکمتله یوغرولمش خلقت شجره سنی عبث و بیهوده یپارمی ظن ایدرسکز؟ دیر: حشرده سزی احیا ایده جک ذات، اوپله بر ذاتدرکه، بوتون کائنات اوکا أمر بر نفر حکمنده در. أمر کن فیکونه قارشو کمال انقیاد ایله سرفرو ایدر. بر بهاری خلق ایتمک، بر چیچک قدار اوکا آهنون کلیر. بوتون حیواناتی ایجاد ایتمک، بر سینک ایجادى قدار قدرتنه قولای کلیر بر ذاتدر. اوپله بر ذاته قارشو: ﴿مَنْ يَحْيِي الْعِظَامَ﴾ دیبوب قدرتنه قارشو تعجیز ایله میدان اوقونماز! صوکره، ﴿فَسُبْحَانَ الَّذِي بِيَدِهِ مَلَكُوتُ كُلِّ شَيْءٍ﴾ تعبیريله، هر شیئک دیزکینی آئنده، هر شیئک اناختاری یاننده، کیجه و کوندوزی، قیش و یازی بر کتاب صحیفه لری کبی قولایجه چویرر. دنیا و اخرتی ایکی منزل کبی؛ بونی

اونك كىبى، عبوديتيله و دعاسيله او سعادتك سبب وجودى وجنتك وسيله ايجاديدر.

ايشته باق! او ذات اويله بر صلوة كبرى ده، بر عبادت علياده سعادت ابديه ايچون دعا ايديور كه، كويا بو جزيره، بلکه بتون ارض اونك عظمتلى نمازيله نماز قيلار، نیاز ايدر. چونكه: عبوديتى ايسه؛ او كا اتباع ايدن امتك عبوديتنى تضمن ايتديكى كىبى، موافقت سريله بوتون انبيانك سر عبوديتنى تضمن ايدر. هم، او صلوة كبرايى اويله بر جماعت عظماده قيلار نیاز ايديور كه؛ كويا بنى آدمك حضرت آدمدن (عليه السلام) عصر بيمزه قادار، بلکه قيامته قادار بوتون نورانى و كامل انسانلر او كا تبعيته اقتدا ايدوب دعاسنه آمين ديرلر (حاشيه). باق، هم اويله بقا كىبى بر حاجت عامه

(حاشيه): اوت، مناجات احمديه (ع ص و م) زمانندن شيمدى يه قدر بوتون امتك بوتون صلوة لرى و صلواتلرى اونك دعاسنه بر امين دائمى و بر اشتراك عمومى در. حتى او كا كتيريلن هر بر صلوات دغى، اونك دعاسنه بر امين در. و امتنك هر فردى، هر بر نمازك ايجنده او كا صلوة و سلام كتيرمك و قامتدن صوركه شافعيلىك او كا دعا ايتمه سى؛ اونك سعادت ابديه خصوصنده كى دعاسنه غايت قوتلى و عمومى بر اميندر. ايشته بوتون بشرك فطرت انسانيت لسان حاليله، بوتون قوتيله ايتديكى بقا و سعادت ابديه بى، او نوع بشر نامنه ذات احمديه (ع ص و م) ايسه يور و بشرك نورانى قسمى، اونك ارقه سنده امين ديورلر. عجيبا هيچ ممكمنيدر كه، شو دعا قبوله قرين اولسون؟

ايچون دعا ايديور كه؛ دكيل اهل ارض، بلکه اهل سماوات، بلکه بوتون موجودات نیازينه اشتراك ايدوب لسان حال ايله «اوخ اوت يا ربنا وير، دعاسنى قبول ايت. بزده ايسته يور» ديورلر. هم باق! اويله حزينانه، اويله محبوبانه، اويله مشتاقانه، اويله تضرعكارانه سعادت باقيه ايسته يور كه، بوتون كائناتى اغلاتديروب، دعاسنه اشتراك ايتديريور.

باق، هم اويله بر مقصد، اويله بر غايه ايچون سعادت ايسته يوب، دعا ايديور كه؛ انسانى و بوتون مخلوقاتى اسفل سافلن اولان فناء مطلقه سقوطدن، قيمتسزلكدن، فائده سزلكدن، عبثيتدن اعلايى علين اولان قيمته، بقايه علوى وظيفه يه، مکتوبات صمدانيه اولمى درجه سنه چيقاريور.

باق، هم اويله يوكسك بر فيزار استمداد كارانه ايله ايسته يور و اويله طاتلى بر نیاز استرحامكارانه ايله يالوار ييور كه: كويا بوتون موجوداته، سماواته، عرشه



سسيله طويلانملىرىدر. اوت، اسرافيلك بوروسى اولان  
 صورتى، اردونك بورازانندن كىرى اولمديغى كىي،  
 ابدلر طرفنده و ذره لر عالمنده ايكن ازل جانبنندن كلن  
 ﴿الَسْتُ بِرَبِّكُمْ﴾ خطابنى ايشيدن و ﴿قَالُوا بَلَىٰ﴾  
 ايله جواب ويره ن ارواحلر، البته اردونك نفراتندن بكلر  
 درجه دهها مسخر و منتظم و مطيعدرلر. هم، دكئيل  
 يالكز روحلر، بلكه بوتون ذره لر دخى، بر اردوى  
 سبحانى و امربر نفرلرى اولديغنى قطعى برهانلرله  
 اوتوننجى سوز اثبات ايتمش.

ايكىنجى مسئله: جسدرلك احياسنه مثال ايسه چوق  
 بويوك بر شهرده، شنلك بر كيجه ده بر تك مركزدن،  
 يوزبيك الكتريق لامبه لرى، عاداتا زمانسز برانده  
 جانلامه لرى و ايشيقلامه لرى كىي، بوتون كره ارض  
 يوزنده دخى، بر تك مركزدن، يوز ميليون لامبه لره نور  
 ويرمك ممكندر. مادام، جناب حقك الكتريق كىي  
 بر مخلوقى و بر مسافرخانه سنده بر خدمتكارى و بر  
 مومدارى، خالقندن الديغى تربيه و انتظام درسيله بو  
 كيفيته مظهر اولويور. البته، الكتريق كىي بيكلر نورانى

خدمتكارلرينك تمثيل ايتدكلرى حكمت الهيه نك  
 منتظم قانونلرى دائره سنده حشر اعظم طرفه العين ده  
 وجوده كله بيلير.

اوچنجى مسئله كه: اجسادك دفعة انشاسنك مثالى  
 ايسه؛ بهار موسمنده بر قاچ كون ظرفنده نوع بشرك  
 عمومندن بيك درجه زياده اولان عموم اغاجلرك بوتون  
 ياپراقلىرى، اولكى بهارك عيىنى كىي بر دن مكمل بر  
 صورتده انشارلى وينه عموم اغاجلرك عموم چيچكلرى  
 و ميوه لرى و ياپراقلىرى، كچمش بهارك محصولاتى  
 كىي، برق كىي بر سرعتله ايجادلرى؛ هم او بهارك  
 مبدألرى اولان حدسز تخمچكلرك، چكرده كلرك،  
 كوكلرك، بر دن برابر انتباهلرى و انكشافلرى واحيالرى،  
 هم، كميكلردن عبارت اوله رق اياقده طوران اموات  
 كىي بوتون اغاجلرك جنازه لرى بر امر ايله دفعة (بعث  
 بعد الموت) ه مظهريتلرى و نشرلرى؛ هم، كوچوچك  
 حيوان طائفه لرينك حدسز افرادلرينك غايت درجه ده  
 صنعتلى بر صورتده احياللىرى، هم، بالخاصه سينكلر  
 قبيله لرينك حشرلرى و بالخاصه دائما يوزينى، كوزينى،  
 قنادينى تميزله مكله بزه آبدستى و نظافتى اخطار ايدن

درجه‌سنده بر مثلثیت صورتنده ایجاد ایدیور. حالبوکه، مادهٔ فرقلری پک آز اولان تخمجقلر اوقادار قارشمشکن کمال امتیاز و تشخیص ایله اوقادار سرعت و وسعت و سهولت ایچنده کمال انتظام و میزان ایله آلتی کون و یا آلتی هفته ظرفنده احیا ایدیلیور. هیچ قابلمیدرکه: بو ایشلری یاپان ذاته بر شی آغیر کله بیلسین. سماوات و ارضی آلتی کونده خلق ایده مه سین. انسانی بر صیحه ایله حشر ایده مه سین؟ حاشا.

عجبا: معجزنما برکاتب بولنسه، حرورلری یا بوزولش و یا محو اولش اوچیور بیک کتابی تک بر صحیفه‌ده قاریشدیرمقسزین، غلطسز، سهو سز، نقصانسز، هپسنی برابر، غایت کوزل بر صورتده بر ساعتده یازارسه؛ بریسی سکا دیسه: شو کاتب، کندی تألیف ایتدیکی سنک صویه دوشمش اولان کتابکی یکیدن، بر دقیقه ظرفنده حافظه سندن یازاجق. سن دییه بیلیرمیسک که: یاپاماز وایناتم. ویاخود بر سلطان معجزه کار، کندی اقتدارینی کوسترمک ایچون ویا عبرت وتزه ایچون بر اشارتله

طاغلری قالدیرر، مملکتلری تبدیل ایدر. دکزی قره یه چویردیکنی کوردیکک حالده؛ صوکره کورسه ک که: بویوک بر طاش دره یه یووارلنمش. او ذاتک کندی ضیافتنه دعوت ایتدیکی، مسافرلرک یولنی کسمش، کچه مییورلر. بری سکا دیسه: او ذات، بر اشارتله او طاشی نه قادار بویوک اولورسه اولسون قالدیره‌جق، ویا طاغیده جق مسافرلرینی یولده بیراقمه یه جق. سن دیسه‌ک که: قالدیرماز و یا قالدیره مز. و یاخود، بر ذات بر کونده، یکیدن بویوک بر اردویی تشکیل ایتدیکی حالده بری دیسه: او ذات بر بورو سسیله، افرادی استراحت ایچون طاغیلمش اولان طابورلری طویلار، طابورلر نظامی آلتنه کیره لر. سن دیسه‌ک که ایناتم! نه قادار دیوانه جه حرکت ایتدیکی اکلارسک.

ایشته شو اوچ تمثیلی فهم ایتدک ایسه، باق: نقاش آزلی، کوزیمزک اوکنده قیشک بیاض صحیفه سنی چویروب، بهار و یاز یشیل یایراغنی آچوب، روی ارضک صحیفه سنده اوچیوز بیکدن زیاده انواعی، قدرت و قدر قلمیله أحسن صورت اوزره یازار. بربری

قدرتی اثبات ایدن بوتون برهانلر و تنظیم و اداره  
 کائناتده حکمفرما اولان، اراده و مشیته اثبات ایدن  
 بوتون حجتلر و کلام ربانی و وحی الهینک مداری  
 اولان رسالترلر اثبات ایدن بوتون علامتلر، معجزه لر  
 وهکذا یدی صفت الهیه یه شهادت ایدن بوتون  
 دلائل، بالاتفاق ذات حی قیومک حیاتنه دلالت،  
 شهادت، اشارت ایدیورلر. چونکه: ناصل بر شیده  
 کورمک وارسه، حیاتی ده واردر. ایشیتمک وارسه،  
 حیاتک علامتیدر. سویله مک وارسه، حیاتک وجودینه  
 اشارت ایدر، اختیار، اراده وارسه، حیاتی کوسترر.  
 عیناً اویله ده؛ بو کائناتده آثاریله وجودلری محقق و  
 بدیهی اولان قدرت مطلقه و اراده شامله و علم محیط  
 کبی صفتلر، بوتون دلائلیله ذات حی قیومک حیاتنه و  
 وجوب وجودینه شهادت ایدرلر. و بوتون کائناتی بر  
 کولکه سیله ایشیقلا ندیران و بر جلوه سیله بوتون دار  
 آخرتی ذراتیله برابر حیاتلان دیران حیات سرمدیه سنه  
 شهادت ایدرلر. هم حیات، ملائکه یه ایمان رکننه  
 دخی باقار، رمزاً اثبات ایدر. چونکه: مادام کائناتده اک  
 مهم نتیجه حیاتدر و اک زیاده انتشار ایدن و قیمتدار لغی

ایچون نسخه لری تکثیر ایدیلن و زمین مسافرخانه سنی،  
 کلوب کچن قافله لرله شنلندیرن ذی حیاتلردر. و مادام  
 کبره ارض، بو قصادار ذی حیاتک انواعیله طولمش  
 و متماداً ذی حیات انواعلرینی تجدید و تکثیر ایتمک  
 حکمتیله هر وقت طولار، بوشانیر و اک خسیس  
 و چورومش ماده لرنده دخی کثرتله ذی حیاتلر خلق  
 ایدیلرک بر محشر حیوانات اولویور. و مادام حیاتک  
 سوزولمش اک صافی خلاصه سی اولان، شعور و عقل؛  
 ولطیف وثابت جوهری اولان روح، کره ارضده غایت  
 کثرتلی بر صورتده خلق اولنیورلر. عادتاً کره ارض،  
 حیات و عقل و شعور و ارواح ایله احیا اولوب اویله  
 شنلندیرلمش. البته کره ارضدن دها لطیف، دها  
 نورانی، دها بویوک، دها اهمیتلی اولان اجرام سماویه؛  
 ثولو، جامد، حیاتسز، شعورسز قالمسی امکان  
 خارچنده در. دیمک کولگری، کونشلری، ییلدیزلری  
 شنلندیره جک و حیاتدار وضعیتینی ویره جک و نتیجه  
 خلقت سماواتی کوستره جک و خطابات سبحانیه یه  
 مظهر اوله جق اولان ذی شعور، ذی حیات و سماواته

حقیقتِ حشریه نك تحقّقنه و وقوعه شهادت ایدوب اثبات ایدرلر. چونکه قرآنك همان اوچدن بریسی حشردر. و اکثر قیصه سوره لرینك باشلرنده غایت قوتلی آیاتِ حشریه در. صریحاً و اشارهً بیکلر آیاتیه عینی حقیقتی خبر ویرر، اثبات ایدر. کوسترر. مثلاً:

﴿ إِذَا الشَّمْسُ كُوِّرَتْ ﴾ ﴿ يَا أَيُّهَا النَّاسُ اتَّقُوا رَبَّكُمُ إِنَّ زَلْزَلَةَ السَّاعَةِ شَيْءٌ عَظِيمٌ ﴾ ﴿ إِذَا زُلْزِلَتِ الْأَرْضُ زِلْزَالَهَا ﴾ ﴿ إِذَا السَّمَاءُ انْفَطَرَتْ ﴾ ﴿ إِذَا السَّمَاءُ انشَقَّتْ ﴾ ﴿ عَمَّ يَتَسَاءَلُونَ ﴾ ﴿ هَلْ آتَيْكَ حَدِيثُ الْعَاشِيَةِ ﴾ کبی، اوتوز قرق سوره لرك باشلرنده بوتون قطعیتله حقیقتِ حشریه بی کائناتك اَك اهمیتلی و واجب بر حقیقتی اولدیغنی کوسترمکله برابر، سائر آیتلر دخی او حقیقتك چشید چشید دلیللرینی بیان ایدوب اقتاع ایدر. عجباً برتک آیتك بر تک اشارتی، کوزیمز اوکنده علومِ اسلامیه ده متعدد علمی، کونی حقیقتلری میوه ویرن بر کتابك بویله بکلر شهادتلی ايله و دعوالری ايله، کونش کبی ظهور ایدن ایمانِ حشری،

حقیقتسز اولمسی کونشك انکاری، بلکه کائناتك عدمی کبی هیچ بر جهتِ امکانی وارمی؟ ویوز درجه محال و باطل اولمازمی؟ عجباً بر سلطانك برتک اشارتی یالان اوله مق ایچون بعضاً بر اردو حرکت ایدوب چاریشدیغی حالده، او پك جدی و عزتلی سلطانك بیکلر سوزلری و وعدلری و تهدیدلرینی یالان چیقارمق هیچ بر جهتهه قابلمیدر، و حقیقتسز اولمق ممکنمیدر؟ عجباً، اون اوچ عصرده فاصله سز اوله رق حدسز، روحلره عقللره، قیلبره، نفسلره حق و حقیقت دائره سنده حکم ایدن، تربیه ایدن، اداره ایدن بو معنوی سلطان ذی شانك بر تک اشارتی بویله بر حقیقتی اثبات ایتمکه کافی ایکن، بیکلر تصریحات ايله بو حقیقتِ حشریه بی کوستروب اثبات ایتدکدن صوکره، او حقیقتی طانیمایان بر اجهل احمق ایچون جهنم عذابی لازم کلمزمی؟ و عین عدالت اولمازمی؟ هم، برر زمانه ویرر دروه حکم ایدن بوتون سماوی صحفلری و مقدس کتابلری دخی، بوتون استقباله و عموم زمانلره حکمران اولان قرآنك تفصیلاتله، ایضاحاتله تکرار ايله بیان واثبات ایتدیکی حقیقتِ حشریه بی، عیصرلرینه و



درجه كه، اك كوچوك بر حادته يى، اك اوفاق بر خدمتى يازار، يازديرر. ملكنده جريان ايدن هر شيعك صورتنى متعدد شيلرده حفظ ايدر. شو حفيظت اشرت ايدر كه: اهميتلى بر محاسبه اعمال دوترى آچيلاق و بالخاصه ماهيتجه أك بويوك، أك مكرم، أك مشرف بر مخلوق اولان انسانك بويوك اولان عمللرى، مهم اولان فعللرى، مهم بر حساب و ميزانه كيره جك. صحيفه عمللرى نشر ايديله جك.

عجبا، هيچ قابليمدركه: انسان، خلافت و امانتله مكرم اولسون، ربوبيتك كليات شعونه شاهد اوله رق كثرت دائره لرنده، وحدانيت آلهيه نك دالالغنى اعلان ايتمكله، اكثر موجوداتك تسبيحات و عبادتلاينه مداخله ايدوب ضابطلك و مشاهدلك درجه سنه چيقسونده صوكره قبره كيدوب راحتله ياتسين و او يانديرماسين؟ كوچوك بيوك هر عمللرندن سؤال ايدلمسين؟ محشره كيدوب محكمه كبرايى كورمسين؟ خير واصل.

ميوهلى بوتون موجوداتى و بونلرك كنديلرينه كوره بوتون صحائف اعمالى، و تشيكلاتنك قانونلرى و صورتلرينك تماثللى؛ محدود بر مقدار تمجقلر ايچلرنده يازارق، محافظه ايديلييور. ايكنجى بر بهارده، اونلره كوره بر محاسبه ايچنده صحيفه عمللرينى نشر ايدوب، كمال انتظام و حكمت ايله قوجه ديكر بر بهار عالمنى ميدانه كيترمكله؛ حفيظتلك نه درجه قوتلى احاطه ايله جريان ايتديكنى كوسترييور. عجب؛ كچيجى، عادى، بقاسز، اهيتسز شيلرده بويله محافظه ايديليرسه؛ عالم غيبده، عالم آخرتده، عالم ارواحده ربوبيت عامه ده مهم ثمره ويره ن بشرك عمللرى حفظ ايچنده كوزه تيلمك صورتيله، اهميتله ضبط ايدله مسى قابلميدر؟ خير واصل!

أوت، شو حفيظتلك بو صورتده تجليسنندن آكلاشيلييور كه: شو موجوداتك مالكى، ملكنده جريان ايدن هر شيعك انضباطنه بويوك بر اهتمامى وار. هم حاكميت وظيفه سنده نهايت درجه ده دقت ايدر. هم، ربوبيت سلطنتنده غايت اهتمامى كوزه تير. او

و مادام، یدنجی شعاع اولان. «آیت الکبری» ده هر بری برطاغ قوتنده اوتوز اوچ عدد اجماع عظیم اثبات ایتمشلرکه: بو کائنات برآلدن چیقمش و برتک ذاتک ملکیدر و کمالات الهیه نک مداری اولان وحدتنی و اُحدیتنی بدهاتله کؤستمشالر. و وحدت و اُحدیت ایله بوتون کائنات، او ذات واحدک أمربر نفرلری و مسخر مأمورلری حکمنه کچیور. و آخرتک کلمسیله، کمالاتی سقوطفدن؛ و عدالت مطلقه سی، مستهزیانه غدر مطلقدن؛ و حکمت عامه سی، سفاهتکارانه عبثیتدن؛ و رحمت واسعه سی لاهیانه تعذیبدن؛ و عزت قدرتی، ذلیلانه عجزدن قورتولورلر، تقدس ایدرلر. اُلبته و اُلبته و هر حالده ایمان باللهک یوزر نکتسه سندن بوسکز ماداملرده کی حقیقتلرک مقتضاسیله قیامت قویه جق حشر و نشر اوله جق. دار مجازات و مکافات آچیللاجق. تاکه: ارضک مذکور اهمیتی و مرکزیتی و انسانک اهمیتی و قیمتی تحقیق ایده بیلسین. و ارض و انسانک خالق و ربی اولان متصرف حکیمک مذکور عدالتی، حکمتی، رحمتی، سلطنتی تقرر ایده بیلسین. و او باقی ربک مذکور حقیقی دوستلری و مشتاقلری

اعدام ابدیدن قورتولسون. و او دوستلرک اُک بویوکی و اُک قیمتمداری، بوتون کائناتی ممنون و منتدار ایدن قدسی خدمتلرینک مکافاتنی کورسون. و سلطان سرمدینک کمالاتی نقص و قصوردن و قدرتی عجزدن و حکمتی سفاهتدن و عدالتی ظلمدن تنزه و تقدس و تبری ایتسین.

**الحاصل:** مادام الله وار. البته آخرت واردر.

هم ناصلکه: مذکور اوچ ارکان ایمانیه اونلری اثبات ایدن بوتون دلیللریله حشره شهادت و دلالت ایدرلر. اویله ده:

(وَبِمَلٰئِكَتِهِۦ وَبِالْقَدْرِ حٰمِيْرِهِۦ وَشَرِّهِۦ مِنَ اللّٰهِ تَعَالٰی) اولان ایکی رکن ایمانی دخی حشری استلزام ایدوب قوتلی بر صورتده عالم بقایه شهادت و دلالت ایدرلر.

شویله که: ملائکه نک وجودینی و وظیفه عبودیتلرینی اثبات ایدن بوتون دلیللر و حدسز مشاهدهلر، مکالمه لر، طولایسیله عالم ارواحک و عالم غیبک و عالم بقانک و عالم آخرتک و ایلریده جن و انس ایله شنلندیریله جک اولان دار سعادتک، جنت

ایدرک بوتون ایشلرینی عبثیت مطلقه در که سنه دوشورسون؟ و کندینی او ذاته بکره تسینکه: اویله بر سرای یاپار؛ هر بر طاشنده بیکلرجه نقشلر، هر بر طرفنده بیکلر زیتلر و هر بر منزلنده بیکلر قیمتدار آلات و لوازمات بیتیه بولندیرسین ده صوکره او کا طام یاپماسین! هر شی چوروسون، بیهوده بوزولسون؟ حاشا و کلا! خیر مطلقدن خیر کلیر. جمیل مطلقدن کوزلک کلیر. حکیم مطلقدن عبث بر شی کلمز. اوت، هر کیم فکرأ تاریخه بینوب ماضی جهتنه کیتسه، شو زمان حاضرده کوردیکمز منزل دنیا، میدان ابتلا، مشهر اشیا کبی سنه لر عددنجه وفات ایتمش منزللر، میدانلر، مشهرلر، عالملر کوره جک. صورتجه، کیفیتنجه بریرندن آیری اولدقلری حالده؛ انتظامجه، عجائبجه، صانعک قدرت و حکمتنی کورستر مکجه بربرینه بکره. هم کوره جک که؛ او ثباتسز منزلرده، او دوامسز میدانلرده، او بقاسز مشهرلرده اوقادار باهر بر حکمتک انتظاماتنی، او درجه ظاهر بر عنایتک اشاراتنی، او مرتبه قاهر بر عدالتک اماراتنی، او درجه واسع بر مرحمتک ثمراتنی کوره جک. بصیرتسز اولمامق

شرطیله یقیناً بیله جک که: او حکمتدن ده اکمل بر حکمت اوله ماز. و او آثاری کوررونن عنایتدن ده اجمل بر عنایت قابل دکیل. و او اماراتی کوررونن عدالتدن ده اجل بر عدالت یوقدر. و او ثمراتی کوررونن مرحمتدن ده اشملم بر مرحمت تصور ایدیلمز.

اگر، فرض محال اوله رق شو ایشلری چوپره ن، شو مسافرلری و مسافرخانه لری دکیشدیره ن سلطان سرمدینک دائرهء مملکتنده دائمی منزللر، عالی مکانلر، ثابت مقاملر، باقی مسکنلر، مقیم اهالی، مسعود عبادی بولنمازسه؛ ضیا، هوا، صو، طویراق کبی قوتلی وشموللی درت عناصر معنویه اولان حکمت، عدالت، عنایت، مرحمتک حقیقتلرینی نفی ایتمک و او عناصر ظاهریه کبی کوررونن وجودلرینی انکار ایتمک لازم کلیر. چونکه: شو بقاسز دنیا وما فیها، اونلرک تام حقیقتلرینه مظهر اوله مدیغی معلومدر. اکر، باشقه یرده دخی اونلره تام مظهر اوله جق مکان بولنمازسه، او وقت؛ کوندوزی طولدوران ضیایی کوردیکی حالده کونشک وجودینی انکار ایتمک درجه سنده بر

آسماسیله اوکا بیلدیرسین، اونی سوسین وسو دیرسین. صوکره، او بیچاره انسانی او ابدی مملکتنه کوندرمسین؟ اودائمی سعادتکاهه دعوت ایدوب مسعود ایتمسین؟ هم هیچ معقولمیدرکه: حتی چکردهک قادار هر بر موجوده بر اغاج قادار وظیفه یوکی یوکلہ سین، چیچکلری قادار حکمتلری بیندیرسین، ثمرهلری قادار مصلحتلری طاقسین ده؛ بوتون او وظیفه یه او حکمتلره او مصلحتلره، دنیا یه متوجه یالکز بر چکرده ک قادار غایه ویرسین! بر خردال قادار اهمیتی. اولیان دنیوی بقاسنی غایه یاپسین؟ و بونلری، عالم معنایه چکرده کلر و عالم آخرته بر مزرعه یاپماسین! تا حقیقی ولایق غایه لرینی ویرسینلر. و بو قادار مهم احتفالات مهمه یی، غایه سز، بوش، عبث بیراقسین. اولنرک یوز یینی عالم معنایه، عالم آخرته چویرمسین؟ تا اصل غایه لری ولایق میوه لرینی کوسترسین. اوت، هیچ ممکنمیدرکه: بو شیلری بویله خلاف حقیقت یاپمقله؛ کندی اوصاف حقیقیه سی اولان حکیم، کریم، عادل، رحیمک ضدلریله، حاشا ثم حاشا متصف کوستروب حکمت و کرمنه، عدل و رحمتنه دلالت ایدن بوتون

کائناتک حقائقنی تکذیب ایتسین. بوتون موجوداتک شهادتلرینی رد ایتسین. بوتون مصنوعاتک دلاتلرینی ابطال ایتسین؟

هم، هیچ عقل قبول ایدرمی که: انسانک باشنه و ایچنده کی حواسنه صاچلری عددنجه وظیفه لر یوکلتسین ده، یالکز بر صاچ حکمنده اوکا بر اجرت دنیویه ویرسین. عدالت حقیقیه سنه ضد اولارق و حکمت حقیقیه سنه منافی، معناسز ایش یاپسین!

هم هیچ ممکنمیدرکه: بر اغاجه طاقدیغی نتیجه لر، میوه لر مقدارنجه هر بر ذی حیاته، بلکه لسان کبی هر بر عضوینه، بلکه هر بر مصنوعه او درجه حکمتلری، مصلحتلری طاقمقله؛ کندیسنگ بر حکیم مطلق اولدیغنی اثبات ایدوب کوسترسین. صوکره بوتون حکمتلرک اک بویوکی و بوتون مصلحتلرک اک مهمی و بوتون نتیجه لرک اک الزمی و حکمتی حکمت، نعمتی نعمت، رحمتی رحمت ایدن و بوتون حکمتلرک، نعمتلرک، رحمتلرک، مصلحتلرک منبعی و غایه سی اولان بقا و لقایی وسعادت ابدیه یی ویرمیوب ترک

و ایکی کونشی ده استیعاب ایدوب طارتار. او ایکی کفه سنده بولنان ایکی جویزی برینی سماواته، برینی یه ایندیره ن عینی قوتله، ایکی شمس بولنسه، برینی عرشه، دیکرینی فرشه قالدیر ایندیرر. مادام شو عادی، ناقص، فانی ممکناتده نورانیت و شفافیت و انتظام و امتثال و موازنه سرلریله اک بویوک شی اک کوچوک شیعه مساوی اولور. حدسز حسابسز شیلر بر تک شیعه مساوی کورونور. ألبته قدیر مطلق ذاتی و نهایتسز و غایت کمالده اولان قدرتنک نورانی تجلیاتی و ملکوتیت اشیانک شفافیتی و حکمت و قدرک انتظاماتی و اشیانک أوامر تکوینییه سنه کمال امتثالی و ممکناتک وجود و عدمنک مساواتندن عبارت اولان امکاننده کی موازنه سی سرلیله آز چوق، بویوک کوچوک اوکا مساوی اولدیغی کبی، بوتون انسانلری بر تک انسان کبی بر صحیحه ایله حشره کتیره نیلییر. هم بر شیءک قوت وضعفجه مراتبی، او شیءک ایچینه ضدینک مداخله سیدر. مثلا: حرارتک درجاتی، صوغوغک مداخله سیدر، کوزللکک مراتبی، چیرکنلکک مداخله سیدر. ضیانک طبقاتی، قراکلغک مداخله سیدر.

تمثیلاتیله خلاصه سنه بر اشارت ایده جکز، اکر ایسترسه ک او نقطه یه مراجعت ایت. مثلا: وَللّٰهُ الْمَثَلُ الْأَعْلٰی تمثیلده قصور یوق. ناصلکه «نورانیت سرلیله» کونشک جلوه سی کنندی اختیارلیله اولسه ده، بر ذره یه سهولتله ویردیکی جلوی، عین سهولتله حدسز شفافاته ده ویرر.

هم «شفافیت سرلیله» بر ذره شفافه نک کوچوک کوز بیک کونشک عکسنی الماسنده، دکزک کنیش یوزینه مساویدر.

هم «انتظام سرلیله» بر چوجوق پارمغیله کمی صورتنده کی اویونجاغنی چویردیکی کبی قوجه مان بر درید نوطی ده چویرر.

هم «امتثال سرلیله» بر قوماندان بر تک نفری بر آرش آمریله تحریک ایتدیکی کبی، بر قوجه اردویی ده عینی کلمه ایله تحریک ایدر.

هم «موازنه سرلیله» جو فضاده بر ترازوکه، او یله حقیقی حساس و او درجه بویوک فرض ایده لم که، ایکی جویر ترازونک ایکی کوزینه قونولسه حس ایدر.

عظیم هیئت تختنده عمومی بر اطاعت بولنمسی؛ بویوک بر جلال و عزت صاحبک امریله حرکت ایتدکلرینی کوستریور. هم، کرک نباتی و کرک حیوانی و کرک انسانی بوتون والده لرك اورحیم شفقتلریله (حاشیه) وسوت کبی او لطیف غذا ایله او عاجز و ضعیف یاورولرک تربیه سی، نه قادر کنیش بر رحمتک جلوه سی ایشلدیکی بدها اکلاشیلیر. بو عالمک متصرفک مادام نهایتسز بویله بر کرمی، نهایتسز بویله بر رحمتی، نهایتسز او یله بر جلال و عزتی وارد. نهایتسز جلال و عزت ادبسلرک تأدبنی ایستر. نهایتسز کرم نهایتسز اکرام ایستر. نهایتسز رحمت؛ کندینه لایق احسان ایستر. حالبوکه بو فانی دنیا ده وقیصه عمرده، دکزدن بر

(حاشیه): اوت آج بر ارسلان، ضعیف بر یاوروسنی کندی نفسنه ترجیح ایدرک، آله ایتدیگی بر آتی بیمه یوب یاورسنه ویرمسی؛ هم، قورقاق طاووق، یاورسنی حمایه ایچون ایته ارسلانه صادلیرمسی؛ هم، اینجیر اغاجی کندی چامور بیه رک یاوروسنی اولان میوه لرینه خالص سوت ویرمسی، بالبداهه، نهایتسز رحیم، کرم، شفیق بر ذاتک حساسیله حرکت ایتدکلرینی کور اولمایانه کوستریورلر. اوت نباتات و بهیمیات کبی شعورسلرک غایت درجه ده شعورکارانه و حکیمانه ایشلر کورمسی بالضروره کوستررک: غایت درجه ده علم و حکیم بریسی واردرک، اونلری ایشلتدیور. اونلر اونک نامیله ایشله یورلر.

طامله کبی میلیونلر جزئدن انجق بر جزئی یرلشیر و تجلی ایدر. دیمک او کرمه لایق و او رحمته شایسته بر دار سعادت اوله جقدر. یوقسه کوندوزی ایشیغیله طولدوران کونشک وجودینی انکار ایتمک کبی، بو کورنن رحمتک وجودینی انکار ایتمک لازم کلیر. چونکه بر دها دونه مک اوزره زوال ایسه؛ شفقتی مصیبتیه؛ محبتی حرقتیه و نعمتی نعمته، و عقلی، مشؤم بر آتیه؛ ولذتی آله قلب ایتدیرمکله حقیقت رحمتک انطفاسی لازم کلیر. هم او جلال و عزته اویغون بر دار مجازات اوله جقدر. چونکه اکثر یا ظالم عزتنده، مظلوم ذلتنده قالوب، بوردان کوچوب کیدیورلر. دیمک، بر محکمه کبرایه بیراقیلیور، تأخیر ایدیلیور. یوقسه، باقیلمه یور دکیل. بعضاً دنیا ده دخی جزا ویرر. قرون سالفه ده جریان ایدن عاصی و متمرّد قوملره کلن عذابلر کوستریوررک: انسان باشی بوش دکیل. بر جلال و غیرت سلّه سنه هر وقت معروضدر. اوت هیچ ممکنیدرک انسان؛ عموم موجودات ایچنده اهمیتی بر

**الحاصل:** حشره مانع هیچ بر شی یوقدر. مقتضی  
 ایسه، هر شیدر. اوت محشر عجائب اولان شو قوجه  
 ارضی، عادی بر حیوان کبی اماته و احیا ایدن و بشر و  
 حیوانه خوش بر بشیك، کوزل بر کمی یاپان و کونشی  
 اونلره شو مسافرخانه ده ایشیق ویریجی وایصیندیریجی  
 بر لامبه ایدن، سیاراتی ملکلرینه طیاره یاپان بر ذاتک بو  
 درجه محتشم و سرمدی ربوبیتی و بو درجه معظم و  
 محیط حاکمیتی، اَلبته، یالکز بویله کیچیجی، دوامسر،  
 بی قرار، اهمیتسر متغیر بقاسز ناقص، تکملسن امور دنیا  
 اوزرنده قورولماز وطورماز. دیمک، اوکا شایسته، دائمی  
 بر قرار، زوالسر، محتشم بر دیار آخر وار، باشقه باقی بر  
 مملکتی واردر. بزى اونك ایچون چالیشدیرر. اورایه  
 دعوت ایدر. و اورایه نقل ایده جکنه؛ ظاهر دن حقیقته  
 کچن و قرب حضورینه مشرف اولان بوتون ارواح نیره  
 اصحابی، بوتون قلوب منوره اقطابی، بوتون عقول  
 نورانیه اربابی شهادت ایدیورلر. و بر مکافات و  
 مجازات احضار ایتدیکنی متفقاً خبر ویریورلر و مکرراً  
 پک قوتلی وعد و پک شدتلی تهدید ایدر، نقل ایدرلر.

خلف الوعد ایسه؛ هم ذلت هم تذللدر. هیچ بر  
 جهتله جلال قدسیتنه یاناشه ماز. خلف الوعید ایسه؛ یا  
 عفودن، یا عجزدن کلیر. حالبوکه، کفر؛ جنایت (حاشیه)  
 مطلقه در. عفوہ قابل دکیل. قدیر مطلق ایسه، عجزدن  
 منزه و مقدسدر. شاهدرلر، مخبرلر ایسه؛ مسلکلرنده،  
 مشربلرنده، مذهبلرنده مختلف اولدقلری حالده کمال  
 اتفاق ایله شو مسئله نك اساسنده متحددرلر. کثرتجه  
 تواتر درجه سنده درلر، کیفیتجه اجماع قوتنده درلر.  
 موقعجه هر بری نوع بشرک بر بیلدیزی، بر طائفه نك  
 کوزی، بر ملتک عزیزیدرلر. اهمیتجه شو مسئله ده هم  
 اهل اختصاص، هم اهل اثباتدرلر. حالبوکه بر فنده و یا  
 بر صنعتده ایکی اهل اختصاص، بیکلر باشقه لردن

(حاشیه): اوت کفر، موجوداتک قیمتنی اسقاط ومعناسزقله اتهام  
 ایتدیکندن، بوتون کائناته قارشى بر تحقیر و موجودات ایننه لرنده جلوه  
 اسمایی انکار اولدیغندن؛ بوتون اسماء الهیه به قارشو بر تزییف و  
 موجوداتک وحدانیه اولان شهادت لرینی رد ایتدیکندن؛ بوتون مخلوقاته  
 قارشى بر تکذیب اولدیغندن؛ استعداد انسانی بی اوپله افساد ایدرکه  
 صلاح و خیرى قبوله لیاقتی قالماز. هم بر ظلم عظیمدرکه: عموم  
 مخلوقاتک و بوتون اسماء الهیه نك حقوقنه بر تجاوزدر. ایشته شو حقوقک  
 محافظه سی؛ ونفس کافر خیره قابلتسز لکی، کفرک عدم عفونى اقتضا  
 ایدر. ﴿إِنَّ الشِّرْكَ لَظُلْمٌ عَظِيمٌ﴾ شو معنایی افاده ایدر.

قپار، اونی اچار، بر قدیر ذوالجلال در. مادام بویله در.  
 بوتون دلائلك نتیجه سی اوله رق؛ ﴿وَالِيَهُ تَرْجَعُونَ﴾  
 یعنی قبردن سزی احیا ایدوب، حشره کتیروب حضور  
 کبریاسنده حسابکزی کوره جکدر.

ایشته شو آیتلر، حشرک قبولنه ذهنی مهیا ایتدی.  
 قلبی ده حاضر ایتدی. چونکه: نظائرینی دنیوی افعال  
 ایله ده کوستردی. هم، گاه اولویورکه: افعال  
 اخرویه سنی اوپله بر طرزده ذکر ایدرکه: دنیوی  
 نظائرینی احساس ایتسین. تا استبعاد و انکاره میدان  
 قالماسین. مثلاً: ﴿إِذَا الشَّمْسُ كُوِّرَتْ﴾ الی آخر ﴿وَإِذَا  
 السَّمَاءُ انْفَطَرَتْ﴾ الی اخر و ﴿إِذَا السَّمَاءُ انشَقَّتْ﴾  
 ایشته شو سورهلرده، قیامت و حشرده کی انقلابات  
 عظیمه بی و تصرفات ربوبیتی اوپله بر طوزده ذکر  
 ایدرکه؛ انسان اونلرک نظیره لرینی دنیاده، مثلاً کوزده،  
 بهارده کوردیکی ایچون، قلبه دهشت و یروب عقله  
 صیغمایان او انقلاباتی قولایجه قبول ایدر. شو اوج  
 سورهنک مثال اجمالیسنه اشارت دخی پک اوزون اولور  
 اونک ایچون بر تک کلمه ئی نمونه اوله رق کوستره جکر

مثلاً: ﴿وَإِذَا الصُّحُفُ نُشِرَتْ﴾ کلمه سیله افاده  
 ایدرکه، حشرده هر کسک بوتون اعمالی بر صحیفه  
 ایچنده یازیلی اوله رق نشر ایدیلیور. شو مسئله کندی  
 کندینه چوق عجیب اولدیغندن عقل اوکا یول بوله ماز.  
 فقط، سوره نك اشارت ایتدیکی کبی حشر بهاریده  
 باشقه نقطه لرك نظیره سنی اولدیغی کبی، شو نشر  
 صحف نظیره سی پک ظاهر در. چونکه: هر میوه دار  
 اغاج، و چیچکلی بر اوتک ده عمللری وار، فعللری وار،  
 وظیفه لری وار. اسماء الهیه یی نه شکله کوستره رک  
 تسبیحات ایتمش ایسه عبودیتلری وار. ایشته اونک  
 بوتون بو عمللری تاریخ حیاتلریله برابر عموم چکرده  
 کلرنده، تمحقلرنده یازیلوب باشقه بر بهارده، باشقه  
 بر زمینده چیقار. کوستردیکی شکل و صورت لسانبله،  
 غایت فصیح بر صورتده آنالرینک و اصللرینک اعمالنی  
 ذکر ایتدیکی کبی دال، بوداق، یاپراق، چیچک  
 و میوه لرله صحیفه اعمالنی نشر ایدر. ایشته کوزیمزک  
 اوکنده بو حکیمانله، حفیظانه، مدبرانه، مربیانله، لطیفانه  
 شو ایشی یاپان اودرکه، دیر: ﴿وَإِذَا الصُّحُفُ  
 نُشِرَتْ﴾.



أى قدير حكيم! أى رحمن رحيم! أى صادق الوعد  
 الكريم! أى عزت و عظمت و جلال صاحبى قهار  
 ذوالجلال! بو قادر صادق دوستلريكى، بو قادر  
 وعدلريكى و بو قادر صفات و شعوناتكى يالانچى  
 چيقارمق، تكذيب ايتمك و سلطنت ربويتكك قطعى  
 مقتضياتنى تكذيب ايدوب ياپمامق و سنك سوديكك  
 و اونلر دخى سنى تصديق و اطاعت ايتمكله كنديليرنى  
 سكا سوديره ن حدسز مقبول عباديكك آخرته باقان  
 حدسز دعاليرنى و دعواليرنى رد ايتمك، ديكله مه مك  
 و كفر و عصيان ايله و سنى وعدكده تكذيب ايتمكله،  
 سنك عظمت كبرياكه طوقونان و عزت جلالكه  
 طوقوندوران و الوهيتكك حيثيتهن ايليشه ن و شفقت  
 ربويتكى متأثر ايدن اهل ضلالتى و اهل كفرى حشرى  
 انكارنده، اونلرى تصديق ايتمكدن يوز بيكلر درجه  
 مقدسسك و حدسز درجه منزه و عاليسك. بويله  
 نهايتسز بر ظلمدن و نهايتسز بر چيركينلكدن سنك او  
 نهايتسز عدالتكى و نهايتسز جمالكى و حدسز  
 رحمتكى، حدسز درجه تقديس ايديبوروز. و بوتون  
 قوتمزله ايمان ايدرزه كه: او يوز بيكلر صادق آلچيلرك و او

حدسز طوغرى دلال سلطنتك اولان انبيا، اصفيا،  
 اوليالر، حق اليقين، عين اليقين، علم اليقين  
 صورتنده سنك اخروى رحمت خزينه لريكه، عالم بقاده  
 كى احسانتكك ذفينه لرينه و دار سعادتده تماميله ظهور  
 ايدن كوزل اسملريكك خارقه كوزل جلوه لرينه  
 شهادتلى حق و حقيقتدر، و اشارتلى طوغرى و  
 مطابقدر، و بشارتلى صادق و واقعدر. و اونلر بوتون  
 حقيقتلرك مرجعى و كونشى و حاميسى اولان «حق»  
 اسمكك اَك بويوك بر شعاعى؛ بو حقيقت اكبر حشرية  
 اولديغنى ايمان ايدر، سنك اَمرك ايله سنك عباديكه  
 حق دائره سنده درس ويريورلر. و عين حقيقت اوله رق  
 تعليم ايديبورلر. يارب! بونلرك درس و تعليملرينك  
 حقى و حرمتى ايچون بزه و رساله نور طلبه لرينه ايمان  
 اَكمل و حسن خانمه وير. و بزلى اونلرك شفاعتلرينه  
 مظهر ايله، آمين.

هم ناصلكه قرآنك، بلكه بوتون سماوى كتابلرك  
 حقانيتنى اثبات ايدن عموم دليللر و حجتلر و حبيب  
 اللهك، بلكه بوتون انبيانك نبوتلرينى اثبات ايدن عموم  
 معجزه لر و برهانلر، طولاييسيله اَك بويوك مدعالرى

وجهنمك وجودلرینه دلالت ایدرلر. چونکه: ملکلر بو عالم‌لری اذن الهی ایله کوره بیلرلر و کیره لر. و حضرت جبرائیل کبی انسانلر ایله کوروشن عموم ملائکهء مقریین مذکور عالم‌لرک وجودلرینی و اونلر، اونلرده کزدکلرینی متفقاً خبر ویریورلر. کورمدیکمز آمریکا قطعه سنک وجودینی، اوندن کلنلرک اخباریله بدیهی بیلدیکمز؛ کبی یوز تواتر قوتنده بولنان ملائکه اخباراتیه عالم بقانک و دار آخرتک و جنت و جهنمک وجودلرینه او قطعیتده ایمان ایتمک کرکدر و اویله ده ایمان ایدرز.

هم، یکریمی التنجی سوز اولان «رساله قدر» ده «ایمان بالقدر» رکننی اثبات ایدن بوتون دلیللر، طولایسیله حشره ونشر صحفه و میزان اکبرده کی موازنهء اعماله دلالت ایدرلر. چونکه: هر شیئک مقدراتنی کوزومز اوکنده نظام و میزان لوحه لرنده قید ایتمک و هر، ذی حیاتک سرگذشت حیاتیه لرینی قوهء حافظه لرنده و چکرده کلرنده و سائر الواح مثالیه ده یازمق و هر ذی روحک، خصوصاً انسانلرک دفتر اعمالرینی الواح محفوظه ده تشبیت ایتمک، کچیرمک؛ البته اویله محیط بر قدر و حکیمانانه بر تقدیر ومدققانه بر

قید و حفیظانه برکتابت، انجق محکمء کبراده عمومی بر محاکمه نتیجه سنده دائمی بر مکافات و مجازات ایچون اوله بیلیر. یوقسه، او احاطه‌لی و اینجه دن اینجه اولان قید و محافظه؛ بوتون بوتون معناسز، فائده سز قالیر. حکمته و حقیقته منافی الوز. هم، حشر کلمزسه؛ قدر قلمیله یازیلان بو کتاب کائناتک بوتون محقق معنالر یوزولورکه، هیچ بر جهت امکانی اوله ماز و او احتمال، بو کائناتک وجودینی انکار کبی بر محال، بلکه بر هذیان اولور.

**الحاصل:** ایمانک بش رکنی بوتون دلیلرلیله «حشر ونشرک» وقوعنه و وجودینه و دار آخرتک وجودینه و آچیلماسنه دلالت ایدوب ایسترلر و شهادت ایدوب طلب ایدرلر. ایشته حقیقت حشریه نک عظمتنه تام موافق بویله عظمتلی و صارصیلماز دیره کلری و برهانلری بولندیغی ایچوندرکه: قرآن معجز البیانک همان همان اوچدن بریسی حشر و آخرتی تشکیل ایدیور. و اونی، بوتون حقائقنه تمل طاشی واس اساس یاییور. و هر شیئ اونک اوستنه بنا ایدیور. «مقدمه نهایت بولدی».

مادام دنیا وار و دنیا ایچنده بو اثاريله حکمت و عنایت و رحمت و عدالت وار. البته دنیانک وجودی کبی قطعی اوله رق آخرت ده وار. مادام، دنیا ده هر شی بر جهته ده او عالمه باقییور. دیمک اورایه کیدیلییور. آخرتی انکار ایتمک، دنیا وما فیهایه انکار ایتمک دیمکدر. دیمک أجل و قبر انسانی بکلدیکی کبی، جنت و جهنمه انسانی بکله یور و کوزله یور.

## لاوه برنجی حقیقت

باب انسانیتدر،

اسم حَقَّک جلوه سیدر

هیچ ممکنمیدر که: جنابِ حق و معبودِ بالحق؛ انسانی شو کائنات ایچنده ربوبیت مطلقه سنه و عموم عالمه، ربوبیت عامه سنه قارشی اک اهمیتتلی بر عبد و خطابات سبحانیه سنه اک متفکر بر مخاطب و مظهریت آسماسنه اک جامع بر آینه و اونی، اسم

اعظمک تجلیسنه و هر اسمده بولنان اسم اعظمک مرتبه سنک تجلیسنه مظهر بر احسن تقویمده اُک کوزل بر معجزه، قدرت و خزائن رحمتنک مشتملاتنی طارتمق، طایمق ایچون، اُک زیاده میزان و آلتاره مالک بر مدق و نهایتسن نعمتترینه اُک زیاده محتاج و فندان اک زیاده متألّم و بقایه اُک زیاده مشتاق و حیوانات ایچنده اُک نازک و اُک نازدار و اُک فقیر و اُک محتاج و حیات دنیویه جه اُک متألّم و اُک بدبخت و استعدادجه اُک علوی و اک یوکسک صورتده، ماهیتده یاراتسینده اونی، مستعد اولدیغی و مشتاق اولدیغی و لایق اولدیغی بر دار اُبدی یه کوندرمیوب، حقیقت انسایه بی ابطال ایدرک کندی حقانیتنه طبان طبانه ضد و حقیقت نظرنده چیرکین بر حقسزلق ایتسین! هم هیچ قابلمیدر که: حاکم بالحق، رحیم مطلق؛ انسانه او یله بر استعداد و یروب، یر ایله کوکلر و طاغیر تملمندن چکیندیکی امانت کبرایی تحمل ایدوب؛ یعنی کوچوجک، جزئی اولچولریله، صنعتچقرلیله خالقنک محیط صفتلرینی، کُلی شئونانتی، نهایتسن تجلیاتنی ئولچه رک بیلوب؛ هم، یرده اُک نازک، نازنین، نازدار، عاجز، ضعیف

## ذيلك ايکنجی پارچه سی

[باشدهکی آیتک معجزانه اشارات ایتدکلری  
طقوز طبقه براهین حشریه به دائر « طقوز  
مقامدن » برنجی مقام].

﴿ فَسُبْحَانَ اللَّهِ حِينَ تُمْسُونَ وَحِينَ تُصْبِحُونَ \* وَلَهُ  
الْحَمْدُ فِي السَّمَوَاتِ وَالْأَرْضِ وَعَشِيًّا وَحِينَ تُظْهِرُونَ \*  
يُخْرِجُ الْحَيَّ مِنَ الْمَيِّتِ وَيُخْرِجُ الْمَيِّتَ مِنَ الْحَيِّ وَيُحْيِي  
الْأَرْضَ بَعْدَ مَوْتِهَا وَكَذَلِكَ تُخْرَجُونَ ﴾

اولان فقره ده کی فرمان حشره دائر بوراده کی  
کوستردیکی برهان باهری و حجت قاطعه سی بیان  
وايضاح ایديله جک انشاء الله. (حاشیه)

(حاشیه): او مقام دها بازيلماش و حیات مسئله سی حشره مناسبتی  
ایچون بورایه کیرمش. فقط حیاتک آخرنده قدر رکننه اشارتی پک اینجه و  
دریندر.

## اوتوزنجی لمه نك بشنجی نكته سنك دردنجی رمزی

حیاتک یکرمی سکزنجی خاصه سننده بیان  
ایدلمشدرکه: حیات، ایمانک التی ارکاننه باقوب اثبات  
ایدییور. اولارک تحققنه اشارتلا ایدیيور. اوت، مادام بو  
کائناتک اک مهم نتیجه سی و مایه سی و حکمت خلقتی  
حیاتدر. البته او حقیقت عالیه، بو فانی، قیصه جق،  
نقصان، ألملی حیات دنیویه یه منحصر دکیلدر. بلکه،  
حیاتک یکرمی طوقوز خاصه سیله ماهیتنک عظمتی  
آکلاشیلان شجره حیاتک غایه سی نتجسی و او  
شجره نك عظمتنه لایق میوه سی؛ حیات ابدیه در  
و حیات اخرویه در. وطاشیله و اغاجیله، طوپراغیله  
حیاتدار اولان دار سعادتده کی حیاتدر. یوقسه، بو  
حدسز جهازات مهمه ایله تجهیز ایدیلن حیات  
شجره سی، ذی شعور حقنده، خصوصاً انسان حقنده  
میوه سز، فائده سز، حقیقتسز اولق لازم کلاجک و  
سرمایه جه و جهازانجه سرچه قوشندن، مثلاً، یکرمی  
درجه زیاده و بوکائناتک و ذی حیاتک اک مهم،  
یوکسک و اهمیتلی مخلوقی اولان انسان، سرچه

اللرنده اولان اعلاناتِ ربانيه يه دقت ايت (حاشيه):  
محاسنِ ربوييتك دلالري اولان انبيا و اوليايه قولاق  
وير: ناصل متفقاُ صانع ذوالجلالك قصورسز كمالاتني،  
خارقه صنعتلرينك تشهيريله كوسترييورلر، بيان  
ايدبيورلر. انظارِ دقتي جلب ايدبيورلر.

ديمك، بو عالمك صانعك پك مهم و حيرت ويريچي  
و كيزلي كمالاتي واردر. بو خارقه صنعتلرله اولري  
كوسترمك ايستر. چونكه: كيزلي، قصورسز كمالات  
ايسه، تقدير ايديجي، استحسان ايديجي، ما شاء الله  
ديبهرك مشاهده ايديجيلرك باشلرنده تشهير ايستر.  
دائمي كمالات ايسه، دائمي تظاهر ايستر. او ايسه؛  
تقدير واستحسان ايديجيلرك دوام وجوديني ايستر.  
بقاسي اوليان استحسان ايديجنك نظرنده كمالاتك

(حاشيه): اوت كميك كبي بر قوري اغاچك ارجنده كي تل كبي اينجه  
چك بر صاپده؛ غايت منقش، مزين بر چيچك و غايت مصنع و مرصع بر  
ميوه، ابلته غايت صنعتيور معجزه كار و حكمتدار بر صانعك محاسنِ  
صنعتني ذي شعوره اوقتودوران بر اعلاننامه در. ايشته نباتاته حيواناتي  
دخي قياس ايت.

قيمتي سقوط ايدر (حاشيه-۱). هم دخي، كائناك يوزنده  
سريلمش اولان غايتله كوزل و صنعتلي و پارلاق و  
سوسلي شو موجودات؛ ايشيق كونشي بيلديرديكی  
كبي، مثلسز معنوي بر جمالك محاسنني بيلدير  
ونظيرسز، خفي بر حُسنك لطائفني اشعار  
ايدبيور (حاشيه-۲). او منزّه حسن، او مقكس جمالك  
جلوه سندن، اُسملرده، بلکه هر اسمده چوق كيزلي  
دفينه لر بولنديغني اشارت ايدر. ايشته شو درجه عالي،  
نظيرسز، كيزلي بر جمال ايسه كندي محاسنني بر مرآنده  
كورمك و حُسنك درجاتني و جمالك مقياسلريني ذي

(حاشيه-۱): اوت، ضروب اُمثالندركه: بر دنيا كوزلي، بر زمان كندنه  
مفتون اولمش عادي بر آدمي حضورندن طرد ايدر. او ادم كندينه تسلي  
ويرمك ايچون «توه نه قدر چيركيندر» دير. او كوزلك كوزلكني نفي  
ايدر. هم بر وقت بر آبي غايت طاتلي بر اوزوم اصماسي البته كي ره ر.  
اوزوملري ييمك ايستر قوبارمغه آلي يتمشمز. اصمايه ده چيچه ماز.  
كندي كدينه تسلي ويرمك ايچون كندي لسانيه «اكشيدر» دير. كوملر  
كيدر.

(حاشيه-۲) آيينه مثال موجوداتك بربري ارقه سنده زوال و فناريله برابر،  
ارقلرندن كلنارك اوستنده و يوزلرنده عين حسن و جمالك جلوه سي نك  
بولنمسي كوستركه: جمال اولنرك دكيل بلکه او جماللر بر حسن منزّه وير  
جمال مقدسك اياتي و اماراتيدير.

# ارونجی حقیقت

باب حکمت و عدالت الوب،

اسم حکیم و عادلک جلوه سیدر

هیچ ممکنیدرکه: (حاشیه) ذره لردن کونشله قادر جریان ایدن حکمت و انتظام، عدالت و میزانله ربوبیتک سلطنتنی کوسترین ذات ذوالجلال، ربوبیتک جناح حمایه سنه التیجا ایدن و حکمت و عدالت، ایمان و عبودیتله توفیق حرکت ایدن مؤمنلری تلطف ایتمسین؟ و او حکمت و عدالت، کفر و طغیان ایله

(حاشیه): اوت «هیچ ممکنیدرکه» شو جمله چوق تکرار ایدلیبور. چونکه، مهم بر سر ایفاده ایدر شویله که: اکثر کفر و ضلالت؛ استبعاددن ایلری کلیر. یعنی عقلمدن اوزاق و محال کورور، انکار ایدر. ایشته حشر سوزنده قطعیا کوسترلشدرکه: حقیقی استبعاد، حقیقی محالیت و عقلمدن اوزاقلق و حقیقی صعوبت، حتی امتناع درجه سنده مشکلات، کفر بولنده در و ضلالتلک مسلکنده در. و حقیقی امکان و حقیقی معقولیت، حتی و جوب درجه سنده سهولت؛ ایمان بولنده در و اسلامیت جاده سنده در. الحاصل، اهل فلسفه استبعاد ایله انکاره کیدر. اوننجی سوز، استبعاد هانکی طرفده اولدیغنی او تعبیر ایله کوسترر. اونلرک اغزلرینه بر شامار وورور.

و وظیفه سی، اهمیتلی بر استعدادی اولسونده؛ انسانک ربی ده انسانه بو قادر منتظم مصنوعاتیه کندینی طاینتدیرسه؛ مقابلنده انسان ایمان ایله اونی طانیمازسه. هم بو قادر رحمتک سوسلی میوه لر یله کندینی سودیرسه؛ مقابلنده انسان عبادتله کندینی اوکا سودیرمهسه. هم بو قادر بو درلو نعمتلیله محبت و رحمتنی اوکا کوسترسه؛ مقابلنده انسان شکر و حمدله اوکا حرمت ایتمهسه؛ جزاسز قالسین! باشی بوش بیر اقلیسین! او عزت، غیرت صاحبی ذات ذوالجلال بر دار مجازات حاضرلاماسین! هم هیچ ممکنیدرکه: او رحمن رحیمک کندینی طاینتدیرماسنه مقابل؛ ایمان ایله طانیمقله و سودیرمسنه مقابل، عبادتله سومک و سودیرمکله و رحمتنه مقابل شکر ایله حرمت ایتمکله مقابله ایدن مؤمنلره بر دار مکافاتنی، بر سعادت ابدیه یی ویرمسین؟

رحمانله ادخار اولنان نعمتلك نمونه لری، صورتلری  
حکمنده در.

بشجنی اساس: هم اكلارسك كه: شو فانی  
مصنوعات فنا ایچون دکیل، بر پارچه کورونوب  
محوالمق ایچون یاردیلمه مشلر. بلکه، وجودده قیصه  
بر زمان طوپلانوب، مطلوب بر وضعیت آلب؛ تا  
صورتلری آلینسن، تمثاللری طوتولسون، معنلری

طقسان طوقوزی سلطانه عائد اولدیغی کبی؛ هر شیئك نفسنه ودنیایه  
عائد غایه سی بر ایسه، صانعنه عائد طقسان طوقوزدر. ایشته بو تعدد  
غایاتدندرکه؛ بربرینه ضد و منافی کورون حکمت اقتصاد، جود وسخا  
و بالخاصه نهایتسن سخا ایله سر توفیقی شودرکه: برر غایه نقطه نظرنده  
جود وسخا حکم ایدر. اسم جواد تجلی ایدر. میوه لر، حبویلر، او تک  
غایه نقطه نظرنده بغير حسابدر. نهایتسن جودی کوستویور. فقط، عموم  
غایه لر نقطه نظرنده؛ حکمت حکم ایدر. اسم حکم تجلی ایدر. بر  
اغالک نه قدر میوه لری وار بلکه هر میوه نك او قدر غایه لری واردرکه؛  
بیان ایتدیکمز اوج قسسه تفریق ایدیلیر. شو عموم غایه لر، نهایتسن بر  
حکمتی اقتصادی کوستریور. ضد کبی کورون نهایتسن حکمت،  
نهایتسن جود ایله سخا ایله اجتماع ایدیور. مثلا: عسکر اردوسنک بر  
غایه سی، تأمین اسایشدر. بو غایه یه کوره نه قدر عسکر ایستهرسك وار  
وهم يك فضله در. فقط، حفظ حدود و مجاهده اعدا کبی سائر وظیفه لر  
ایچون، بو موجود آتق کافی کلیر. کمال حکمتله موازنه در. ایشته،  
حکومتك حکمتی، حشمت ایله اجتماع ایدیور. او حالده، او  
عسکرلکده فضله لق یوقدر دینيله بیلیر.

بیلینسن، نتیجلری ضبط ایدلیسن. مثلا، اهل ابد  
ایچون دائمی منظره لر نسج ایدلیسن. هم عالم بقاده  
باشقه غایه لره مدار اولسون. اشیا بقا ایچون  
یارادیلدیغنی فنا ایچون اولدیغنی، بلکه صوراً فنا  
ایسه ده تمام وظیفه وترخیص اولدیغنی بونکله  
اکلاشیللیورکه: فانی بر شی بر جهته فنایه کیدر، چوق  
جهتلرله باقی قالیر. مثلا قدرت کلمه لرندن اولان شو  
چیچکه بافکه: قیصه بر زمانده او چیچك تبسم ایدوب  
بزه باقار درعقب، فنا پرده سنده صاقلانیر. فقط، سنك  
اغزکدن چیقان کلمه کبی او کیدر فقط، بیکلر  
مثاللرینی قولافره تودیغ ایدر. دیکله ين عقلر عددنجه  
معنلرینی عقلرده ابقا ایدر. چونکه وظیفه سی اولان  
افاده معنا بیتدکدن صوکره کندسی کیدر. فقط،  
اونی کوره هر شیئك حافظه سنده ظاهری صورتنی و  
هر بر تخمنده معنوی ماهیتنی بیراقوب او یله کیدیور.  
کویا هر حافظه ایله هر تخم؛ حفظ زینتی ایچون برر  
فوطوغراف و دوام بقاسی ایچن برر منزلدرلر. اُك بسیط

\* **التجی صورت:** ایشته کل، باق، بو محتشم شمندوفرلر، طیاره لر، تجهیزاتلر، ده پولر، سرکیلر، اجرآتلر کوستریورلرکه؛ پرده آرقه سنده پک محتشم بر سلطنت وارد، (حاشیه) حکم ایدیور. بویله بر سلطنت،

(حاشیه): مثلاً: ناصل شو زمانده مآنورا میدانده حرب اصولنده، «سلاح آل، سونکو طاق» آمریله قوجه بر اردو باشند باشه تیکنلی بر همیشه کاهه بکزه دیکی کبی؛ هربر بایرام کوننده رسم کچید ایچون «فورمالریکزی طاقوب نشانلریکزی اصیکز» آمرینه قارشو اردوگاه، سراسر رنکارنک چیچک اچمش مزین باغچهیی تمشیل ایندیکی مملو، اوپله ده روی زمین میسندده، سلطان آزلینک نهایتسز انواع جنودندن ملک و جن وانس و حیوانلر کبی، شعورسز نباتات طائفه سی دخی حفظ حیات جهادنده امر کن فیکون ایله: «مدافعه ایچون سلاحلریکزی و جهازاتنزی طاقچکز» امر الهی بی الدقلری وقت زمین باشند اشاغی به بوتون اونده کی تیکنلی آغاجلر و نباتلر سونکوچکلرینی طاقدقلری زمان، عینا سونکولرینی طاقمش محتشم بر اردوگاهه بکزه یور. هم، بهارک هر بر کونی، هر بر هفته سی، برر طائفه نباتاتک برر بایرامی حکمنده اولدیغی ایچون، هر بر طائفه سی دخی کندی سلطاننک او طائفه به احسان ایندیکی کوزل هدیه لری تشهیر ایچون اوکا طاقدیغی مرصع نشانلری برر رسم کچید طرزنده او سلطان آزلینک نظر شهود و اشهادینه عرض ایندیکندن و اوپله بر وضعیت کوسردیکندن؛ بوتون نباتات و اشجار کویا (صنعت ربانیه مرصعانی و چیچک و میوه دینیلن فطرت الهیه نک نشانلرینی طاقیکز؛ چیچکلر ایچیکز) امر ربانیه بی دیکله یورلرکه، روی زمین دخی غایت محتشم بر بایرام کوننده، شاهانه رسم کچیدده، صیرمالی فورمالری و مرصع نشانلری پارلایان بر اردوگاهی تمشیل ایدیور. ایشته شو درجه حکمتلی و انتظاملی تجهیزات و تزینات آلبته نهایتسز قدر بر سلطاننک، نهایت درجه ده حکیم بر حاکمک آمریله اولدیغنی کور اولیانلره کوسترر.

کندیسنه لایق بر رعیت ایستر. حالبوکه، کوریورسک، بوتون رعیت بو مسافرخانه ده طویلاتمشیلر. مسافرخانه ایسه هر کون طولار بوشانیر. هم، بوتون رعیت مانورا ایچون بو میدان امتحانده بولنیورلر. میدان ایسه، هر ساعت تبدیل ایدیلیور. هم بوتون رعیت، پادشاهک قیمتدار احساناتنک نمونه لرینی و خارقه صنعتلرینک آنتیقه لرینی سرکیلرده تماشا ایتمک ایچون شو تشهیر کاهده بر قاچ دقیقه طوروب سیر ایدیورلر. مشهر ایسه، هر دقیقه تحول ایدیور. کیدن کلمز، کلن کیدر. ایشته بو حال، شو وضعیت قطعی کوستریور که: شو مسافرخانه وشو میدان وشو مشهرلرک آرقه سنده دائمی سرایلر، مستمر مسکنلر، شو نمونه لرک و صورتلرک خالص و یوکسک اصللریله طولو باغ و خزینه لر واردر.

دیمک بوراده چابالامق اونلر ایچوندر. شوراده چالیشدیرر؛ اوراده اجرت ویرر. هر کسک استعدادینه کوره اوراده بر سعادتلی وار.



## مقدمه

﴿ حشر عقیده سنك ، پك چوق روحی فائده لرندن و حیاتی نتیجه لرندن بر تك نتیجهٔ جامعۂی اختصار ایله بیان و حیات انسانیہ یه، خصوصاً حیات اجتماعیه سنه نه درجه لزوملی و ضروری اولدیغنی اظهار و بو ایمان حشری عقیده سنك پك چوق حجتلرندن، بر تك حجت کلیهٔی اجمال ایله کوسترمك و او عقیدهٔ حشریه نه درجه بدیهی و شبهه سز بولندیغنی افاده ایتمکدن عبارت اوله رق «ایکی نقطه» در. ﴿

● برنجی نقطه: آخرت عقیده سی؛ حیات اجتماعیه و شخصیهٔ انسانیه نك اس الأساسی و سعادتك و کمالاتك اساساتی اولدیغنه، یوزر دلیللرندن بر مقیاس اوله رق یالکز درت دانه سنه اشارت ایده جکز:

برنجیسی: نوع بشرک هممان یاریسنی تشکیل ایدن چوجوقلر یالکز. جنت فکریله، اولره دهشتتلی و اغلاتیجی کورونن تولوملره و وفاتلره قارشى طیبانه بیلیرلر.

و غایت ضعیف و نازک وجودلرنده بر قوهٔ معنویه بولاییلرلر و هر شیدن چابوق آغلايان غایت مقاومتسز مزاج روحلرنده، او جنت ایله بر امید بولوب مسرورانه یشایه بیلیرلر. مثلاً جنت فکریله دیر: «بنم کوچوک قرده شم ویا ارقداشم تولدی. جنتك بر قرشی اولدی. جنتده کزه ر، بزدن دها کوزل یشار.» یوقسه، هر وقت اطرافنده کندی کبی چو جوقلرک و بویوکلرک تولوملری، او ضعیف بیچاره لرک اندیشه لی نظرلرینه چاریماسی؛ مقاومتلرینی وقوهٔ معنویه لرینی زیر و زبر ایده رک کوزلریله برابر روح، قلب، عقل کبی بوتون لطائفنی دخی اویله اغلاتدیره جق، یا محو اولوب و یا دیوانه بر بدیخت حیوان اوله جقدی.

ایکنجی دلیل: نوع انسانك بر جهتهٔ نصفی اولان اختیارلر، یالکز حیات اخرویه ایله یقینلرنده بولنان قبره قارشو تحمل ایده بیلیرلر. و چوق علاقه دار اولدقلری حیاتلرینك یقینده سونمسنه و کوزل دنیالرنك قیامتسنه مقابل بر تسلی بوله بیلیرلر. و چوجوق حکمنه کچن سریع التأثر روحلرنده و مزاجلرنده، موت و زوالدن چیقان آلیم و دهشتلی مایوسیتیه قارشى، انجق حیات

فقط، بر شی ذاتی اولسه عارضی اولمازسه اونک ضدی  
 اوکا مداخله ایده مز. چونکه: جمع ضدین لازم کلیر.  
 بو ایسه، محالدر. دیمک اصل، ذاتی اولان بر شیده  
 مراتب یوقدر. مادام قدیر مطلق قدرتی ذاتی در.  
 ممکنات کبی عارضی دکیلدر. وکمال مطلقه در. اونک  
 ضدی اولان عجز ایسه محالدر که تداخل ایتسین.  
 دیمک بر بهاری خلق ایتمک، ذات ذوالجلالنه بر چیچک  
 قادار أهوندر. اکر اسبابه اسناد ایدلسه؛ بر چیچک بر  
 بهار قادار آغیر اولور. هم بوتون انسانلری احیا ایدوب  
 حشر ایتمک بر نفسک احیاسی کبی قولاید.

مسئلهء حشرک باشندن بورایه قادار اولان تمثیل  
 صورتلرینه و حقیقتلرینه دائر اولان بیاناتمز، قرآن  
 حکیمک فیضندندر. نفسی تسلیمه، قلبی قبوله  
 احضاردن عبارتدر. أصل سوز ایسه قرآنکدر زیرا سوز  
 اودر. و سوز اونکدر دیکله یه لم:

فَلِلَّهِ الْحُجَّةُ الْبَاطِلَةُ ﴿۱۱۴﴾ فَانظُرْ إِلَىٰ آثارِ رَحْمَتِ اللَّهِ كَيْفَ  
 يُحْيِي الْأَرْضَ بَعْدَ مَوْتِهَا إِنَّ ذَٰلِكَ لَمُحْيِي الْمَوْتَىٰ وَهُوَ

عَلَىٰ كُلِّ شَيْءٍ قَدِيرٌ ﴿۱۱۳﴾ ﴿۱۱۳﴾ قَالَ مَنْ يُحْيِي الْعِظَامَ وَهِيَ  
 رَمِيمٌ ﴿۱۱۴﴾ قُلْ يُحْيِيهَا الَّذِي أَنشَأَهَا أَوَّلَ مَرَّةٍ وَهُوَ بِكُلِّ  
 خَلْقٍ عَلِيمٌ ﴿۱۱۵﴾ يَا أَيُّهَا النَّاسُ اتَّقُوا رَبَّكُمُ إِنَّ زَلْزَلَةَ  
 السَّاعَةِ شَيْءٌ عَظِيمٌ ﴿۱۱۶﴾ يَوْمَ تَرَوُنَّ تَدْهَلُ كُلُّ مُرْضِعَةٍ  
 عَمَّا أَرْضَعَتْ وَتَضَعُ كُلُّ ذَاتِ حَمَلٍ حَمْلَهَا وَتَرَى  
 النَّاسَ سُكَارَىٰ وَمَا هُمْ بِسُكَارَىٰ وَلَكِنَّ عَذَابَ اللَّهِ  
 شَدِيدٌ ﴿۱۱۷﴾ ﴿۱۱۷﴾ اللَّهُ لَا إِلَهَ إِلَّا هُوَ لِيَجْمَعَنَّكُمْ إِلَىٰ يَوْمِ الْقِيَامَةِ  
 لَا رَيْبَ فِيهِ وَمَنْ أَصْدَقُ مِنَ اللَّهِ حَدِيثًا ﴿۱۱۸﴾ ﴿۱۱۸﴾ إِنَّ الْأَبْرَارَ لَفِي  
 نَعِيمٍ ﴿۱۱۹﴾ وَإِنَّ الْفُجَّارَ لَفِي جَحِيمٍ ﴿۱۲۰﴾

﴿۱۱۳﴾ إِذَا زُلْزِلَتِ الْأَرْضُ زَلَّالَهَا ﴿۱۱۴﴾ وَأَخْرَجَتِ الْأَرْضُ  
 أَثْقَالَهَا ﴿۱۱۵﴾ وَقَالَ الْإِنْسَانُ مَا لَهَا ﴿۱۱۶﴾ يَوْمَئِذٍ تُحَدِّثُ  
 أَخْبَارَهَا ﴿۱۱۷﴾ بَانَ رَبُّكَ أَوْحَىٰ لَهَا ﴿۱۱۸﴾ يَوْمَئِذٍ يَصُدُّرُ النَّاسُ  
 اِسْتِنَاتًا لِّيُرَوَّا أَعْمَالَهُمْ ﴿۱۱۹﴾ فَمَنْ يَعْمَلْ مِثْقَالَ ذَرَّةٍ خَيْرًا يَرَهُ ﴿۱۲۰﴾  
 وَمَنْ يَعْمَلْ مِثْقَالَ ذَرَّةٍ شَرًّا يَرَهُ ﴿۱۲۱﴾

الَّذِي هُوَ سَيِّدُ الْكَوْنَيْنِ وَفَخْرُ الْعَالَمِينَ وَحَيَاتُ السَّادَرِينَ  
 وَوَسِيلَةُ السَّعَادَتَيْنِ وَذَوَالْجَنَاحَيْنِ وَرَسُولُ الثَّقَلَيْنِ وَعَلَى  
 إِلَهٍ وَصَحْبِهِ أَجْمَعِينَ وَعَلَى إِخْوَانِهِ مِنَ النَّبِيِّينَ وَالْمُرْسَلِينَ.  
 آمِينَ..

## التَّبَعِي حَقِيقَتِ

بابِ حَشْمَتِ وَسَرْمَدِيَةِ اُولُوْبِ،

اسْمِ جَلِيلِ وَبَاقِيِ جَلْوَةِ سَيِّدِ

هیچ ممکنمیدرکه: بوتون موجوداتی کونشردن،  
 اغاجلردن ذره لره قادار امربر نفر حکمنده تسخیر و  
 اداره ایدن بر حشمت ربوبیت؛ شو مسافرخانهء دنیا  
 موقت بر حیات کچیره ن پریشان فانیلر اوستنده  
 طورسون. سرمدی، باقی بر دائرهء حشمت و ابدی،  
 عالی بر مدار ربوبیتی ایجاد ایتمسین؟ اوت شو کائناتده  
 کورونن موسملرک دکیشمسی کبی حشمتلی اجراءت و  
 سیاراتک طیاره مثال حرکتلری کبی عظمتلی حرکات؛

وارضی انسانه بشیک، کونشی خلقه لامبه یایمق کبی  
 دهشتلی تسخیرات؛ وئولمش، قورومش کرهء ارضی  
 دیریلتمک، سوسلندیرمک کبی کنیش تحویلات  
 کوسترییورکه: پرده ارقه سنده بویله معظم بر ربوبیت  
 وار؛ محتشم بر سلطنتله حکم ایدیور. بویله بر  
 سلطنت ربوبیت، کندینه لایق بر رعیت ایستر.  
 وشایسته بر مظهر ایستر. حالبوکه کوربییورسک:  
 ماهیتجه اک جامع ومهم رعیتی وبنده لری، شو  
 مسافرخانهء دنیا پریشان بر صورتده موقهء طولیلامشملر.  
 مسافرخانه ایسه، هر کون طولار، بوشانیر. هم، بوتون  
 رعیت، تجربهء خدمت ایچون شو میدان امتحانده موقهء  
 بولنیورلر. میدان ایسه هر ساعت تبدل ایدر. هم، بوتون  
 او رعیت، صانع ذوالجلالک قیمتدار احساناتانک  
 نمونه لرینی و خارقه صنعت آتیقه لرینی چارشوی عالم  
 سرکیلرنده، تجارت نظرنده تماشایتمک ایچون، شو  
 تشهیر کاهده بر قاچ دقیقه طوروب سیر ایدیورلر؛  
 صوکره غائب اولویورلر. شو مشهر ایسه، هر دقیقه تحول  
 ایدیور. کیدن کلمز، کلن کیدر. ایشته بو حال و شو  
 وضعیت قطعی کوسترییورکه: شو مسافرخانه و

قوتی وحدسزلکلریله برابر شونلرک مظهرلری اولان شو فانی موجوداتک اهمیتسز و آرزیشاماسنه باقیلسه آخرت کورونور. دیمک که، هر شی لسان حال ایله امنت بالله و بالیوم الاخر اوقویور و اوقوتدیریور.

## خاتمه

کچن اون ایکی حقیقت، بربرینی تأیید ایدر، بربرینی تکمیل ایدر، بربرینه قوت ویرر. بوتون اونلر بردن اتحاد ایدرک نتیجه یی کوسترر. هانکی وهمک حدی وار، شو دمیر کبی، بلکه الماس کبی اون ایکی محکم سورلری ده لیب کچه بیلسین. تا حصن حصین ده اولان حشر ایمانی یی صارصین!

﴿ مَا خَلَقَكُمْ وَلَا بِعْتُمْ إِلَّا كَفَّسٌ وَاحِدَةً ﴾ آیت کریمه سی افاده ایدیور که: بوتون انسانلرک خلق اولنمی و حشر ایدلمسی، قدرت الهیه یه نسبة بر تک انسانک خلقی و حشری کبی آساندر. اوت اوله در. «نقطه» نامنده بر رساله ده حشر بحثنده شو آیتک افاده ایدیکی حقیقتی تفصیلاً یازمشم. بوراده یالکز بر قسم

هم صاقین ظن ایتمه که: حشری اقتضا ایدن اسماء الهیه بحث ایتدی کمز کبی یالکز (حکیم، کریم رحیم، عادل، حفیظ) اسملرینه منحصردر. خیر، بلکه کائناتک تدبیرنده تجلی ایدن بوتون اسماء الهیه، آخرتی اقتضا ایدر. بلکه استلزام ایدر.

هم ظن ایتمه که، حشره دلالت ایدن کائناتک آیات تکوینییه سی، شو کچن بحث ایتدی کمزه منحصردر. خیر، بلکه اکثر موجوداتده صاغه صوله آچیلیر پرده لر کبی وجه و کیفیتلری وارد که بر وجهی صانعه شهادت ایتدیکی کبی؛ دیکز وجهی ده حشره اشارت ایدر. مثلاً؛ انسانک أحسن تقویمده کی حسن مصنوعیتی، صانعی کوستردیکی کبی، او احسن تقویمده کی قابلیت جامععه سیله قیصه بر زمانده زوال بولسی حشری کوسترر. بعض کره بر وجهله ایکی نظرله باقیلسه؛ هم صانعی، هم حشری کوسترر. مثلاً: اکثر اشیاده کورنن حکمتک تنظیمی، عنایتک تزیینی، عدالتک توزینی و رحمتک تلطفی؛ ناصلکه ماهیتلرینه باقیلسه بر صنایع حکیم، کریم، عادل، رحیمک دست قدرندن چیقدیغنی کوسترر لر. اونک کبی، بونلرک

زمانلرینه کوره او حقیقتی قطعی قبول ایله برابر،  
تفصیلاتسز و پرده لی و مختصر بر صورتده بیان، فقط  
قوتلی بر طرزده ادعا و اثباتلری؛ قرآنک دعواسنی بیکلر  
امضا ایله تصدیق ایدرلر.

بُو بِحِثِّكَ مَناسَبْتِيْلَهُ رَسَالَهُ مَنَاجَاتِكَ آخِرُنَدَه: اِيْمَانٌ  
بِالْيَوْمِ الْآخِرِ رَكْنُهُ، سَائِر رَكْنُكَ، خُصُوصاً «رُسُلٌ» وَ  
«كُتُبٌ» كَ شَهَادَتِنِي، مَنَاجَاتِ صُورَتِنَدَه ذَكَر اَيْدِيْلِن  
پَك قُوتْلِي وَ خِلَاصَه لِي وَ بُوْتُون اُوْهَامْلَرِي اِزَالَه اَيْدِن  
بِر حِجَّتِ حَشْرِيَه عَيْنَا بُوْرَايَه كِيْرِيْيُور. شُوْيِلَه كَه:  
مَنَاجَاتِنَدَه دِيْمِش: اَي رَبِّ رَحِيْمِيْم! رَسُوْل اَكْرَمَك  
تَعْلِيْمِيْلَه وَ قُرْآن حَكِيْمَك دَرَسِيْلَه آكَلَامَكَه: بَاشَدَه قُرْآن  
وَ رَسُوْل اَكْرَمَك اَوْلَه رَق، بُوْتُون مَقْدَس كِتَابِلَر وَ  
پِيْغَمْبِرْلَر، بُو دُنْيَاَدَه وَ هَر طَرْفَدَه نُمُونَه لَرِي كُورُولِن  
جَلَالِي وَ جَمَالِي اسْمَلْرِيكَك تَجَلِيْلَرِي دَهَا پارَاق بَر  
صُورَتَدَه اَبَد اَبَاَدَدَه دُوام اَيْدَه جَكْنَه وَ بُو فَانِي عَالْمَدَه  
رَحِيْمَانَه جَلُوَه لَرِي، نُمُونَه لَرِي مَشَاهِد اَيْدِيْلِن  
اِحْسَانَاتَكَك دَهَا شَعْشَعَه لِي بَر طَزْدَه دَارِ سَعَادَتَدَه  
اسْتَمْرَارِيْنَه وَ بَقَاسَنَه وَ بُو قِيْصَه حَيَاتِ دُنْيُوِيَه دَه اُونْلَرِي  
ذُوق اَيْلَه كُورَه ن وَ مَحَبَّت اَيْلَه رِفَاقَت اَيْدِن مَشْتَاقْلَرَك،

ابده دخی رفاقتلرینه و برابر بولنمه لرینه اجماع و اتفاق  
ایله شهادت و دلالت و اشارت ایدرلر.

هم، یوزه ر معجزات باهره لرینه و آیات قاطعه لرینه  
استنادا، باشده رسول اکرم و قرآن حکیمک اوله رق  
بوتون نورانی روحلرک صاحبلری اولان پیغمبرلر و بوتون  
منور قبلرک قطبلری اولان ولیلر و بوتون کسکین و  
نورلی عقللرک معدنلری اولان صدیقینلر، بوتون  
صحف سماویه ده و کتب مقدسه ده سنک چوق تکرار  
ایله ایتدیگک بیکلر وعدلریکه و تهدیدلریکه استنادا،  
هم سنک قدرت و رحمت و عنایت و حکمت و جلال  
و جمال کبی آخرتی اقتضا ایدن قدسی صفتلریکه،  
شئنلریکه و سنک عزت جلالکه و سلطنت ربوبیتکه  
اعتمادا، هم آخرتک ایزلرینی و ترشحاتنی بیلدیره ن  
حدسز کشفیاتلرینه و مشاهده لرینه و علم الیقین و عین  
الیقین درجه سنده بولنان اعتقادلرینه و ایمانلرینه بناء  
سعادت ابدیه یی انسانلره مؤده له یورلر. اهل ضلالت  
ایچون جهنم و اهل هدایت ایچون جنت بولندیغنی  
خبر و یروب اعلان ایدیورلر. قوتلی ایمان ایدوب  
شهادت ایدیورلر.

# اوه ايدىنجى حقيقتى

باب رسالت و تنزىلدر

«بسم الله الرحمن الرحيم» ك جلوه سيدر

هيچ ممكنميدركه: بوتون انبيا، معجزه لرينه استناد ايدرك سوزيني تايد ايتد كلرى و بوتون اوليا، كشف و كرامت لرينه استناد ايدوب دعواسنى تصديق ايتد كلرى و بوتون اصفيا، تحقيقاتنه استناد ايدرك حقانيتنه شهادت ايتد كلرى رسول اكرم ﷺ ك تحق ايتمش بيك معجزاتنك قوتنه استناد ايدوب بوتون قوتيله، هم قرق و جهله معجزه اولان قرآن حكيم بيكلر آيات قطعيه سنه استناد ايدرك، بوتون قطعيتله آچد قلرى آخرت يولنى و كشاد ايتد كلرى جنت قپوسنى، سينك قانادى قادار قوتى بولنمايات واهى و همملر، نه حدى وار كه قاپاده بيلسين؟

كچن حقيقتلردن اكلاشيلديكه: حشر مسئله سى اوله راسخ بر حقيقتدر كه، كره ارضى يرندن

قالديره جق، قيروب آتاجق بر قوت او حقيقتى صارصه ماز. زيرا او حقيقتى جناب حق بوتون اسما و صفاتنك اقتضاسيله تثبیت ايدىيور و رسول اكرمى ﷺ بوتون معجزات و براهينيله تصديق ايدىيور. و قرآن حكيم بوتون حقائق و آياتيله اونى اثبات ايدىيور و شو كائناات بوتون آيات تكوينيه و شئونات حكيمانه سيله شهادت ايدىيور. عجباً هيچ ممكنميدركه: حشر مسئله سنه واجب الوجود ايله بوتون موجودات «كافر لر مستثنا اوله رق» اتفاق ايتمش اولسون، قيل قادار قوتى اولمايان شبيه لر، شيطاني و سوسه لر او طاغ كى حقيقت راسخه عاليه يى صارصسين يرندن قالديرسين. حاشا و كلاً.

صاقين ظن ايتمه، دلائل حشريه، بحث ايتديكمز اون ايكى حقيقتنه منحصر در. خير، بلکه يالكز قرآن حكيم، كچن شو اون ايكى حقيقتلرى بزه درس ويرديكى كى، دها بيكلر وجوه اشارت ايدوب، هر بر وجه قوى بر اماره در كه: خالقمز بزي بو دار فانى دن بر دار باقى يه نقل ايدو جكدر.

﴿ الْقَارِعَةُ ﴾ مَّا الْقَارِعَةُ ﴿ وَمَا أَدْرِيكَ مَا الْقَارِعَةُ ﴾  
يَوْمَ يَكُونُ النَّاسُ كَالْفَرَاشِ الْمَبْثُوثِ ﴿ وَتَكُونُ الْجِبَالُ  
كَالْعِهْنِ الْمَنْفُوشِ ﴿ فَمَا مِنْ ثِقَلٍ مَوْزِينُهُ ﴿ فَهُوَ فِي  
عَيْشَةٍ رَاضِيَةٍ ﴿ وَأَمَّا مَنْ خَفَّتْ مَوَازِينُهُ ﴿ فَأُمُّهُ هَاوِيَةٌ ﴿  
وَمَا أَدْرِيكَ مَا هِيَ ﴿ نَارٌ حَامِيَةٌ ﴿

﴿ وَاللَّهُ غَيْبُ السَّمَاوَاتِ وَالْأَرْضِ وَمَا أَمْرُ السَّاعَةِ إِلَّا  
كَلِمَحٍ بَصْرًا أَوْ هُوَ أَقْرَبُ إِنَّ اللَّهَ عَلَى كُلِّ شَيْءٍ قَدِيرٌ ﴿ .  
دها بونلر کبی آیاتِ بیناتِ قرآنیہ بی دیکلہ یوب آمنا  
و صدقنا دیہ لم ..

أَمِنْتُ بِاللَّهِ وَمَلَأْتَهُ كِتَابِي وَرُسُلِهِ وَالْيَوْمِ الْآخِرِ  
وَبِالْقَدْرِ خَيْرِهِ وَشَرِّهِ مِنَ اللَّهِ تَعَالَى وَالْبَعْثِ بَعْدَ الْمَوْتِ  
حَقٌّ وَإِنَّ الْجَنَّةَ حَقٌّ وَالنَّارَ حَقٌّ وَإِنَّ الشَّفَاعَةَ حَقٌّ وَإِنَّ  
مُنْكَرًا وَنَكِيرًا حَقٌّ وَإِنَّ اللَّهَ يَبْعَثُ مَنْ فِي الْقُبُورِ أَشْهُدُ  
أَنَّ لَا إِلَهَ إِلَّا اللَّهُ وَأَشْهَدُ أَنَّ مُحَمَّدًا رَسُولُ اللَّهِ .

اللَّهُمَّ صَلِّ عَلَى الطَّيِّبِ وَاشْرَفِ وَأَكْمَلِ وَأَجْمَلِ  
ثَمَرَاتِ طُوبَىءِ رَحْمَتِكَ الَّذِي أَرْسَلْتَهُ رَحْمَةً لِلْعَالَمِينَ  
وَوَسِيلَةً لِمَوْصُولِنَا إِلَى أَرْزِينِ وَأَحْسَنِ وَأَجْلَى وَأَعْلَى  
ثَمَرَاتِ تِلْكَ الطُّوبَىءِ الْمَتَدَلِّيَةِ عَلَى دَارِ الْآخِرَةِ أَيِ الْجَنَّةِ .  
اللَّهُمَّ اجْرِنَا وَاجْرِ وَالِدَيْنَا مِنَ النَّارِ وَأَدْخِلْنَا وَأَدْخِلْ  
وَالِدَيْنَا الْجَنَّةَ مَعَ الْأَبْرَارِ بِجَاهِ نَبِيِّكَ الْمُخْتَارِ آمِينَ .

أى شو رساله بی انصاف ایله مطالعه ایدن قرده ش!  
دیمه، نه ایچون بو اوننجی سوزی بردن تمامیلہ اکلایه  
مایورم و تمام اکلا مدیغک ایچون صیقیلما . چونکه : ابن  
سینا کبی بر داهیء حکمت، « الحشر لیس علی  
مقایس عقلیه » دیمش . « ایمان ایدهرز فقط عقل بو یولده  
کیدہ مز » دیہ حکم ایتمشدر . هم بوتون علماء اسلام :  
« حشر بر مسئله نقلیه در . دلیلی نقلدر . عقل ایله اوکا  
کیدلمز » دیہ متفقاً حکم ایتمکلی حالده، البته اوقادار  
درین و معنا پک یوکسک بر یول؛ بردن بره بر جاده  
عمومیہ عقلیه حکمنه کچه مز . قرآن حکیمک فیضیلہ

ایجادى قادر، خالقِ رحيمك قدرتنه خفيف كلن شو جنتك بناسنه سببیت ویره جكدی. (حاشیه)

أوت، بهار یزده یر یوزینی بر محشر ایدن، یوزبیک حشر نمونه لرینی ایجاد ایدن قدیر مطلقه، جنتك ایجادى ناصل اغیر اوله بیلیر! ديمك ناصلکه اونك رسالتی شو دار امتحانك آچیلماسنه سببت ویردی. «لَوْلَاكَ لَوْلَاكَ لَمَّا خَلَقْتُ الْأَفْلَاكَ» سرینه مظهر اولدی. اونك کبی، عبودیتی دخی؛ اوته کی دار سعادتك آچیلماسنه سببیت ویردی. عجبا هیچ ممکنمیدرکه، بوتون عقلری حیرته بیراقان شو انتظام عالم و کنیش رحمت ایچنده قصورسز حسن صنعت، مثلسز جمال ربوبیت؛ او دعایه اجابت ایتمه مکله بویله بر

(حاشیه): أوت، آخرته نسبةً غایت طار بر صحیفه حکمنده اولان روی زمینده حدو حسابه کلمه ین خارقه صنعت نمونه لرینی وحشر وقیامتک مثالرینی کوسترمک و اوچیوز بیک کتاب حکمنده اولان منتظم انواع مصنوعاتی، او تک صحیفه ده کمال انتظام ایله یازوب، درج ایتمک؛ آلیته کنیش اولان عالم آخرته لطیف ومنتظم جنتك بناسندن وایجادندن دها مشکلدن. اوت جنت، بهاردن نه قدر یوسک ایسه، او درجه بهار باغچه لرینک خلقتی، او جنتدن دها مشکلدن وحیرتقزادر دینیه بیلیر.

چیرکینلکی، بویله بر مرحمتسزلکی، بویله بر انتظامسزلگی قبول ایتمسین؟ یعنی، اک جزئی اک اهمیتسز آرزولری، سسلری اهمیتله ایشیدوب ایفا ایتمسین، یرینه کتیرسین. اک اهمیتلی، لزوملی آرزولری اهمیتسز کرورب ایشیتمسین، آکلاماسین، یاپماسین. حاشا و کلاً. یوزبیک دفعه حاشا. بویله بر جمال، بویله بر چیرکینلکی قبول ایدوب چیرکین اوله ماز (حاشیه). ديمك، رسول اکرم علیه الصلوة و السلام؛ رسالتیه دنیانك قپوسنی آچدیغی کبی، عبودیتیه ده آخرتک قپوسنی اچار.

عَلَيْهِ صَلَوَاتُ الرَّحْمَنِ مِلءَ الدُّنْيَا وَدَارِ الْجِنَانِ  
اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ ذَلِكَ الْحَبِيبِ

(حاشیه): أوت، انقلاب حقائق اتفاقاً محالدر. وانقلاب حقائق ایچنده محال اندر محال، بر ضد کندی ضدینه انقلابیدر. وپو انقلاب اضداد ایچنده بالداهه بیک درجه محال شودرکه: ضد، کندی ماهیتنده قالمقه برابر، کندی ضدینک عینی اولسون. مثلاً: نهایتسز بر جمال؛ حقیقی جمال ایکن، حقیقی چیرکینلک اولسون. ایشته شو مثالزده مشهور و قطعی الوجود اولان بر جمال ربوبیت؛ جمال ربوبیت ماهیتنده دائم ایکن، عین چیرکینلک اولسون؟ ایشته دنیاده محال وباطل مثالرک اک عجیبیدر.



اسماء قدسیه یه دقت ایدیورلر. غایه لری او عالمه باقیور. وئوزلری دنیا طوپراغی آلتنده، سنبللری عالم مثالده انکشاف ایدیور.

انسان، استعدادی نسبتنده بوراده اکیبور؛ واکیلیور آخرتده محصول آلیور. اوت، شو اشیانک اسماء الهیه یه و عالم آخرته متوجه یوزلرینه باقسه ک کوره جکسک که؛ معجزه قدرت اولان هر بر چکرده کک بر اغاج قادار غایه سی وار. کلمهء حکمت اولان هر بر چیچکک (حاشیه)، بر اغاج چیچکلری قادار معناری وار. و او خارقهء صنعت و منظومهء رحمت اولان هر بر میوه نك، بر اغاجک میوه لری قادار حکمتلری وار. بزلره رزق اولسی ایسه؛ او بیکلر حکمتلرندن بر تک حکمتدر که؛ وظیفه سی بیتر، معناسنی افاده ایدر، وفات ایدر، معده مزده دفن ایدیلیر. مادام، بو فانی

(حاشیه): سؤال: اکر دینسه «نه دن اُک چوق مثاللری چیچکدن و چکرکدن و میوه دن کتیریورسک؟»  
الجواب: چونکه اونلر هم معجزات قدرتک اُک انتیقه لری، اُک خارقه لری، اُک نازنینلریدرلر. هم اهل طبیعت و اهل ضلالت و اهل فلسفه، اونلرده کی قلم قدر و قدرتک باز دینی اینجه خطی او قویه مدقلری ایچون اونلرده بوغولمشلر طبیعت بطاقلغنه دوشمشلر:

اشیا؛ باشقه یرده باقی میوه لر ویررلر و دائمی صورتلر بیراقیر و باشقه جهتهه اُبدی معنالر افاده ایدر. سرمدی تسبیحات یاپار. وانسان ایسه، اونلرک شو جهتنه باقان یوزلرینه باقمقله انسان اولور، فانی ده، باقی یه یول بولور.

دیمک، بو حیات و موت ایچنده یوارلانان، طوپلانوب طاغیلان موجودات ایچنده باشقه مقصد وار. تمثیلده قصور یوقدر. شو احوال؛ تقلید و تمثیل ایچون تشکیل و ترتیب ایدیلن احواله بکزه ر. ناصل بویوک مصرفله قیصه اجتماعلر، طاغیلمه لر یاپیلیور. تا، صورتلر آینسین، ترکیب ایدلسین. سینه ماده دائم کوسترلسین. اونک کبی، بو دنیاده قیصه بر مدت ظرفنده حیات شخصییه و حیات اجتماعیه کچیرمه نك بر غایه سی شودرکه: صورتلر اُنوب ترکیب ایدلسین، نتیجه عمللری الینوب حفظ ایدلسین، تا، بر مجمع اکبرده محاسبه سی کورولسون، و بر مشهر اعظمده کوسترلسین. و بر سعادت عظمایه استعدادی کوسترلسین. دیمک، حدیث شریفده «دنیا آخرت مزعه سیدر» دبییه بو حقیقتی افاده ایدیور.

حرمت ویره بیلیر. و حیواناتده اولدیغی کبی؛ باشقه منفعتلر و سائر غالب حسلر، او حرمت و مرحمتی مغلوب ایدوب او دنیا جنتنی، جهنمه چویرر.

ایشته، ایمان حشرینک یوزر نتیجه سندن بریسی، حیات اجتماعیه انسانیه یه تعلق ایدر. و بوتک نتیجه نکه ده یوزر جهتدن و فائده لرندن مذکور درت دلیلہ سائرلری قیاس ایدیسه اکلاشیلیر که: حقیقت حشریه نکه تحقیقی و وقوعی؛ انسانیتک علوی حقیقتی و کلی حاجتی درجه سنده قطعیدر. بلکه، انسانک معدنه سنده کی احتیاجک وجودی؛ طعاملرک وجودینه دلالت و شهادتدن دها ظاهر در و دها زیاده تحقیقی بیلدیرر. و اگر، بو حقیقت حشریه نکه نتیجه لری انسانیتدن چیقسه؛ او چوق اهمیتلی و یوکسک و حیاتدار اولان انسانیت ماهیتی؛ مردار و میقروب یوواسی بر لاشه حکمنه سقوط ایده جکنی اثبات ایدر. بشرک اداره و اخلاق و اجتماعیاتی ایله چوق علاقه دار اولان اجتماعیون و سیاسیون و اخلاقیونک قولقلری چینلا سین! کلسینلر، بو بوشغلی نه ایله

طولدوره بیلیرلر؟ و بو درین یاره لری نه ایله تداوی ایده بیلیرلر؟

● **ایکنجی نقطه:** حقیقت حشریه نکه حدسز برهانلرندن سائر ارکان ایمانیه دن کلن شهادت لرک خلاصه سندن چیقان بر برهانی، غایت مختصر بر صورتده بیان ایدر. شویله که:

حضرت محمد ﷺ رسالته دلالت ایدن بوتون معجزه لری و بوتون دلائل نبوتی و حقانیتک بوتون برهانلری، بردن حقیقت حشریه نکه تحقیقنه شهادت ایده رک اثبات ایدرلر. چونکه بو ذاتک بوتون حیاتنده بوتون دعوالری، وحدانیتدن صوکره حشرده تمرکز ایدیور. هم عموم پیغمبرلری تصدیق ایدن و ایتدییره ن بوتون معجزه لری و حجتلری عین حقیقته شهادت ایدر. هم و برسله کلمه سندن کلن شهادتی، بداهت درجه سنه چیقاران و کتبه شهادتی ده عین حقیقته شهادت ایدر. شویله که:

باشده (قرآن معجز البیان) ک حقانیتنی اثبات ایدن بوتون معجزه لری، حجتلری و حقیقتلری، بردن

## ذيلك او چنجي پارچه سى

حشر مناسبتيله بر سؤال : قرآنده مكرراً

﴿إِنْ كَانَتْ إِلَّا صِيْحَةً وَاحِدَةً﴾ ﴿هُمْ﴾ وَمَا أَمْرُ  
السَّاعَةِ إِلَّا كَلَمَحِ الْبَصْرِ ﴿﴿ فرمانلرى كوسترييور كه:  
حشر اعظم بر آنده زمانسز وجوده كلييور. طار عقل  
ايسه، بو حدسز درجه خارقه وامثالسز اولان مسئله يى  
اذعان ايله قبول ايتمنسه مدار اوله جق مشهود بر مثال  
ايستر؟

الجواب : حشرده، روحلك جسدلره كلمسى وار.  
هم، جسدلك احياسى وار. هم جسدلك انشاسى وار.  
اوچ مسئله در».

برنجى مسئله : روحلك جسدلرينه كلمسنه مثال  
ايسه: غايت منتظم بر اردونك افرادى، استراحت  
ايچون هر طرفه طاغيلمش ايكن يوكسك صدالى بر برو

حيات معنويه يه مظهريتنى كوسترر. أوت، حيات أزيه  
كونشك ضياسى اولان، بو كيبى جلوهء حيات،  
ألبته يالكز بو عالم شهادته بو زمان حاضره و  
بو وجود خارجيه يه منحصر اوله ماز. بلکه، هر بر عالم،  
قابليتته كوره او ضيانك جلوهسنه مظهردر. و كائنات،  
بوتون عالمريله او جلوه ايله حياتدار و ضياداردر.  
يوقسه، نظر ضلالتك كورديكى كيبى، موقت و ظاهرى  
بر حيات آلتنده هر بر عالم بويوك و مدهش برر جنازه  
وقراكلقى برر ويرانه عالم اوله جقدى. ايشته، قدره  
وقضايه ايمان ركنك دخى كنيش بر وجهى ده سر  
حياتله آكلاشيليبور و ثابت اولويور. يعنى، ناصلكه  
عالم شهادت و موجود حاضر اشيا، انتظامريله و  
نتجهلريله حياتدارلقلرى كورنويور. اويله ده عالم غيبدن  
صايبيلان كچمش و كله جك مخلوقاتك دخى، معناً  
حياتدار بر وجود معنويلرى و روحلى برر ثبوت  
علميلرى واردر كه: لوح قضا و قدر واسطه سيله او  
معنوى حياتك اثرى، مقدرات ناميله كورونور، تظاهر  
ايدر.

هم، بوتون كله جلك زمانده (حاشیه) اولان ممكناته قادر

(حاشیه): اوت، زمان حاضر، تا ابتداء خلقت عالمه قدر اولان زمان ماضی؛ عموماً وقوعاتدر... وجوده كلمش هر بر کونی هر بر سنه سی هر بر عصری، بر سطر، بر صحیفه در، بر کتابدر که: قلم قدر ایله ترسیم ایدلشد. دست قدرت، معجزات ایاتی اولرده کمال حکمت وانتظام ایله یازمشدر. شو زماندن تا قیامت، تا جنته، تا ابد قدر اولان زمان استقبال عموماً امکاناندر... یعنی ماضی وقوعاتدر، استقبال امکاناندر. ایشته او ایکی زمانک ایکی سلسله سی برپرنه قارشى مقابله ایدلسه ناصلکه دونکی کونی خلق ایدن و او کونه مخصوص موجوداتی ایجاد ایدن ذات؛ یارینکی کونی موجوداتیله خلق ایتکمه مقتدر اولدیغی هیچ بر وجهه شبهه کتیرمز. اوله ده، شبهه یوقدر که: شو میدان غرائب اولان زمان ماضینک موجوداتی و خارقه لری، بر قدیر ذوالجلالک معجزاتیدر... قطعى شهادت ایدر لکه: او قدیر، بوتون استقبالک، بوتون ممکناتک ایجادینه، بوتون عجائبنک اظهارینه مقتدر در. اوت ناصلکه بر المایی خلق ایده جلك، البته دنیا ده بوتون المایى خلق ایتکه وقوجه بهاری ایجاد ایتکه مقتدر اومتق کر کدر. بهاری ایجاد ایتمه ين، بر المایی ایجاد ایده مز. زیرا او الما او تزکا ده طوقونویور بر کائناتک مثال مصغریدر... هم صنعت اعتباریله قوجه اغاجک بوتون تاریخ حیاتی طاشیجان المانک چکرده کی اعتباریله ایله بر خارقه صنعتدر که اونى ایله جه ایجاد ایدن، هیچ بر شیدن عاجز قالماز. اوله ده، بو کونی خلق ایدن قیامت کونی خلق ایده بیلیر. و بهاری ایجاد ایده جلك، حشرک ایجادینه مقتدر بر ذات اوله بیلیر. زمان ماضینک بوتون عالمترینی زمانک شریدینه کمال حکمت وانتظام ایله طاقوب کوستره ن؛ البته استقبال شریدینه دخى باشقه کائناتی طاقوب کوستره بیلیر. و کوستره جکدر. قاج سوزلرده بالخاصه یکرمی ایکنجی سوزده غایت قطعى اثبات ایتمشر که، هر شیء یاپامایان هیچ بر شیء یاپاماز و بر تک شیء خلق ایدن هر شیء یاپابیلیر. هم، اشیانک ایجادى بر تک ذاته ویرلسه بوتون اشیاء بر تک شى کبی، قولای اولور وسهولت پیدا ایدر... اکر متعدد اسبابه ویرلسه، و کترته اسناد ایدلسه، بر تک شیفک ایجادى؛ بوتون اشیانک ایجادى قدر مشکلاتلی اولور و امتناع درجه سنده صعوبت پیدا ایدر.

اولدیغینه، بوتون کچمیش زمانده کی معجزات قدرتی اولان وقوعاتی شهادت ایدن و قیامت وحشره پک بکره ين قیش ایله بهاری هر وقت بالمشاهده ایجاد ایدن بر قدیر ذوالجلال لدن انسان ناصل عدمه کیدوب قاجه بیلیر، طوپراغه کیروب صاقلانه بیلیر؟

مادام بو دنیا ده اوکا لایق محاسبه کورولوب، حکم ویرلیسیور. البته، بر محکمه کبرا، بر سعادت عظمایه کیده جکدر.

يارادوب؛ حالبوکه بوتون یرک نباتی و حیوانی اولان مخلوقاتنه بر نوع تنظیمات مأموری یاپوب، اونلرک طرز تسبیحات و عبادت‌لرینه مداخله ایتدیروب کائناتده کی اجرات الهیه، کوچوچک مقیاسده بر تمثیل کوستروب ربوبیت سبحانیه یی فعلاً و قلاً کائناتده اعلان ایتدیرمک، ملکلرینه ترجیح ایدوب، خلافت رتبه سنی ویردیکی حالده اوکا بوتون بو وظیفه لرینک غایه‌سی ونتیجه‌سی وثمره‌سی اولان سعادت ابدیه‌یی ویرمسین! اونی بوتون مخلوقاتنک اک بدبخت، اک بیچاره، اک مصیبتزده، اک درتمند، اک ذلیل بز درکه یه آتوب؛ اک مبار، نورانی و آلت تسعید بر هدیه حکمتی اولان عقلی، او بیچاره یه اک مشعوم و ظلمانی بر آلت تعذیب یاپوب حکمت مطلقه سنه بوسبتون ضد و مرحمت مطلقه سنه کلیاً منافی بر مرحمتسزلک ایتسین! حاشا و کلا!

الحاصل: ناصل حکایه تمثیلیه ده بر ضابطک جزداننه و دفتیرنه باقوب کورمش ایدککه: هم رتبه‌سی، هم وظیفه‌سی، هم معاشی، هم دستور حرکتی، هم جهازاتی بزه کوستردیکه؛ او ضابط، او موقت میدان

ایچون دکیل؛ بلکه مستقر بر مملکت کیده جک ده اوکا کوره چالش‌سیور. عیناً اونک کبی، انسانک قلب جزداننده کی لطائف و عقل دفتیرنده کی حواس و استعدادنده کی جهازات؛ تماماً و متفقاً سعادت ابدیه‌یه متوجه و اوکا کوره ویریلمش و اوکا کوره تهجیز ایدلمش اولدیغنه اهل تحقیق و کشف متفقدر لر. از جمله:

مثلاً: عقلک بر خد متکاری و تصور یزجیسی اولان «قوه خیالیه» یه دینلسه که: سکا بر میلیون سنه عمرله سلطنت دنیا ویریله جک، فقط آخرده مطلقاً هیچ اوله حقسک. توهم آلداتمه مق، نفس قاریشمه مق شرطیله «اوخ» یرینه «آه» دییه جک و تأسف ایده جک. دیمک، اک بویوک فانی، اک کوچوک بر آلت و جهازات انسانیه یی طویوره مییور. ایشته بو استعداددندرکه؛ انسانک ابدیه اوزاتمش امللری و کائناتی احاطه ایتمش افکارلری و ابدی سعادت‌لرینک انواعنه یاییلمش آرزولری کوستررکه: بو انسان ابد ایچن خلق ایدلمش و ابدیه کیده جکدر. بو دنیا اوکا بر مسافر‌خانه در و آخرتته بر انتظار سالونی در.

باقیه امیدیه مقابله ایده بیلیر لر. یوقسه او شفقته لایق محترملر و سکونته و استراحت قلبیه یه چوق محتاج او اندیشه لی بابالر و آنالر، اوله بر و او یلاء روحی و بر دغدغه قلبی حس ایده جکلردیکه: بو دنیا اونلره ظلمتلی بر زندان و حیات دخی قساوتلی بر عذاب اولوردی.

اوجنجی دلیل: انسانلرک حیات اجتماعیه سنک مداری اولان کنجلر، دلی قانلیلر، شدت غلیانده اولان حسیاتلرینی و افراطکار بولنان نفس وهو الرینی تجاوزاتدن و ظلملردن و تخریباتدن طور دوران و حیات اجتماعیه نک حسن جریاننی تأمین ایدن؛ یالکز جهنم فکریدر. یوقسه، جهنم اندیشه سی اولمازسه (الحکم للغالب) قاعده سیله او سرخوش دلی قانلیلر، هو ساتلری پشیننده بیچاره ضعیفلره، عاجزلره، دنیایی جهنمه چوپره جکلردی و یوکسک انسانیتی غایت سفلی بر حیوانیته دوندوره جکلردی.

دردنجی دلیل: نوع بشرک حیات دنیویه سنده اُک جمعیتلی مرکز و اُک اساسلی زنبه ک و دنیوی سعادت ایچون بر جنت، بر ملجأ، بر تحصنکاه ایسه؛ عائله

حیاتیدر. و هرکسک خانه سی، کوچوک بر دنیا سیدر و او خانه و عائله حیانتک حیاتنی و سعادتنی ایسه؛ صمیمی وجدی و وفادارانه مرحمت و حقیقی و شفقتلی و فداکارانه مرحمت ایله اولاییلیر. و بو حقیقی حرمت و صمیمی مرحمت ایسه ابدی بر ارقداشلق و دائمی بر رفاقت و سرمدی بر برابرلک و حدسز بر زمانده و حدودسز بر حیاتده بربریله پدرانده، فرزندانده، قرده شانده، ارقداشانده مناسبتلرک بولنمق فکریله، عقیده سیله اوله بیلیر. . مثلا، دیر: بو «حرمم، ابدی بر عالمده، ابدی بر حیاتده، دائمی بر رفیقده حیاتمدر. شمذیلک اختیار و چیرکین اولمش ایسه ده ضرری یوق. چونکه ابدی بر کوزللکی وار، کله جک. و بویله دائمی ارقداشلغک خاطر ایچون هر بر فداکارلغنی مرحمتنی و یاپارم.» دییه رک او اختیار قاریسنه کوزل بر حوری کبی محبتله، شفقتله، مرحمتله مقابله ایده بیلیر. یوقسه، قیصه جق بر ایکی ساعت صوری بر رفاقتدن صوکره ابدی بر فراق و مفارقته اوغرایان ارقداشلق؛ البته غایت صوری و موقت و اساسسز، حیوان کبی بر رقت جنسیه معناسنده و بر مجازی مرحمت و صنعی بر

## سکرتی حقیقت

باب وعد و وعیددر،

اسم جمیل و جلیک جلوہ سیدر

هیچ ممکنمیدرکه: علیم مطلق و قدیر مطلق اولان شو مصنوعاتک صانعی؛ بوتون انبیانک تواترله خیر و یردکلری و بوتون صدیقین و اولیانک اجماع ایله شهادت ایتدکلری مکرر وعد و وعید الهیسنی یرینه کیترمیوب حاشا عجز و جهلنی کوسترسین؟ حالبوکه: وعدو وعیدنده بولندیغی أمرلر؛ قدرتنه هیچ آغیر کلمز. پک خفیف و پک قولای. کچمش بهارک حسابسز موجوداتنی کله جک بهارده قسماً<sup>(حاشیه-۱)</sup> عیناً قسماً<sup>(حاشیه-۲)</sup> مثلاً اعاده سی قادر قولایدیر.

ایفای وعد ایسه؛ هم بزه هم هر شیعه، هم کندیسنه، هم سلطنت ربوبیتنه پک چوق لازمدر.

(حاشیه-۱): آعاج و اوتلرک کوکلری کبی.

(حاشیه-۲): پایراقر، میوه لر کبی.

خلف الوعد ایسه؛ هم عزت اقتدارینه ضددر. هم احاطه علمیه سنه منافیدر. زیرا، خلف الوعد، یا جهلدن، یا عجزدن کلیر.

ای منکر! بیلیرمیسک که: کفر و انکارک ایله نه قادر احمقجه بر جنایت ایشله یورسک که؛ کندی یالانچی وهمکی، هذیانچی عقلکی، آلدانچی نفسکی تصدیق ایدوب، هیچ بر وجهله خلف و خلافه مجبوریتی اولمایان و هیچ بر وجهله خلاف؛ اونک عزتنه، حیثیتنه یاقیشمایان و بوتون کورونن شیلر و ایشلر؛ صدقنه و حقانیتنه شهادت ایدن برذاتی تکذیب ایدیورسک! نهایتسز کوچوکلک ایچنده نهایتسز بویوک جنایت ایشله یورسک! آلبته، ابدی بویوک جزایه مستحق اولورسک. بعض اهل جهنمک بر دیشی، طاغ قادر اولمسی؛ جنایتنک بویکلکنه بر مقیاس اوله رق خیر و یرلش. مثالک شو یولچی یه بکزه رکه: کونشک ضیاسندن کوزینی قاپار. قفاسی ایچنده کی خیالنه باقار. وهمی بر بیلدیز بوجکی کبی قفا فنارینک ایشیغی ایله دهشتلی یولنی تنویر ایتمک ایسته یور. مادام شو موجودات؛ حق سویله ین صادق کلمرلری، شو

احسانلر، لطفلر، کرملر، عنایتلر، رحمتلر؛ پردهٔ غیب  
 آرقهٔ سنده بر ذاتِ رحمنِ رحیمک بولندیغنی سونمه مش  
 عقللره، ثولمه مش قلبلره کوسترر. البته انعامی استهزادن،  
 واحساننی الداتمقدن و عنایتنی عداوتدن و رحمتنی  
 عذابدن و لطف و کرمی اهانتدن خلاص ایدن و  
 احساننی احسان ایدن ونعمتنی نعمت ایدن بر عالم  
 باقیده بر حیاتِ باقیه وار و اوله جقدر.

هم ما دام، بهار فصلنده، زمینک طار صحیفه سنده  
 خطاسز یوزبیک کتابی بربری ایچنده یازان بر قلم  
 قدرت کوزومز اوکنده یورولمه دن ایشله یور. و او قلم  
 صاحبی، یوزبیک دفعه عهد و وعد ایتمشکه «بو طار  
 یرده وقاریشیق وبربری ایچنده یازیلان بهار. کتابدن  
 دها قولای اوله رق کنیش بر یرده کوزل و لایموت بر  
 کتابی یازاجغم وسزه اوقوتدو راجغم» دییه بوتون  
 فرمانلرده او کتابدن بحث ایدیور. البته و هر حالده او  
 کتابک اصلی یازیلمش و حشر و نشر ایله حاشیه لری ده  
 یاز یلاجق. وعمومک دفتر اعماللری اونده قید  
 ایدیله جک.

اولان آخرتک تحقیقنه دلالت ایدرلر. عیناً او یله ده،  
 واجب الوجودک وجودینه و وحدتنه شهادت ایدن اکثر  
 دلیللر و حجتلر، طولایسیله ربوبیتک والوهیتک اُک  
 بویوک مداری و مظهری اولان دارِ سعادتک و عالم  
 بقانک وجودینه، آچیلماسنه شهادت ایدرلر. چونکه  
 کله جک مقاماتده بیان و اثبات ایدیله جکی کبی ذات  
 واجب الوجودک هم موجودیتی، هم عموم صفتلری هم  
 اکثر اسملری، هم ربوبیت، الوهیت، رحمت، عنایت،  
 حکمت، عدالت کبی وصفلری، شئنلری لزوم  
 درجه سنده آخرتی اقتضا و وجوب درجه سنده باقی بر  
 عالی استلزام و ضرورت درجه سنده مکافات و مجازات  
 ایچون حشری و نشری ایسترلر. اوت، مادام ازللی اُبدی  
 بر الله وار. البته سلطنت الوهیتک سرمدی بر مداری  
 اولان آخرت واردر. و مادام، بو کائناتده و ذیحیاتده  
 غایت حشمتلی و حکمتلی و شفقتلی بر ربوبیت مطلقه  
 وار و کورونیور. البته او ربوبیتک حشمتنی سقوطدن و  
 حکمتنی عبثیتدن و شفقتنی غدردن قورتاران ابدی بر  
 دارِ سعادت بولنه جق و کیریله جک.

هم مادام، کوز ایله کورونن بو حدسز انعاملر،



ایچنده بربرینه قاریشماز . برابر یازار؛ بربرینه مانع اولماز .  
 تشکیلجه، صورتجه بربرندن آیری، هیچ شاشیرتماز .  
 یاکلیش یازماز . اوت اُک بویوک بر اغاجک روح  
 پروغرامنی بر نقطه کبی اُک کوچوک بر چکرده کده درج  
 ایدوب، محافظه ایدن ذات حکیم حفیظ؛ وفات  
 ایدنلرک روحلرینی ناصل محافظه ایدر، دینلیرمی؟ و  
 کرهء ارضی بر صاپان طاشی کبی چویره ن ذات قدیر،  
 آخرته کیدن مسافرلرینک یولنده، ناصل بو ارضی  
 قالدیره جق ویا طاغیده جق دینلیرمی؟ هم، هیچدن،  
 یکیدن بوتون ذی حیاتک اردولرینی بوتون جسدلرینک  
 طابورلرنده کمال انتظامله ذراتی امر کُن فیکون ايله قید  
 ایدوب یرلشدیره ن، اردولر ایجاد ایدن ذات  
 ذوالجلال؛ طابور مثال جسدک نظامی آتنه کیرمکله،  
 بربريله طانیشان ذرات اساسیه واجزای اصلیه سنی بر  
 صیحه ايله ناصل طویلايه بیلیر دینلیرمی؟

هم، بو بهار حشرینه بکره ین، دنیانک هر دورنده،  
 هر عصرنده، حتی کیجه کوندوزک تبدیلنده حتی جو  
 هواده بلوطلرک ایجاد وافناسنده حشره نمونه و مثال و

اماره اوله جق نه قادار نقشلر یاپدیغنی کوزو کله  
 کوریورسک . حتی اگر خیالاً بیک سنه اول کندیکی  
 فرض ایتسک، صوکره زمانک ایکی جناحی اولان  
 ماضی ايله متسقبلی بربرینه قارشیلشدیرسه ک؛ عصرلر،  
 کونلر عددنجه مثال حشر و قیامتک نمونه لرینی  
 کوره جکسک . صوکره، بو قادار نمونه ومثاللری مشاهد  
 ایتدیکک حالده، حشر جسمانی بی عقلدن اوزاق  
 کوروب استبعاد ایتمکله انکار ایتسه ک؛ نه قادار  
 دیوانه لک اولدیغنی سنده آکلارسک . باق، فرمان  
 اعظم، بحث ایتدیکمز حقیقته دائر نه دیور:

﴿فَانظُرْ إِلَىٰ آثَارِ رَحْمَتِ اللَّهِ كَيْفَ يُحْيِي الْأَرْضَ  
 بَعْدَ مَوْتِهَا إِنَّ ذَٰلِكَ لَمُحْيِي الْمَوْتَىٰ وَهُوَ عَلَىٰ كُلِّ

شَيْءٍ قَدِيرٌ ﴿۹۱﴾

تصدیق ایتمه مك اوندن دها بر باد بر ضلالت دیوانه لکیدر؛ بر مجنونلق هذایانیدر. زیرا هر شیده، حتی هر بر ذره ده بر الوهیت مطلقه قبول ایتمک لازمدر. چونکه مثلا: هوانك هر بر ذره سی؛ هر بر چیچك ایله هر بر میوه یه هر بر پاپراغه کیره ر و ایشله یه بیلیر. ایشته شو ذره، اکر مأمور اولمازسه، بوتون کیره بیلدیکی و ایشلدیگی مصنوعلرک طرز تشکیلاتنی و صورتلرینی و هیعتلرینی بیلمک لازمدر. تا ایچنده ایشله یه بیلسین. دیمک، محیط بر علم و قدرته مالک اولملی کی، بویله یاپسین.

مثلا، طوپراقده، هر بر ذره سی قابلدرکه، مختلف بوتون توخملر وچکرده کلره مدار و منشأ اولسون. اکر مأمور اولمازسه، لازم کلییورکه: اوتلر و اغاجلر عددنجه معنوی جهازات و ماکنینه لری تضمن ایتسین، ویا خود، اونلرک بوتون طرز تشکیلاتنی بیلیر، یاپار؛ بوتون اونلره کیدیریلن صورتلری طنائیر، دیکه بلیر بر صنعت و قدرت ویرمک لازم کلیر. دها سائر موجوداتی ده قیاس ایت. تا اکلایه حقسک که: هر شیده آشکاره وحدانیتک چوق

دلیللری وار. اوت، بر شیدن هر شیء یایمق وهر شیء بر تک شی یایمق، هر شیعک خالقنه خاص بر ایشدر.

﴿وَإِنْ مِنْ شَيْءٍ إِلَّا يُسَبِّحُ بِحَمْدِهِ﴾ فرمان ذیشاننه دقت ایت. دیمک؛ واحد احدى قبول ایتمه مك ايله، موجودات عددنجه ایلهری قبول ایتمک لازم کلیر.

صحة

● **ایکینجی اشارت:** حکایه ده بر یاور اکرمدن بحث ایدلمش و دنیلمشکه: کور اولمایان هر کس اونک نشانلرینی کورمکله اکلارکه: او ذات، پادشاهک امریله حرکت ایدر. و اونک خاص بنده سیدر. ایشته او یاور اکرم، رسول اکرم علیه الصلوة والسلامدر. اوت، شویله مزین بر کائناتک اویله مقدس بر صانعنه بویله بر رسول اکرم، ایشیق شمسسه لزومی درجه سنده ایلزمدر. چونکه ناصل کونش ضیا ویرمکسزین ممکن دگلدر. اویله ده الوهیت ده پیغمبرلری کوندرمکله کندینی کوسترمکسزین ممکن دگلدر.

هم هیچ ممکن اولورمیکه، نهایت کمالده اولان بر جمال؛ کوستریجی و تعریف ایدیجی بر واسطه ايله کندینی کوسترمک ایسته مسین!

شومیدان و شو مشهر لرك آرقه سنده؛ او سرمدي سلطنته مدار و مظهر اوله جق دائمی سرايلر، مستمر مسكنلر شو دنياده كوردیكمز نمونه لرك و صورتلرك اك خالص و أك يوكسك اصللريله طولو باغ و خزينه لری واردر. ديمك بوراده چابالامق؛ اونلر ايچوندر. شوراده چاليشدير، اوراده اجرت ويرر. هر كسك استعدادينه كوره اكر غائب ايتمزسه اوراده بر سعادتى واردر. اوت، اويله سرمدي بر سلطنت محالدر كه: شو فانيلر وزائل ذليللر اوستنده طورسون.

شو حقيقته، شو تمثيل دروبينيله باق كه: مثلاً؛ سن يولده كيد ييورسك. كور ييورسك كه؛ يول ايچنده بر خان وار. بر بويوك ذات، او خانى، كندينه كلن مسافرلرينه ياپمش. او مسافرلرك؛ بر كيجه تنزه و عبرتلرى ايچون، او خانك تزييناتنه ميليونلر التونلر صرف ايد ييور. هم، او مسافرلر؛ او تزييناتدن پك آزی وآز بر زمانده باقوب، او نعمتلردن پك آزی بر وخته آزی بر شى طادوب، طوبادان كيد ييورلر. فقط هر مسافر كندينه مخصوص فوطوغرافيله او خانده كى شيلرك صورتلرينى

آلييورلر. هم، او بويوك ذاتك خدمتكار لرى ده، مسافرلرك صورت معامله لرينى غايت دقت ايله آلييورلر. وقيد ايد ييورلر. هم كور ييورسك كه او ذات هر كونده، او قيمتدار تزييناتك چوغنى تخريب ايدر. يكي كله جك مسافرلره، يكي تزييناتى ايجاد ايدر. بونى كورد كدن صوكره هيچ شبهك قالرمى كه: بو يولده بو خانى ياپان ذاتك؛ دائمی، پك عالى منزللرى. هم توكنمز پك قيمتلى خزينه لرى؛ هم مستمر، پك بويوك بر سخاوتى واردر. شو خانده كوستردىكى اكرام ايله، مسافرلرينى، كندى ياننده بولنان شيلره اشتهالرينى آچييور. و اونلره حاضرلادىغى هديه لره، رغبتلرينى اوياند ييرييور. عيناً اونك كبى، شو مسافرخانهء دنياده كى وضعيتى، سرخوش اولمادن دقت ايتسه ك؛ شو «طوقوز اساسى اكلارسك»:

برنجى اساس: اكلارسك كه: او خان كبى بو دنيا دخى كندى ايچون دكيل. كندى كندينه ده بو صورتى آماسى محالدر. بلکه، قافلهء مخلوقاتك كلوب قونمق و كوچمك ايچون طولوب بوشانان، حكمتله ياپيلمش بر مسافرخانه سيدر.

یابیلیور. دیمک بو وضعیتلر مقصود بالذات دکیلر. بر تمیلدر، بر تقلیددرلر. او ذات معجزه ایله یابیور. تا صورتلری آلینوب ترکیب ایدیلسین و نتیجه لری حفظ ایدیلوب یازیلسین - ناصلکه، مانورا میدان امتحانک هر شیئ قید ایدیلیوردی و یازیلیوردی - دیمک، بر مجمع اکبرده معامله بولنر اوزرینه دوام ایدوب دونه جک. هم، بر مشهر اعظمده دائمی کوستریله جک. دیمک، شو کچیجی، قرارسز وضعیتلر؛ ثابت صورتلر، باقی میوه لر ویریورلر.

دیمک بو احتفالات؛ بر سعادت عظمای، بر محکمہ کبرا، بیلمد یکمز علوی غایه لر ایچوندر.

\* اون برنجی صورت: کل، آی معن ارقداش! بر طیاره یه. یا شرقه ویاغربه، یعنی ماضی و مستقبه کیدن بر شمندوفره بینه لم. شو معجزه کار ذاتک سائر یرلرده نه چشید معجزه لر کوستردیکنی کوره لم. ایشته باقی، کوردیکمز منزل و میدان و مشهر کبی عجائبلر، هر طرفده بولونویور. لکن، صنعتجه، صورتجه بربرندن

یریدرلر. فقط، بوکای ائی دقت ایت که: او نباتسز منزلرده، او دوامسز میدانلرده، او بقاسز مشهرلرده، نه قادار باهر بر حکمتک انتظاماتی، نه درجه ظاهر بز عنایتک اشاراتی، نه مرتبه عالی بر عدالتک امارتی، نه درجه واسع بر مرحمتک ثمراتی کورنیور. بصیرتسز اولمایان هرکس یقیناً اکلارکه: اونک حتکتمتندن دها اُکمل بر حکمت. و عنایتندن دها اجمل بر عنایت و مرحمتندن دها اشمیل بر مرحمت و عدالتندن دها اجل بر عدالت اوله ماز. و تصور ایدیله مز. اگر فرضاً توهم ایتدیکک کبی، دائرهء مملکتنده دائمی منزللر، عالی مکانلر، ثابت مقاملر، باقی مسکنلر، مقیم اهالی، مسعود رعیتی بولنمازسه شو حکمت، عنایت، مرحمت، عدالتک حقیقتلرینه شو بقاسز مملکت مظهر اوله مدیغی معلوم. و اونلره مظهر اوله جق، باشقه یردهده بولنمازسه؛ او وقت کندوز اورته سنده کونوشک ایشیغنی کوردیکمز حالده کونوشی انکار ایتمک درجه سنده بر احمققله شو کوزیمز اوکنده کی حکمتی انکار ایتمک وشو مشاهده ایتدیکمز عنایتی انکار ایتمک وشو

اختلاط ایچنده و قاریشمش اولدقلری حالده، نهایت درجه ده امتیاز وفرقله بربرلندن آیریلیور. باشقه جهتلری بوکا قیاس آیت. ناصل بویله بر سرایک صانعندن غفلت ایديله بیلیر.

هم ناصلکه؛ بلوطسز، کوندوز اورته سنده، کونشک دکز یوزنده، بوتون قبارجقلر اوستنده وقره ده بوتون پارلاق شیلرده وقارک بوتون پارچه لرنده جلوه سی کوروندیکی وعکسی مشاهده ایدیلدیکی حالده، کونشی انکار ایتمک نه درجه عجیب بر دیوانه لك هذیانیدر. چونکه او وقت بر تک کونشی انکار وقبول ایتمه مکله، قطرات صایسنجه، قبارجقلر مقدارنجه، پارچه لر عددنجه، حقیقی وبالاصاله کونشجکلری قبول ایتمک لازم کلیور. هر ذره جگده، (که انحق بر ذره صیغیشه بیلدیکی حالده) قوجه بر کونشک حقیقتنی ایچنده قبول ایتمک لازم کلدیکی کبی، عینا اویله ده شو صیراواری ایچنده هر زمان حکمتله دکیشه ن دوز کونلک ایچنده هر وقت تازه له نن شو منتظم کائناتی کوروب، خالق ذوالجلالی اوصاف کمالیله

غریب زینتله ترین ایدلمش. حتی هر بر طاشنده بر سرای قادر صنعت درج ایدلمش. اوسطه سز اولمق، هیچ بر عقل قبول ایده مز. غایت ماهر بر صنعتکار ایستر. باخصوص او سرای ایچنده سینه ما پرده لری کبی، هر ساعتده حقیقی منزللر تشکیل ایدیلوب، کمال انتظامله آلیسه دکیشدیزدیکی کبی دکیشدیریور. حتی، هر بر حقیقی پرده ایچنده، متعدد کوچوک کوچوک منزللر ایجاد ایدیلیور. اویله ده، شو کائنات نهایتسز حکیم، علیم، قدر بر صانع ایستر. چونکه: شو محتشم کائنات اویله بر سرایدركه: آی، کونش لامبه لری، بیلدیزلر، موملری؛ زمان، بر ایپ، بر شریدرکه، او صانع ذوالجلال هر سنه بر باشقه عالی اوکا طاقوب، کوستریور. او طاقدیغی عالمک ایچنده اوچیوز التمش طرزده منتظم صورتلرینی تجدید ایدیور، کمال انتظامله وحکمتله دکیشدیریور. یر یوزینی بر صفره نعمت یاپمشکه، هر بهار موسمنده اوچیوز بیک انواع مصنوعاتیله ترین ایدیور؛ حد وحسابه کلمز انواع احساناتیله تولدیریور. اویله بر طرزده که، نهایت

لآيَاتٍ لِلْعَالَمِينَ ﴿١٢٠﴾ وَمِنْ آيَاتِهِ مَنَامُكُمْ بِاللَّيْلِ وَالنَّهَارِ  
 وَابْتِعَاؤُكُمْ مِنْ فَضْلِهِ إِنَّ فِي ذَلِكَ لَآيَاتٍ لِقَوْمٍ  
 يُسْمَعُونَ ﴿١٢١﴾ وَمِنْ آيَاتِهِ يَرْيَكُمُ الْبَرْقَ خَوْفًا وَطَمَعًا وَيُنزِلُ  
 مِنَ السَّمَاءِ مَاءً فَيُحْيِي بِهِ الْأَرْضَ بَعْدَ مَوْتِهَا إِنَّ فِي ذَلِكَ  
 لَآيَاتٍ لِقَوْمٍ يَعْقِلُونَ ﴿١٢٢﴾ وَمِنْ آيَاتِهِ أَنْ تَقُومَ السَّمَاءُ  
 وَالْأَرْضُ بِأَمْرِهِ ثُمَّ إِذَا دَعَاكُمْ دَعْوَةً مِنَ الْأَرْضِ إِذَا أَنْتُمْ  
 تَخْرُجُونَ ﴿١٢٣﴾ وَلَهُ مَنْ فِي السَّمَوَاتِ وَالْأَرْضِ كُلِّ لَهٍ  
 قَانِتُونَ ﴿١٢٤﴾ وَهُوَ الَّذِي يَبْدَأُ الْخَلْقَ ثُمَّ يُعِيدُهُ وَهُوَ أَهْوَنُ  
 عَلَيْهِ وَلَهُ الْمَثَلُ الْأَعْلَىٰ فِي السَّمَوَاتِ وَالْأَرْضِ وَهُوَ الْعَزِيزُ

### الحكيم ﴿١٢٠﴾

ایمانك بر قطبى كوستره بو سماوى آيات كبرانك و  
 حشرى اثبات ايدن شو قدسى براهين عظمانك بر  
 نكته اكبى و بر حجت اعظمى، بو «طوقوزنجى  
 شعاع» ده بيان ايديله جك. لطيف بر عنايت ربانيه  
 دركه؛ بوندن اوتوز سنه اول، اسكى سعيد، يازديغى  
 تفسير مقدمه سى «محاكمات» نامنده كى اترك

آخرنده، ايکينجى مقصد: قرآنده حشره اشارت ايدن  
 ايکي آيت تفسير و بيان ايديله جك. نخو بسم الله  
 الرحمن الرحيم ديوب طورمش. دها يازه مامش.  
 خالق رحيمه دلائل و امارات حشره عددنجه شکر و  
 حمد اولسونکه: اوتوز سنه صوكره توفيق احسان  
 ايلدى. اوت بوندن طوقوز، اون سنه اول او ايکي  
 آيتدن برنجى آيت اولان:

﴿فَانظُرْ إِلَىٰ آثَارِ رَحْمَةِ اللَّهِ كَيْفَ يُحْيِي الْأَرْضَ بَعْدَ  
 مَوْتِهَا إِنَّ ذَلِكَ لَمُحْيِي الْمَوْتَىٰ وَهُوَ عَلَىٰ كُلِّ شَيْءٍ قَدِيرٌ﴾

فرمان الهينك ايکي پارلاق وچوق قوتلى حجتلى و  
 تفسيرلى بولنان اوننجى سوز ايله يكرمى طوقوزنجى  
 سوزى انعام ايتدى. منكرلى صوصيدردى. هم، ايمان  
 حشرينك هجوم ايدلز او ايکي متين قلعه سندن طوقوز  
 و اون سنه صوكره ايکينجى آيت اولان باشده مذکور  
 آيات اكبرك تفسيرينى بو رساله ايله اكرام ايتدى. ايسته  
 بو طوقوزنجى شعاع؛ مذکور آياتيله اشارت ايديلن  
 «طوقوز عالى مقام» و براهميتلى «مقدمه» دن  
 عبارتدر.

## اونجی سوزك مهم بر ذیلی

ولاحقه سنك برنجی پارچه سی

بسم الله الرحمن الرحيم

﴿ فَسَبِّحَانَ اللّٰهَ حِينَ تُمْسُونَ وَحِينَ تُصْبِحُونَ ﴾ وَلَهُ  
الْحَمْدُ فِي السَّمٰوٰتِ وَالْاَرْضِ وَعَشِيًّا وَحِينَ  
تُظْهِرُونَ ﴿ يُخْرِجُ الْحَيَّ مِنَ الْمَيِّتِ وَيُخْرِجُ الْمَيِّتَ مِنَ  
الْحَيِّ وَيُحْيِي الْاَرْضَ بَعْدَ مَوْتِهَا وَكَذٰلِكَ تُخْرَجُونَ ﴿  
وَمِنْ اٰيٰتِهٖ اَنْ خَلَقَكُمْ مِنْ تُرَابٍ ثُمَّ اِذَا اَنْتُمْ بَشَرٌ  
تَتَشَبَّهُونَ ﴿ وَمِنْ اٰيٰتِهٖ اَنْ خَلَقَ لَكُمْ مِنْ اَنْفُسِكُمْ اَزْوَاجًا  
لِتَسْكُنُوْا بِهَآ وَجَعَلَ بَيْنَكُمْ مَوَدَّةً وَرَحْمَةً اِنَّ فِيْ ذٰلِكَ  
لَآيٰتٍ لِّقَوْمٍ يَّتَفَكَّرُوْنَ ﴿ وَمِنْ اٰيٰتِهٖ خَلْقَ السَّمٰوٰتِ  
وَالْاَرْضِ وَاخْتِلَافُ السِّنِّكُمْ وَالْوٰنِكُمْ اِنَّ فِيْ ذٰلِكَ

و خالق رحيمك رحمتيله، شو تقليدى قيريلمش و  
تسليمى بوزولمش عصرده، او درين و يوكسك يولى شو  
درجه احسان ايتديكندن بيك شكر ايتملى يز. چونكه  
ايمانك قورتولسنه كافي كلير. فهم ايتديكمز مقدارينه  
منون اولوب تكرار مطالعه ايله ازديادينه چاليشملى يز.  
حشره، عقل ايله كديلمه مسنك بر سرى شودرکه:  
حشر اعظم، اسم اعظمك تجليسييله اولديغندن،  
جناب حقلك اسم اعظمنك و هر اسمك اعظمى مرتبه  
سنده كى تجليسييله ظاهر اولان افعال عظيمه يى كورمك  
و كوسترمكله حشر اعظم بهار كيبى قولاي اثبات  
وقطعى اذعان و تحقيقى ايمان ايديلير. شو اونجى  
سوزده فيض قرآن ايله اويله كورولييور و كوستريليبور.  
يوقسه عقل، طار و كوچوك دستورلريله كندى باشه  
قالسه عاجز قالير، تقليده مجبور اولور.

عصیان ایدن ادب‌سزلی تأدیب ایتمسین؟ حالبوکه بو موقت دنیاده او حکمت، او عدالتنه لایق بیکدن بری، انسانده اجرا ایدیلمیور، تأخیر ایدیلمیور. اهل ضالالتک چوغی جزا‌آلمان، اهل هدایتک ده چوغی مکافات کورمه دن بورادن کوچوب کیدیورلر. دیمک، بر محکمه کبرایه، بر سعادت عظمایه بیراقیلیور.

أوت، کورنیورکه: شو عالمده تصرف ایدن ذات، نهایتسز بر حکمتله ایش کوریور. اوکا برهانی ایسترسک؟ هر شیده مصلحت وفائده لره رعایت ایتسیدر. کورمیورمیسک که: انسانده بوتون اعضا، کمیکلر و طمارلرده، حتی بدنک حجیراتنده، هر یرنده، هر جزئنده فائده لر و حکمتلرک کوزه دیلمسی، حتی بعض اعضاسی، بر اغاجک نه قادار میوه لری وارسه، او درجه او عضوه حکمتلر وفائده لر طاقیمسی کوستریورکه: نهایتسز بر حکمت ألیله ایش کوریلمیور. هم هر شیئک صنعتنده نهایت درجه ده انتظام بولنمسی کوستررکه: نهایتسز بر حکمت ایله ایش کورولویور.

أوت، کوزل بر چیجکک دقیق پروغرامنی، کوچوجک بر تخومنده درج ایتمک، بویوک بر اغاجک صحیفهء اعمالنی، تاریخچهء حیاتی، فهرستهء جهازاتی کوچوجک بر چکرده کده معنوی قدر قلمیله یازمق، نهایتسز بر حکمت قلمی ایشلدیکنی کوستریر.

هم هر شیئک خلقتنده غایت درجه ده حسن صنعت بولنمسی؛ نهایت درجه ده حکیم بر صانعک نقشی اولدیغنی کوسترر. أوت، شو کوچوجک انسان بدنی ایچنده بوتون کائناتک فهرسته سنی، بوتون خزائن رحمتک آناختارلرینی، بوتون اسمالرینک آیینه لرینی درج ایتمک؛ نهایت درجه ده بر حسن صنعت ایچنده بر حکمتی کوسترر. شمده هیچ ممکنیدرکه، شویله اجراءت ربوبیتده حاکم بر حکمت؛ او ربوبیتک قنادینه التجا ایدن و ایمان ایله اطاعت ایدنلرک تلطفنی ایسته مسین وابدی تلطیف ایتمسین؟

هم، عدالت و میزان ایله ایش کورلدیکنه برهانی ایسترسک؟ هر شیئعه، حساس میزانلرله، مخصوص



ویوزیمزی اوقشایان کوزم اوکنده کی قبيله نك برسنه ده  
 نشر اولان افرادی، بنی آدمک آدم زمانندن بری کلن  
 عموم افرادندن فضله اولدیغی حالده، هر بهارده سائر  
 قبيله لرایله برابر بر قاچ کون ظرفنده انشارلی واحیالری،  
 حشرلری؛ ألبته قیامتده اجساد انسانیه نك انشاسنه بر  
 مثال دکیل، بلکه بیکلر مثالدرلر. اوت دنیا دار  
 الحکمت و آخرت دار القدرت اولدیغندن؛ دنیاده  
 حکیم، مرتب، مدبر، مربی کبی چوق اسملرک  
 اقتضاسیله، دنیاده ایجاد اشیا بر درجه تدریجی وزمان  
 ایله اولمسی؛ حکمت ربانیه نك مقتضاسی اولمش.  
 آخرتده ایسه، حکمتدن زیاده قدرت ورحمتک  
 تظاهرلری ایچون مادهیه و مدته وزمانه ویکله مکه  
 احتیاج بیراقمه دن بردن اشیا انشا ایدیلییور. بوراده بر  
 کونده ویر سنه ده یاپیلان ایشلر، آخرتده برآنده، بر  
 لهده انشاسنه اشاره قرآن معجز البیان:

﴿وَمَا أَمْرُ السَّاعَةِ إِلَّا كَلَمْحِ الْبَصَرِ أَوْ هُوَ أَقْرَبُ﴾

فرمان ایدر.

اگر، حشرک کلمسنی، کله جک بهارک کلمسی

کبی، قطعی برصورتده اکلامق ایستر سه ک؛ حشره دائر  
 اوننجی سوز ایله یکرمی طوقوزنجی سوزه دقت ایله باق  
 کور. اکر بهارک کلمسی کبی اینانماز ایسه ک، کل  
 پارمغکی کوزیمه صوق.

دردنچی مسئله اولان موت دنیا وقیامت قویمسی  
 ایسه: برآنده بر سیاره ویا بر قویروقلی ییلدیزک أمر  
 ربانی ایله کره مزه. مسافرخانه مزه چاریماسی، بو  
 خانه مزی خراب ایده بیلیر. اون سنه ده یاپیلان بر  
 سرایک بر دقیقه ده خراب اولمسی کبی.



اكراملر ايده جك! نه كوز كورمش، نه قولاق  
ايشيتمش، نه قلب بشره خطور ايتمش در... آمانا.

## بِرغِي حَقِيْقَتِي

بابِ حَفْظِ وَ حَفِيْظِيْتِ اوْلُوْب،

اسمِ حَفِيْظِ وَرَقِيْبِكِ جَلُوْهِ سِيْدِرِ

هيچ ممكنايدر كه، كو كده، يرده، قره ده، دكزده،  
ياش قورو، كوچوك بو يوگ، عادي، عالي هر شيء  
كمال انتظام و ميزان ايچنده محافظه ايدوب، بر درلو  
محاسبه ايچنده نتيجه لرني آله ين بر حفيظيت؛ انسان  
كبي بو يوگ بر فطرتده، خلافت كبرا كبي بر رتبه ده،  
امانت كبرا كبي بو يوگ وظيفه سي اولان بشرك، ربوبيت  
عامه يه تماس ايدن عمللري و فعللري محافظه  
ايدلسين؟ محاسبه الكندن كچيريلمسين؟ عدالت  
ترازوسنده طارتيلمسين؟ شايسته جزا و مكافات  
چكمه سين؟ خير، اصلا...!

اوت، شو كائاتي اداره ايدن ذات، هر شيء نظام و  
ميزان ايچنده محافظه ايديبور. نظام و ميزان ايسه علم  
ايله، حكمت و اراده ايله قدرتك تظاهريدنر. چونكه  
كوريبورز: هر مصنوع؛ وجودنده، غايت منتظم و  
موزون ياراديليبور. هم، حياتي مدتجه دكيشديريكي  
صورتلر دخي، بر انتظاملي اولديغي حالده، هيئت  
مجموعه سي ده بر انتظام تحتنده در. زيرا كوريبورز كه:  
وظيفه سنك بيتمه سيله عمريته نهايت ويريلين وشو عالم  
شهادتدن كوچوب كيدن هر شيتك؛ حفيظ ذو الجلال،  
بر چوق صورتلرني الواح محفوظه حكمنده اولان (حاشيه)  
حافظه لرده و بر درلو مثالي آيينه لرده حفظ ايدوب، اكثر  
تاريخجهء حياتي چكرده كنده، نتيجه سنده نقش  
ايدوب يازيبور. ظاهر و باطن آيينه لرده ابقا ايديبور.  
مثلا: بشرك حافظه سي اغاچك ميوه سي، ميوه نك  
چكرده كي، چيچكك تخمي؛ قانون حفيظيتك عظمت  
احاطه سني كوستريبور.

كورميبور مسك كه: قوجه بهارك هپ چيچكلي،

(حاشيه): [يدنجي صورتك حاشيه سنه باق].

حادثات کائنات؛ طوغری سویله یین ناطق آیتلری اولان جناب حق وعد ایتمش. البتة یاپا جقدر. بر محکمهء کبرا آچه جقدر، بر سعادت عظمایره جکدر.

## هوروز فی حقیق

باب احیا و اماته در

اسم حی قیومک، محیی و ممیتک جلوه سیدر

هیچ ممکنمیدر که: تولش، قورومش قوجه ارضی احیا ایدن و او احیا ایچنده هر بری، بشر حشری کبی عجیب، اوچیوز بیکدن زیاده انواع مخلوقاتی حشر و نشر ایدوب قدرتنی کوسترن و اوحشر و نشر ایچنده نهایت درجه ده قاریشیق واختلاط ایچنده، نهایت درجده امتیاز و تفریق ایله احاطهء علمیه سنی کوستره و بوتون سماوی فرماناریله بشرک حشرینی وعد ایتمکله بوتون عبادینک انظارینی سعادت ابدیه یه چویرون و بوتون موجوداتی باش باشه، اوموز اوموزه، آل آله ویردیروب، آمر وارداه سی دائره سنده دوندیروب

بربرینه یاردیمجی و مسخر قیلمقله عظمت ربوبیتنی کوستره؛ ویشری، شجرهء کائناتک اُک جامع و اک نازک و اک نازنین، اُک نازدار، اک نیازدار بر میوه سی یاراتوب، کندینه مخاطب اتخاذا ایدرک هر شیء اوکا مسخر قیلمقله، انسانه بو قادار اهمیت ویردیکنی کوستره بر قدیر رحیم؛ بر علیم حکیم، قیامتی کیترمسین، حشری یاپماسین و یاپامسین! بشری احیا ایتمه سین ویا ایده مسین، محکمهء کبرایی اچاماسین! جنت وجهنمی یاراتاماسین. حاشا و کلا.

أوت، شو عالمک متصرف ذیشانی، هر عصرده، هر سنهده، هر کونده بو طار، موقت روی زمینده حشر اکبرک و میدان قیامتک بک چوق امثالنی و نمونه لرینی و اشاراتنی ایجاد ایدیور. أز جمله:

حشر بهاری ده کوریورز که: بش التی کون ظرفنده کو چوک و بویوک حیوانات و نباتاتدن اوچیوز بیکدن زیاده انواعی حشر ایدوب نشر ایدیور. بوتون اغاجلرک، اوتلرک کوکلرینی و بر قسم حیوانلری عیناً احیا ایدوب اعاده ایدیور. باشقه لرینی عینیت

سؤاله و مطلوبه جواب ویریور. حتی باق اُك اُدا بر حاجت، اُك اُدا بر رعیتدن کورسه، شفقتله قضا ایدیور. بر چوانك بر قویونی، بر ایاغی اینجینسه، یا مرهم، یا بیطر کوندریور.

کل کیده لم، شو اطه ده بویوک بر اجتماع وار. بوتون مملکت اشرافی اوراده طویلانمشلر. باق پك بویوک بر نشانی طاشیان بر یاور اکرم بر نطق اوقویور. او شفقتلی پادشاهندن بر شیلر ایستیور. بوتون اهالی «اوت، اوت، اوت بزه ایسته یوزز» دیبورلر. اونی تصدیق و تأیید ایدیورلر. شیمدی دیکله، بو پادشاهك سوکیلسی دیبورکه:

أی بزى نعمتلىله پرورده ایدن سلطانمز! بزه کوستردیکک نمونه لرك وکولکه لرك اصللرینی، منبعلرینی کوستر. ویزی مقر سلطنتکه جلب ایت. بزى بو چوللرده محو ایتدیرمه. بزى حضوریکه آل. بزه مرحمت ایت. بوراده بزه طاتدیریغك لذید نعمتلیکی اوراده بییدیر. بزى زوال و تبعید ایله تعذیب ایتمه. سکا

مشتاق و متشکر شو مطیع رعیتکی باشی بوش بیراقوب اعدام ایتمه» دیبور ویک چوق یالواریور. سنده ایشید یورسک. عجباً بو قادر شفقتلی و قدرتلی بر پادشاه هیچ ممکنمیدر که؛ اُك اُدا بر ادمك اُك اُدا بر مرامنی اهمیتله برینه کیترمسین، اُك سوکیلی بر یاور اکرمك اُك کوزل بر مقصودی برینه کیترمسین؟ حالبوکه، او سوکیلینک مقصودی عمومک ده مقصودیدر. هم، پادشاهك مرضیسی، هم مرحمت و عدالتك مقتضاسیدر. هم اوکا راحتدر. اغیر دکیل. بو مسافرخانه لرده کی موقت نزهتگاهلر قادر اغیر کلمز. مادام، نمونه لرینی کوسترمک ایچون بش اُلتی کون سیرانگاهلره بو قادر مصرف ایدیور، بو مملکتی قوردی. اُلبته، حقیقی خزینه لرینی، کمالاتنی. هنرلرینی مقر سلطنتنده اویله بر طرزده کوستره جک، اویله سیرانگاهلر اُچاچقکه، عقللری حیرتده بیراقجق.

دیمک بو میدان امتحانده اولانلر، باشی بوش دکیلر؛ سعادت سیریلری وزندانلر اونلری بکله یورلر.

كوردىكىمىز مرحمتى انكار ايتىمك و شو پك قوتلى  
 اماراتى، اشاراتى كورنن عدالتى انكار ايتىمك لازم  
 كليز. هم بو كوردىكىمىز اجراآت حكيمانه و افعال  
 كريمانه واحسانات رحيمانه نك صاحبنى؛ حاشا ثم  
 حاشا! سفيه بر اويونجى، غدار بر ظالم اولد يغنى قبول  
 ايتىمك لازم كليز. بو ايسه، حقيقتلر ك ضدلرينه  
 انقلابيدر. حالبوكه؛ انقلاب حقائق، بوتون اهل عقلك  
 اتفاقيه محالدر، ممكن دكيدلدر. يالكز، هر شئيئك  
 وجودينى انكار ايدن سُفُطائى ابلهلهر خارجدر.

دېمك بو دياردن باشقه بر ديار واردر. اونده بر  
 محكمهء كبرا، بر معدلهء عليا، بر مكرمهء عظما  
 واردركه؛ تا شو مرحمت و حكمت و عنایت و عدالت  
 تماماً تظاهر ايتسينلر.

\* اون ايگينجى صورت: كَلْ، شيمدى دونه جكز.  
 شو جماعتلر ك رئيسلريله و ضابطلريله كوروشه جكز  
 و تجهيزاتلرينه باقه جغزكه؛ او تجهيزات، يالكز او  
 ميدانده كى قيصه بر مدت ايچنده كچينمك ايچونى

ويرلمشدر؟ ياخود، باشقه يرده اوزون بر سعادت حياتى  
 تحصيل ايتىمك ايچون مى ويرلمشدر؟ كوره لم. هر كسه  
 و هر تجهيزاته باقه مايز، فقط نمونه ايچون شو ضابطك  
 جزدان و دفترينه باقه جغز. بو جزدانده ضابطك  
 رتهسى، معاشى، وظيفه سى، مطلوباتى، دستور  
 حرکاتى واردر. باق، بو رته بر قاچ كونلك ايچون  
 دكيل؛ پك اوزون بر زمان ايچون ويريله بيلير. «شو  
 معاشى خزينهء خاصه دن فلان تاريخده آلاجقسك»  
 يازيليدر. حالبوكه او تاريخ، چوق زمان صوكره و بو  
 ميدان قپانقدن صوكره كليز. شو وظيفه ايسه؛ شو  
 موقت ميدانه كوره دكيل، بلکه پادشاهك قربنده دائمى  
 بر سعادتى قزاتى ايچون ويرلمشدر. شو مطلوبات ايسه  
 بر قاچ كونلك بو مسافرخانه ده كچينمك ايچون  
 اوله ماز. بلکه، اوزون و مسعودانه بر حيات ايچون  
 اوله بيلر. شو دستور ايسه، بوتون بوتون آچيغه ويرر كه،  
 جزدان صاحبي باشقه يره نامزددر، باشقه عالمه چاليشير.  
 باق شو دفترلرده، آلترلر تجهيزاتنك صورت استعمالى  
 و مسعوليتلر واردر. حالبوكه، اكر، يالكز. بو ميداندىن

شعور و مشتاق بر آینه‌ده مشاهده ایتمك ایستدیکی  
 کبی، باشقه لرینک نظرله ینه سوکیلی جمالنه باقمق  
 ایچون کورنمک ده ایستر. دیمک، ایکی وجهله کندی  
 جمالنه باقمق؛ بری: هر بری باشقه باشقه رنکده اولان  
 آینه لرده بالذات مشاهده ایتمک.. دیکری: مشتاق  
 اولان سیرجی و متحیر اولان استحسانجیلرک  
 مشاهده سیله مشاهد ایتمک ایستر. دیمک، حسن و  
 جمال؛ کورمک و کورنمک ایستر. کورمک، کورنمک  
 ایسه؛ مشتاق سیرجی، متحیر استحسان ایدیجیلرک  
 وجودینی ایستر. حسن و جمال ابدی، سرمدی  
 اولدیغندن مشتاقلرک دوام وجودلرینی ایستر، چونکه،  
 دائمی بر جمال ایسه، زائل برمشتاقه راضی اوله ماز.  
 زیرا، دوئمه ملک اوزره زواله محکوم اولان بر سیرجی،  
 زولک تصویرله محبتی عداوته دونر. حیرتی استخفافه،  
 حرمتی تحقیره میل ایدر. چونکه، خودکام انسان،  
 بیلمدیکی شیئه دوشمن اولدیغی کبی، یتشمدیکی  
 شیئه ده ضددر. حالبوکه نهایتسز بر محبت، حدسز بر  
 شوق واستحسان ایله مقابله یه لایق اولان بر جماله

قارشو ضمناً بر عداوت و کین وانکار ایله مقابله ایدر.  
 ایشته کافر، اللّٰهک دوشمنی اولدیغنک سرّی بوندن  
 آنکلاشیللیور.

مادام، او نهایتسز سخاوت جود، او مثلسز جمال  
 حسن، او قصورسز کمالات؛ ابدی متشکرلری،  
 مشتاقلری، مستحسنلری اقتضا ایدرلر. حالبوکه: شو  
 مسافرخائءه دنیا ده کوربیوز: هر کس چابوق کیدوب  
 غائب اولویور. او سخاوتک احساننی آنجق آز بر پارچه  
 طادار اشتهاسی آچیلیر. فقط ییمز کیدر. او جمال، او  
 کمالک دخی انجق بر آز ایشیغنه، بلکه بر ضعیف  
 کولکه سنه بر آنده باقوب، طویمدان کیدر. دیمک، بر  
 سیرانگاه دائمی یه کیدیللیور.

**الحاصل:** ناصلکه شو عالم بوتون موجوداتیله  
 صانع ذوالجلالنه قطعی دلالت ایدر؛ صانع ذوالجلالک ده  
 صفات واسماء قدسیه سی، دار آخرته دلالت ایدر و  
 کوسترر و ایستر.

## ذیلک در دنجی پارچه سی

﴿ قَالَ مَنْ يُحْيِي الْعِظَامَ وَهِيَ رَمِيمٌ \* قُلْ يُحْيِيهَا الَّذِي أَنْشَأَهَا أَوَّلَ مَرَّةٍ وَهُوَ بِكُلِّ خَلْقٍ عَلِيمٌ ﴾

یعنی، انسان دیر: «چورمش کمیکلری کیم دیریلته جک؟» سن دی: «کیم، اونلری بدایه انشا ایدوب حیات ویرمش ایسه او دیریلته جک.»

اوننجی سوزک طوقوزنجی حقیقتنک اوچنجی تمیلنده تصویر ایدلدیکی کبی؛ بر ذات کوز اوکنده بر کونده یکیدن بیوک بر اردویی تشکیل ایتدیکی حالده، بری دیسه: «شو ذات، افرادی استراحت ایچون طاغیلمش اولان بر طاہوری بر بورو ایله طویلار، طاہور نظامی آلتنه کیتره بیلیر» سن آی انسان؛ دیسهک «اینامام» نه قدر دیوانهجه بر انکار اولدیغنی بیلیرسک.

عیناً اونک کبی؛ هیچلکدن، یکیدن اردو مثال بوتون حیوانات و سائر ذی حیاتک، طاہور مثال جسدلرینی کمال انتظام ایله و میزان حکمتله او بدنلرک ذراتنی و لطائفنی امر ﴿ کُنْ فیکون ﴾ ایله قید ایدوب..

یرلشدیره و هرقرنده، حتی هر بهارده روی زمنیده یوز بیکلر اردو مثال ذوی الحیاتک انواعلرینی و طائفهلرینی ایجاد ایدن بر ذات قدیر علیم، طاہور مثال، بر جسدک نظامی آلتنه کیرمکله بربریله طانیشان ذرات اساسیه واجزای اصلیه یی، بر صیحه ایله، صور اسرافیلک بوروسیله ناصل طویلايه بیلیر؟ استبعاد صورتنده دینلیرمی؟ دینیلسه، ابلهجه سنه بر دیوانه لکدر.

هم، قرآن کاه اولیزرکه، جناب حقک آخترده خارقه افعاللرینی قلبه قبول ایتدیرمک ایچون، احضاریه حکمنده و ذهنی تصدیقه مهیا ایتمک ایچون بر اعدادیه صورتنده دنیاده کی عجائب افعالنی ذکر ایدر. و یاخود، استقبالی و اخروی اولان افعال عجیبه الهیه یی اوله بر صورتده ذکر ایدرکه،

## اینگنج حقیقت

باب کرم و رحمتدرکه،

کرم و رحیم اسمنک جلوه سیدر

هیچ ممکنمیدرکه: کوستردیکی آثار ایله نهایتسز بر کرم و نهایتسز بر رحمت و نهایتسز بر عزت و نهایتسز بر غیرت صاحبی اولان شو عالمک ربی؛ کرم و رحمتنه لایق مکافات، عزت و غیرتنه شایسته مجازاتده بولنماسین؟

أوت، شو دنیا کیدیشاتنه باقیلسه کورولیسورکه: أك عاجز، أك ضعيفدن طوت (حاشیه) تا، أك قوی یه قادار هر جانلی یه لایق بر رزق ویریلییور. أك ضعيف أك عاجزه

(حاشیه): رزق حلال، اقتدار ایله النمدیغنه، بلکه افتقاره بناء ویرلدیکنه دلیل قطعی: اقتدارسز یاورولریک حسن معیشتی و مقتدر جانا وارلرک ضیق معیشتی؛ هم زکاوتسز بالقرک سمیزلکی و ذکاوتلی، حیللهلی تیلکی و مایمونک درد معیشتله وجودجه ضعيفلکیدر. دمک رزق، اقتدار و اختیار ایله معکوسا متناسبدر.. نه درجه اقتدار و اختیارینه کووه نسه، او درجه درد معیشته مبتلا اولور.

أك آبی رزق ویریلییور. هر دردلی یه اوممادیغی یردن درمان یتیشدیریلییور. او یله علوی بر کرمه ضیافتلر، اکراملر اولنیورکه، نهایتسز بر کرم ألی ایچنده ایشلدیکی بداهة کوسترییور.

مثلا، بهار موسمنده جنت حوریلری. طرزنده بوتون اغاجلری سندس مثال لباسلرله کیدیروب، چیچک و میوه لرك مرصعاتیله سوسلندیروب، خدمتکار ایدرک اونلرک لطیف آللری اولان دالدریله، چییشید چییشید أك طاتلی، أك مصنَع میوه لری بزه تقدیم ایتمک، هم زهرلی بر سیکنك ألیله شفالی أك طاتلی بالی بزه یدیرمک؛ هم، أك کوزل و یومشاق بر لباسی ألسز بر بوجکك ألیله بزه کیدیرمک، هم رحمتك بویوك بر خزینه سینی کوچوك بر چکرده ك ایچنده بهزم ایچون صاقلامق، نه قادار جمیل بر کرم، نه قادار لطیف بر رحمت اثری اولدیغی بداهة أكلاشیلیر. هم، انسان و بعض جانا وارلردن باشقه، کونش وآی و ارضدن طوت، تا أك کوچوك مخلوقه قادار هر شی کمال دقتله وظیفه سنه چالیشماسی، ذره جه حدندن تجاوز ایتمه مسی، بر



باشقه نقطه لری بوکا قیاس ایله. قووتک وارسه استنباط ایت. سکا یاردیم ایچون بونی ده سویله یه جکر. ایشته ﴿اذا الشمس کورت﴾ شو کلام: تکویر لفظیله، یعنی، صارمق و طولیلامق معناسیله پارلاق بر تمثیله اشارت ایتدیکی کبی، نظیرینی دخی ایما ایدر.

بونجی: اوت، جناب حق طرفندن عدم وائیر و سما پرده لرینی آچوب، کونش کبی دنیایی ایشیقلا ندیران پیرلانظه مثال بر لامبه یی، خزینهء رحمتندن چیقاروب دنیایه کوستردی. دنیا قپاندقدن صوکره، او پیرلانظه یی پرده لرینه صاروب قالدیره حق.

ایکینجی: ویا ضیا متاعنی نشر ایتمک وزمینک قفاسنه ضیایی ظلمتله مناوبهء صارمقله موظف بر مأمور اولدیغنی و هر اقمشام او مأموره متاعنی دخی طولیاتدیروب کیزلندیکی کبی، گاه اولور بر بلوط پرده سیله الیش ویریشنی آز یاپار. گاه اولور آی اونک یوزینه قارشو پرده اولور، معامله سنی بر درجه چکه ر. متاعنی و معاملات دفتر لرینی طولیلا دیغنی کبی، البته او

مأمور بر وقت او مأموریتدن انفصال ایده جکدر. حتی هیچ بر سبب عزل بولنمازسه، شمذیلک کوچوک، فقط بویومکه یوزطوتمش یوزنده کی ایکی لکه بویومکله، کونش، یرک باشنه اذن الهی ایله صاردیغنی ضیایی، أمر ربانی ایله کیری یه الوب، کونشک باشنه صاروب «هایدی یرده ایشک قالمادی دیر، جهنمه کیت، سکا عبادت ایدوب سنک کبی بر مأمور مسخری صداقتسزلکله تحقیر ایدنلری یاق» دیر ﴿اذا الشمس کورت﴾ فرماننی لکهلی سیاه یوزیله یوزنده اوقور.



سلطنت؛ بویله کچیجی، دوامسز، بی قرار، اهمیتسز، متغیر، بقاسز، ناقص، تکملسز امورلر اوزرنده قورولماز، طورلماز. دیمک؛ اوکا لایق، دائمی، مستقر، زوالسز، مستمر، مکمل، محتشم امورلر اوزرنده طوریبور.

دیمک بر دیار آخر وار؛ آلبته او مقره کیديله جکدر.

**اوننجی صورت:** کل، بو کون نوروز سلطان<sup>(حاشیه)</sup>ی در، بر تبدلات اوله جق؛ عجیب ایشلر چیقه جق. شو بهارک شو کوزل کوننده، شو کوزل اولان شو یشیل صحرايه کیدوب بر سیران ایدرز. ایشه باق! أهالی ده بو طرفه کلیورلر. باق بر سحر وار. او بنالر بردن خراب اولدیلر. باشقه بر شکل آلدی. باق

(حاشیه): بو صورتک رمزینی طوقوزنجی حقیقته کوره جکسک: مثلا: نوروز کونی، بهار موسمه اشارتدر. چیچکلی یشیل صحرا ایه، بهار موسمنده کی روی زمیندر. دکیشه ن پرده لر ایه، فصل بهارک ایتداسندن، یازک انتهاسته قدر صانع قدیر ذوالجلالک، فاطر حکیم ذوالجمالک کمال انتظامله دکیشدیردیکی و کمال رحمتله تازه لندیردیکی وبربری ارقه سنده کوندردیکی موجودات بهاریه طبقاتنه و مصنوعات صیفیه طائفه لرینه و آرزاق حیوانیه و انسانیه یه مدار اولان مطعوماته اشارتدر.

بر معجزه وار. او خراب اولان بنالر، بردن بوراده یاپیلدی. عادات بو خالی بر چول، بر مدنی شهر اولدی. باق، سینه ما پرده لری کبی هر ساعت باشقه بر عالم کوسترر. باشقه بر شکل الیر. بوکا دقت ایت که؛ او قادر قاریشیق، سرعتلی کثرتلی، حقیقی پرده لر ایچنده نه قادر مکمل بر انتظام وار درکه، هر شی یرلی یرینه قونولیبور. خیالی سینه ما پرده لری دخی بونک قادر منتظم اولماز. میلیونلر ماهر سحر بازلر دخی بو صنعتلری یاپامازلر. دیمک، بزه کورنمه ین او پادشاهک چوق بیوک معجزه لری واردر. آی سرسم! سن دیورسک: «ناصل بو قوجه مملکت تخریب ایدیلوب، باشقه یره قورولاجق».

ایشته کوریبوسک که هر ساعت، سنک عقلک قبول ایتمدیکی او تبدیل دیار کبی چوق انقلابلر، تبدیللر اولیبور. شو طویلانمق، طاغیلمق و شو حاللردن اکلاشلیبیورکه: بو کورنن سرعتلی اجتماعلر، طاغیلمه لر، تشکیللر تخریبیلر ایچنده باشقه بر مقصد وار. بر ساعتک اجتماع ایچون اون سنه قادر مصرف

اولچولرله وجود ویرمک، صورت کیدیرمک، یرلی یرینه قویمق؛ نهایتسز بر عدالت و میزان ایله ایش کورلدیکنی کوسترر.

هم، هر حق صاحبنه استعدادی نسبتنده حقنی ویرمک، یعنی وجودینک بوتون لوازماتنی، بقاسنک بوتون جهازاتنی اگ مناسب بر طرزده ویرمک؛ نهایتسز بر عدالت ألتنی کوسترر.

هم، استعداد لسانیه، احتیاج فطری لسانیه، اضطرار لسانیه سؤال ایدیلن و ایسته نیلن هر شیئه دائمی جواب ویرمک؛ نهایت درجه ده بر عدل و حکمتی کوستریور.

شیمدی هیچ ممکنمیدرکه، بویله اُک کوچوک بر مخلوقک، اُک کوچوک بر حاجتنک امدادینه قوشان بر عدالت و حکمت؛ انسان کبی اُک بویوک بر مخلوقک بقا کبی اُک بویوک بر حاجتنی مهمل بیراقسین! اُک بیوک استمدادینی و اُک بویوک سؤالنی جوابسز بیراقسین!

ربوبیتک حشمتنی، عبادینک حقوقنی محافظه ایتمکله محافظه ایتمسین! حالبوکه، شو فانی دنیا ده قیصه بر حیات کچیرن انسان، او یله بر عدالتک حقیقتنه مظهر اوله ماز و اوله مییور. بلکه بر محکمه کبرایه بیراقلیمیور. زیرا، حقیقی عدالت ایسترکه، شو کوچوجک انسان، شو کوچوکلیکی نسبتنده دکیل، بلکه جنایتنک بویوکلیکی، ماهیتنک اهمیتی و وظیفه سنک عظمتی نسبتنده مکافات و مجازات کورسون. مادام، شو فانی، کیچیجی دنیا؛ اُبد ایچون خلق اولنان انسان خصوصنده او یله بر عدالت و حکمته مظهریتدن چوق اوزا قدر. البته، عادل اولان او ذات جلیل ذوالجمالک و حکیم اولان او ذات جمیل ذوالجلالک دائمی بر جهنمی و اُبدی بر جنتی بولنه جقدر.

شعور دن مرضیاتی وارزولری نه اولدیغنی برألچی  
واسطه سیله بیلدیرمسین؟

هم هیچ ممکن اولورمیکه نوع انسانی، شعورجه  
کثرته مبتلا، استعدادجه عبودیت کلیه یه مهیا صورتنده  
یارادوب، معلم بر رهبر واسطه سیله اولری کثرتدن  
وحدته یوزلرینی چویرمک ایسته مسین؟

دها بونلر کبی چوق وظائف نبوت وارکه هر بری بر  
برهان قطعیدرکه: الوهیت، رسالتسز اوله ماز.

شیمدی عجباً عالمده محمد عربی علیه الصلاة  
والسلام دن، بیان اولنان اوصاف و وظائفه دها أهیل  
ودها جامع کیم ظهور اتمیش. ورتبه رسالته ووظیفه  
تبلیغه اوندان دها ألیق دها أوفق هیچ زمان  
کوسترمشیدر؟ خیر، اصلاً و قطعاً! بلکه او، بوتون  
رسوللرک سیدیدر، بوتون انبیانک امامیدر، بوتون  
أصفیانک سروریدر، بوتون مُقربینک اُقربیدر، بوتون  
مخلوقاتک اُکملیدر. بوتون مرشدلرک سلطانیدر. أوت،  
اهل تحقیقاتک اتفایله شق قمر وپارمقلرندن صو اُقمسی

کبی بیکه بالغ معجز اتندن حد و حسابه کلمز دلائل  
نبوتندن باشقّه قرآن عظیم الشان کبی بر بحر حقائق  
وقرق وجهله معجزه اولان معجزه کبرا کونش کبی  
رسالتنی کوسترمکه کافیدر. باشقه رساله لرده وبالخاصه  
یکرمی بشنجی سوزده قرآنک قرقه قریب وجوه  
اعجازندن بحث ایتدی کمزدن بوراده قیصه کسبیورز.

### ● اوچنجی اشارت: خاطره کلمسین که بو

کوچوجک انسانک نه اهمیتی وارکه، بو عظیم دنیا  
اونک محاسبه اعمالی ایچون قپانسین. باشقه بر دائره  
آچلسین؟ چونکه بو کوچوجوک انسان، جامعیت  
فطرت اعتباریله شو موجودات ایچنده بر اوسطه باشی  
وبر دلائل سلطنت آلهیه و بر عبودیت کلیه یه مظهر  
اولدیغندن بویوک اهمیتی واردر. هم، خاطره کلمسین  
که: قیصه جق بر عمرده ناصل ابدی بر عذابه مستحق  
اولور؟ زیرا کفر؛ شو مکتوبات صمدانیه درجه سنده  
وقیمتنده اولان کائناتی؛ معناسز غایه سز بر درکه یه

\* **یَدْنَجِي صَوْرَت**: کل، بر پارچه کزه لم شو مدنی اھالی ایچنده نه وار، نه یوق کوره لم. ایشته باق! هر یرده هر کوشه ده متعدد فوطوغرافلر قورولمش، صورت آلییورلر. باق هر یرده متعدد کاتبلر اوطورمشرلر بر شیلر یازیورلر، هر شیء قید ایدیورلر. اُک اهمیتسز بر خدمتی، اُک عادی بر وقوعاتی ضبط ایدیورلر. ها! شو یوکسک طاغده پادشاهه مخصوص بر بویوک فوطوغراف قورولمشکه (حاشیه) بوتون بویورلده نه جریان ایدر، صورتنی آلییورلر. دیمک او ذات آمر ایتیشکه؛

(حاشیه): شو صورتک اشارت ایتدیکی معنارک بر قسمی یَدْنَجِي حقیقتده بیان ایدلمش. یالکز، بوراده پادشاهه مخصوص بر بییوک فوطوغراف اشارتی و حقیقتی «لوح محفوظ» دیمکدر. لوح محفوظک تحقیق وجودی یکریمی التنجی سوزده شویله اثبات ایدلمشکه: ناصل کوچوک کوچوک جزدانلر، بویوک بر کوتوکک وجودینی احساس ایدر و کوچوک کوچوک سندلر، بر دفتر کبیرک بولندیغنی اشعار ایدر و کوچوک کترتلی ترشحاتلر، بیوک بر صو منبغی اشمام ایدر. عینا اویله ده: کوچوک کوچوک جزدانلر حکمنده هم برر کوچوک لوح محفوظ معناسنده؛ هم، بیوک لوح محفوظی یازان قلمدن ترشح ایدن کوچوک کوچوک نقطه لر صورتنده اولان بنی بشرک قوه حافظه لر، اغاجلرک میوه لر، میوه لرک چکرده کلری، تخملری؛ البته بر حافظه کبرایی، بر دفتر اکبری، بر لوح محفوظ اعظمی احساس ایدر، اشعار ایدر و اثبات ایدر. بلکه، کسکین عقلره کوستر.

ملکنده جریان ایدن بوتون معامله وایشلر ضبط ایدیلسین. دیمک اولیورکه؛ او ذات معظم بوتون حادثاتی قید ایتدیرر، صورتنی الیر. ایشته شو دقتلی حفظ و محافظه، البته بر محاسبه ایچوندر. شیمدی، اُک عادی رعیتک اُک عادی معامله لرینی اهمال ایتمه ین بر حاکم حفیظ، هیچ ممکنیدرکه، رعیتک اُک بویوکلرندن اُک بیوک عمللرینی محافظه ایتمسین، محاسبه ایتمسین، مکافات و مجازات ویرمسین. حالبوکه، او ذاتک عزتته و غیرتنه طوقونه جق و شأن مرحمتی هیچ قبول ایتمه یه جک معامله لر، او بیوکلردن صدور ایدیور. بوراده جزایه چارپمایور.

دیمک بر محکمه کبرایه بیراقلییور.

\* **سکزنجی صورت**: کل، اوندن کلن بو فرمانلری سکا اوقویه جغم. باق مکرر وعد ایدیور وشدتلی تهدید ایدیورکه: سزلی اورادن الوب، مقر سلطنتمه کتیره حکم و مطیعلری مسعود، عاصیلری محبوس ایده جکم. او موقت یری خراب ایدوب، مؤید

باشقه عالی، دائمی بر یر بولنمازسه؛ شو محکم دفتر، او قطعی جزدان، بوتون بوتون معناسز اولور. هم، شو محترم ضابط و مکرم قوماندان و معزز رئیس؛ بوتون آهالیدن اشاگی، هرکسدن دها بدبخت، دها بیچاره، دها زلیل دها مصیبتلی، دها فقیر، دها ضعیف بر درکه یه دوشر. ایشته بوکا قیاس ایت. هانکی شیئه دقت ایتسه ک شهادت ایدرکه: بو فانیدن صوکره بر باقی وار.

ای ارقداش! دیمک بو موقت مملکت بر تارلا حکمنده در. بر تعلیمکاهد، بر بازاردر. البته آرقه سنده بر محکمه کبر، بر سعادت عظمی کله جکدر. اکر بونی انکار ایتسه ک؛ بوتون ضابطیلرده کی جزدانلری، دفترلری، تجهیزاتلری، دستور لری بلکه شو مملکتده کی بوتون انتظاماتی، حتی حکومتی انکار ایتمهک مجبور اولورسک و بوتون واقع اولان اجراآتک وجودینی تکذیب ایتمک لازم کلیر. او وقت سکا، انسان و ذی شعور دینلیمز سفسطائیلردن دها عقلسز اولورسک.

صاقین ظن ایتمه تبدیل مملکت دلیللری بو اون ایکی صورتیه منحصردر؟

بلکه، حد و حسابیه کلمز اماره لر، دلیللر وارکه: شو قرارسز، متغیر مملکت؛ زوالسز، مستقر بر مملکته تحویل ایدیله جکدر. هم، حد و حسابیه کلمز اشارتله علامتله وارکه: بو اهالی، شو موقت مسافر خانه لردن آینه جق، سلطنتک مقرر دائمیسنه کوندریله جک. باخصوص کل، سکا «اون ایکی صورت» قوتندن دها قوتلی بر برهان دها کوستره جکم.

ایشته کل باق، شو اوزاقده کی کورونن جماعت عظیمه ایچنده، اول آطه ده کوردکمز بویوک نشان صاحبی یاور اکریم بر تبلیغاته بولونیور. کیده لم، دیکله یه لم. باق، او پارلاق یاور اکریم، باق او یوکسکده تعلیق ایدلمش فرمان اعظمی اهالی یه بیلدیریور. و دیورکه: «حاضر لانکزک؛ باشقه، دائمی بر مملکته کیده جکسکز. اویله بر مملکت که بو مملکت اوکا نسبه بر زندان حکمنده در. پادشاهمزک مقرر سلطنتنه

سرایلری، زندانلری حاوی دیگر بر مملکت قوراجغم. هم او وعد ایدیکی شیلر اوکا غایت راحتدر. رعیتنه، غایت مهمدر. وعدنده خلف ایسه، عزت اقتدارینه غایت ضددر. ایشته باق ای سرسم! سن یالانچی وهمکی، هزیانچی عقلکی، الدایتجی نفسکی تصدیق ایدیورسک. هیچ بر وجهله خلف وخلافه مجبوریتی اولمایان وهیچ بر جهتله خلاف، خیشتنه یاقشیمایان وبوتون کرونن ایشلر صدقنه شهادت ایدن بر ذاتی تکذیب ایدیورسک. البته بویوک بر جزایه مستحق الورسک. مثالك شوکا بکزه رکه: بر یولچی، کونشک ضیاسندن کوزینی قاپایور، خیالنه باقییور؛ وهمی، بر ییلدیز بوجکی کبی قافا فنارینک ایشیغیله دهشتلی یولنی تنویر ایتمک ایسته یور. مادام وعد ایتمش، یاپاچقدر. حالبوکه، ایفاسی اوکا چوق راحت وبزه وهر شیئه اوکا وسلطنتنه پک چوق لازمدر.

دیمک بر محکمه کبرا، بر سعادت عظمای واردر.

\* طوقوزنجی صورت: شیمدی کل! بو دائره لرك وجماعتلرك بعض رؤسالیینه که: (حاشیه) هر بری بالذات پادشاهله کورشه جک خصوصی بر تلفونی وار. هم بعض اونک حضورینه چیمشملر، نه دیورلر باق: بونلر اتفاقله اخبار ایدیورلرکه؛ او ذات مکافات و مجازات ایچون پک محتشم ودهشتلی بر ایراحضار ایتمش. غایت قوی وعد وشدتلی تهدید ایدیور، هم اونک عزت و جلالتی هیچ بر وجهله خلف الوعدنه تنزل ایدوب، تذللی قبول ایتمز. حالبوکه، او مخبرلر هم تواتر درجه سنده چوق، هم اجماع قوتنده بر اتفاقله خبر ویریورلرکه: شو بعض آثاری کورنن سلطنت عظیمه نک مداری ومقری، بورادن اوزاق بر باشقه مملکتده در. وشو میدان امتحانده بنالر موققدرلر؛ سوکره دائمی سرایلره تبدیل ایدیله جک. بو یرلر دکیششه جکلر. چونکه اثرلریله عظمتی اکلاشیلان شو محتشم، زوالسز

(حاشیه): شو صورتک اثبات ایتدیکی معنالر سکزنجی حقیقتده کورنه جک. مثلا، دائره لرك رئیسلی شو تمثیلده انبیا واولیایه اشارتدر. وتلفون ایسه، معکس وحی ومظهر الهام اولان، قلبدن اوزانان بر نسبت ربانیه درکه، قلب او تلفونک باشیدر وقولاغی حکمنده در.

## ذيلك بشنجی پارچه سی

أوت، نصّ حدیث ایله نوع بشرک اک ممتاز  
شخصیتلری اولان یوزیکرمی درت بیک انبیانک اجماع  
وتواتر ایله، قسماً شهوده و قسماً حقّ الیقینه استناداً،  
متفقاً آخرتک وجودندن وانسانلرک اورایه سوق  
ایدیله جکندن و بو کائنات خالقنک قطعی وعد ایتدیکی  
آخرتی کیتره جکندن خبر ویردیکلری کبی؛ واونلرک  
ویردکلری خبری کشف و شهود ایله علم الیقین  
صورتنده تصدیق ایدن یوزیکرمی درت ملیون  
اولیانک او آخرتک وجودینه شهادتلیله و بو کائناتک  
صانع حکیمنک بوتون اسماسی بو دنیاده کوستردکلری  
جلوه لریله، بر عالم بقایی بالبداهه اقتضا ایتد کلرندن ینه  
آخرتک وجودینه دلالتلیله؛ و هر سنه بهارده روی زمینده  
ایاقده طوران حدو حسابه کلمز تُولمش اغاجلرک

جنازه لرینی امر کُنْ فیکُونْ ایله احیا ایدوب بعثْ بعد  
الموته مظهر ایدن و حشر و نشرک یوزیکلر نمونه سی  
اوله رق نباتات طائفه لرندن و حیوانات ملترلندن اوچیوز  
بیک نوعلری حشر و نشر ایدن حدسز بر قدرت ازلیه و  
حسابسز و اسرافسز بر حکمت ابدیه و رزقه محتاج  
بوتون ذی روحلری کمال شفقتله غایت خارقه بر  
طرزده اعاشه ایتدیره ن و هر بهارده آزر زمانده حدو  
حسابه کلمز انواع زینت و محاسنی کوسترن بر رحمت  
باقیه و بر عنایت دائمه؛ بالبداهه آخرتک وجودینی  
استلزام ایله، و شو کائناتک اک مکمل میوه سی و خالق  
کائناتک اک سودیکی مصنوعی و کائناتک موجوداتیله  
اک زدیاده علاقه دار اولان انسانده کی شدید،  
صارصیلماز، دائمی اولان «عشق بقا» و «شوق  
ابدیت» و «آمال سرمدیت» بالبداهه اشارتی و دلالتلیله،  
بو عالم فانیدن صوکره بر عالم باقی و بر دار آخرت و بر  
دار سعادت بولندیغنی او درجه قطعی بر صورتده اثبات  
ایدرلرکه: دنیانک وجودی قادر، بالبداهه آخرتک



## دروغی حقیقت

باب جود و جمالدر

اسم جوآد و جمیلک جلوه سیدر

هیچ ممکنمیدر که: نهایتسز جود و سخاوت، توکنمز ثروت، بیتمز خزینه لر، مثلسز سرمدی جمال، قصورسز ابدی کمال؛ بر دارِ سعادت و محلِ ضیافتِ ایچنده دائمی بولنه جق اولان محتاج شاکرلری، مشتاق آیینه دارلری، متحیر سیرجیلری ایسته مسینلر؟ اوت، دنیا یوزینی بو قادار مزین مصنوعاتیله سوسلندیرمک، آی ایله کونشی لامبا یایمق، یر یوزینی بر صوفره نعمت ایدرک مطعوماتک اُک کوزل چشید لر ایله طولدورمق، میوهلی اغاجلری برر قاپ یایمق، هر موسمده بر چوق دفعه لر تجدید ایتمک؛ حدسز بر جود و سخاوتی کوسترر. بویله نهایتسز بر جود و سخاوت، او ایله توکنمز خزینه لر و رحمت؛ هم دائمی، هم آرزو ایدیلن هر شی ایچنده بولنور بر دارِ ضیافت و محلِ سعادت

ایستر. هم قطعی ایسترکه: او ضیافتدن تلذذ ایدنلر، او محلِ سعادتده دوام ایستینلر، ابدی قالسینلر. تا زوال و فراقله اُلم چکمه سینلر. چونکه زوال اُلم، لذت اولدیغی کبی، زوال لذت دخی اُلمدر. او ایله سخاوت، اُلم چکدیرمک ایسته مز.

دیمک، ابدی بر جنتی، هم ایچنده ابدی محتاجلری ایستر. چونکه؛ نهایتسز جود و سخا نهایتسز احسان ایتمک ایستر؛ نعمتلندرمک ایستر. نهایتسز احسان ونعمتلندیرمک ایسه، نهایتسز منتدارلق، نعمتلنمک ایستر. بو ایسه، احسانه مظهر اولان شخصک دوام وجودینی ایستر. تا دائمی تنعمله او دائمی انعامه قارشو شکر و منتدارلیغنی کوسترسین. یوقسه، زوال ایله آجیلاشان جزئی بر تلذذ، قیصه جق بر زمانده او ایله بر جود و سخانک مقتضاسیله قابلِ توفیق دکیلدر.

هم دخی، مشهرِ صنعتِ الهیه اولان اقطارِ عالم سرکیلرینه باق: یر یوزنده کی نباتات و حیواناتک

اولان امثالسز مطعومات کوستریورلر که بو یرلرک پادشاهنک حدسز بر سخاوتی، حسابسز طولو خزینهلری واردر. حالبوکه بویله بر سخاوت وتوکنمز خزینه لر، دائمی وایسته نلن هرشی ایچنده بولنور بر دار ضیافت ایستر. هم ایستر که، او ضیافتدن تلذذ ایدنلر اوراده دوام ایتسینلر. تا زوال و فراق ایله ألم چمکه سینلر. چونکه زوال ألم، لذت اولدیغی کسبی، زوال لذت دخی ألمدر. بو سرکیلره باق! وشو اعلانلره دقت ایت. و بو دللالره قولاق ویرکه، معجز نما بر پادشاهک انتیقه صنعتلرینی تشکیل وتشهیر ایدیورلر، کمالاتنی کوستریورلر مثلسز جمال معنویسنی بیان ایدیورلر. حسن مخفیسنک لطائفندن بحث ایدیورلر. دیمک اونک پک مهم حیرت ویریجی کمالات وجمال معنویسی واردر. کیزلی، قصورسز کمال ایسه، تقدیر ایدیجی، استحسان ایدیجی، ما شاء الله دییوب، مشاهده ایدیجیلرک باشلرنده تشهیر ایستر. مخفی، نظیرسز جمال ایسه کورنمک و کورمک ایستر. یعنی، کندی جمالنی ایکی وجهله کورمک؛ بری، مختلف

آینهلرده بالذات مشاهده ایتمک. دیکری، مشتاق سیرجی و متحیر استحسان ایدیجیلرک مشاهده سیله مشاهده ایتمک ایستر. هم کورمک، هم کورنمک، هم دائمی مشاهده، هم ابدی اشهاد ایستر. هم او دائمی جمال، مشتاق سیرجی واستحسان ایدیجیلرک دوام وجودلرینی ایستر. چونکه: دائمی بر جمال، زائل مشتاقه راضی اوله ماز. زیرا دونه مک اوزره زواله محکوم اولان بر سیرجی، زوالک تصویرله محبتی عداوته دونر. حیرت و حرمتی تحقیره میل ایدر. چونکه انسان بیلمدیکی ویتشمدیکی شیئه دشمندر. حالبوکه شو مسافر خانه لردن هر کس چابوق کیدوب، غیب اولیور. او کمال و او جمالك بر ایشغنی. بلکه ضعیف بر کولکه سنی، بر آنده باقوب طوبیادان کیدیور.

دیمک بر سیرانکاه دائمی یه کیدیلیور.

\* **بشنجی صورت**: باق بو ایشلر ایچنده، کورنیورکه، او مثلسز ذاتک پک بویوک بر شفقتی واردر. چونکه هر مصیبت زده نک امدادینه قوشدوریور. هر

ایستر، حالبوکه شو مملکتده او مرحمت، او ناموسه لایق  
بیکنن بری یاپیلمايور. ظالم عزتنده، مظلوم ذلتنده  
قالوب بورادن کوچوب کیدیورلر. دیمک بر محکمهء  
کبرایه بیراقلیبیور..

\* **اوجنجی صورت**: باق نه قادر عالی بر حکمت،  
بر انتظامله ایشلر دونویور. هم نه قادر حقیقی بر  
عدالت بر میزنله معامله لر کورلیور. حالبوکه حکمت  
حکومت ایسه، سلطنتک جناح حمایه سنه التجا ایدن  
ملتجیلرک تلطیغنی ایستر. عدالت ایسه، رعیتک  
حقوقنک محافظه سنی استر تا حکومتک حیثیتی،  
سلطنتک حشمتی محافظه ایدیلسین.

حالبوکه، شو یرلرده او حکمته، او عدالته لایق  
بیکنن بری اجرا ایدیلمیور. سنک کبی سرسملر،  
چوغی جزا کورمه دن بورادن کوچوب کیدیورلر.  
دیمک بر محکمهء کبرایه بیراقلیبیور.

\* **دردنجی صورت**: باق حد و حسابه کلمه ین شو  
سیرکیلرده اولان مثلسمز مجوهرات، شو صوفره لرده

ایدن مطیعلره مکافاتیی وعصیان ایدنلره مجازاتی  
بولنماسین؟ بوراده یوق حکمنده در.. دیمک باشقه  
یرده بر محکمهء کبرا واردر.

\* **ایکنجی صورت**: بو کیدیشاته، اجرااته باق!  
ناصل اُک فقیر، اُک ضعیفدن طوت، تا هر کسه مکمل،  
مکلف ارزاق و یریلیور. کیمسه سز خسته لره چوق  
کوزل باقیلیبور. هم غایت قیمتدار وشاهانه طعاملر،  
قابلر، مرصع نشانلر مزین اُلبسهلر، محتشم ضیاقتلر  
واردر. باق سنک کبی سرسملردن باشقه هر کس،  
وظیفه سنه غایت دقت ایدر. کیمسه ذره جه حدندن  
تجاوز اتمیز. اُک بویوک شخص، اُک بویوک بر اطاعتله  
متواضعانه بر خوف و هیبت آلتنده خدمت ایدر. دیمک  
شو سلطنت صاحبنک پک بویوک بر کرمی، پک کنیش  
بر مرحمتی وار. هم پک بویوک عزتی، پک جلاللی بر  
حیثیتی ناموسی واردر. حالبوکه کرم ایسه، انعام ایتمک  
ایستر. مرحمت ایسه احسانسز اوله ماز. عزت ایسه،  
غیرت ایستر. حیثیت ناموس ایسه، ادبسنلرک تأدیبینی

قادار چوق ثروت که، هر ساعتده بر شمندوفر (حاشیه) غائبدن کلیر کبی قیمتدار، مصنع ماللر له طولو کلیر. بوراده دوکولبور کیدیور. ناصل صاحبسز اولور؟ وهر یرده کورونن اعلاننامه لر و بیاننامه لر وهر مال اوستنده کورنن طره وسکه لر، طمغالر وهر کوشه سنده صاللانان بایراقلر ناصل مالکسز اوله بیلیر؟ سن اکلاشلیور که، بر پارچه فرنکی اوقمشسک. بو اسلام یازیلرینی اوقویه میورسک. هم ده بیاندن صور میورسک. . ایشته کل، اک بویوک فرمانی سکا اوقویه جغم» او سرسم دوندی دیدی:

«هاید پادشاه وار؛ فقط بنم جزئی استفادم اوکا نه ضرر ویره بیلیر» حزینه سندن نه نقصان ایدر؟ هم بوراده حبس مپس یوقدر؛ جزا کورونمیور. .»

ارقداشی اوکا جواباً دیدی: «یا هو شو کورونن مملکت بر مانورا میداندیدر. هم صنایع غریبهء سلطانیه نك مشهریدر. هم موقت تلمسز مسافر خانه لریدر.

(حاشیه): سنه یه اشارتدر. اوت بهار؛ مخزن اوزاق بر واغوندر. غائبدن کلیر.

کور میور میسک که، هر کون بر قافله کلیر بری کیدر، غائب اولور. دائماً طولار بوشانیر. بر زمان صوکره شو مملکت تبدیل ایدیله جک. بو اهالی باشقه و دائمی بر مملکته نقل ایدیله جک. اوراده هر کس خدمته مقابل یا جزا، یا مکافات کوره جک» دیدی.

ینه او خائن سرسم، ترمد ایدوب اینانمام. هیچ ممکنیدر که، بو مملکت خراب ایدیلسین، باشقه بر مملکته کوچ ایتسین دیدی. بونک اوزرینه آمین ارقداشی دیدی:

«مادام بو درجه عناد و ترمد ایدر سک. کل، حد و حسابی، اولمایان دلائل ایچنده (اون ایکی صورت) ایله سکا کوستره جکم که بر محکمهء کبرا وار، بر دار مکافات واحسان و بر دار مجازت وزندان وار. و بو مملکت هر کون بر درجه بوشاندیغی کبی بر کون کلیر که، بوتون بوتون بوشانوب خراب ایدیله جک.

\* برنجی صورت: هیچ ممکنیدر که: بر سلطنت، با خصوص بویله محتشم بر سلطنت، حسن خدمت

## مقدمه

بر قاچ اشارتله باشقه يرلرده يعنى، يكرمى ايكنجى، اون طوقوزنجى، يكرمى التنجى سوزلرده ايضاح ايديلن بر قاچ مسئله يه اشارت ايدرز.

● **برنجى اشارت:** حكايه ده كى سرسم آدمك او امين ارقداشيله «اوچ حقيقتلى» وار.

**برنجيسى:** نفس اماره م ايله قلبمدر.

**اينكينجيسى:** فلسفه شاگردلريله قرآن حكيم تيلميدلريدر.

**اوچنجيسى:** اُمتِ اسلاميه ايله ملتِ كُفريه در.

فلسفه شاگردلرى وملتِ كُفريه و نفسِ اماره نك اُك مدهش ضاللتى، جناب حقى طانيمامقده در. حكايه ده ناصل امين ادم دمشدى: «بر حرف كاتبسز اولماز، بر قانون حاكمسز اولماز.» بزده ديرز:

ناصلكه بر كتاب، باخصوص اويله بر كتاب كه؛ هر كلمه سى ايچنده كوچوك قلمله بر كتاب يازلمش: حرفى ايچنده اينجه قلم ايله منتظم بر قصيده يازلمش. كاتبسز اولمق، صوك درجه محالدر. اويله ده شو كائناات نقاشسز اولمق، صوك درجه محال اندر محالدر. زيرا بو كائناات اويله بر كتابدر كه؛ هر صحيفه سى چوق كتابلرى تضمن ايدر. حتى، هر كلمه سى ايچنده بر كتاب واردر. هر بر حرفى ايچنده بر قصيده واردر. بر يوزى بر صحيفه در. نه قادار كتاب، ايچنده وار. بر اغاج بر كلمه در، نه قادار صحيفه سى واردر. بر ميوه بر حرف، بر چكرده ك، بر نقطه در. او نقطه ده قوجه بر اغاجك پروگرامى، فهرسته سى وار. ايشته بويله بر كتاب، اوصافِ جلال وجماله، نهايتسز قدرت و حكمته مالك بر ذات ذو الجلالك نقش قلم قدرتى اوله بيلير. ديمك عالمك شهوديله بو ايمان لازم كلير. **إلاَّكَه**، ضاللتدن سرخوش اولمش اوله.

هم ناصلكه، بر خانه اوسطه سز اولماز. باخصوص اويله بر خانه كه: خارقه صنعتلرله، عجيب نقشلرله،

هم ممکن اولور میکه؛ غایت جمالده بر کمال  
صنعت، اونک اوزرینه أنظار دقتی جلب ایدن بر دلّال  
واسطه سیله تشهیر ایسته مسین؟

هم هیچ ممکن اولور می که: بر ربوبیت عامّه نک  
سلطنت کلیه سی، کثرت و جزئیات طبقاتده  
وحدانیت و صمدانیت ذو الجناحین بر مبعوث  
واسطه سیله اعلاننی ایسته مسین! یعنی او ذات،  
عبودیت کلیه جهتیه کثرت طبقاتک درگاه الهی یه  
ألجسی اولدیغی کبی، قرابت و رسالت جهتیه درگاه  
الهینک کثرت طبقاته مأموریدر.

هم هیچ ممکن اولور می که، نهایت درجه ده بر  
حسن ذاتی صاحبی، جمالک محاسنی و حسنک  
لطافتنی آینه لرده کورمک و کورتمک ایسته مسین!

یعنی بر حبیب رسول واسطه سیله که هم حبیبدر؛  
عبودیتیه کندینی اوکا سودیرر، آینه دارلق ایدر. هم  
رسولدر؛ اونی مخلوقاتنه سودیرر، جمال اسماسنی  
کوسترر.

هم هیچ ممکن اولور میکه؛ عجیب معجزه لرله،

غریب و قیمتدار شیلرله طولو خزینه لر صاحبی، صراف  
بر تعریف ایدیجی ووصاف بر تشهیر ایدیجی  
واسطه سیله انظار خلقه عرض و باشلرنده اظهار ایتمکله،  
کیزلی کمالاتینی بیان ایتمک اراده ایتمسین  
وایسته مسین؟

هم ممکن اولور میکه؛ بو کائناتی بوتون اسماسنک  
کمالاتنی افاده ایدن مصنوعاتله ترین ایدرک سیر ایچون  
غریب و اینجه صنعتلرله سونسلنلیمش بر سرایه بکره  
تسونده، رهبر بر معلّم تعیین ایتمسین؟

هم هیچ ممکن اولور میکه؛ بو کائناتک صاحبی، شو  
کائناتک تحولاتنده کی مقصد و غایه نه اوله جغنی مشعر  
طلسم مغلقتی، هم موجوداتک «نره دن، نره یه؟  
نه جیسک»؟ اوچ سؤال مشکک معماسنی بر آلچی  
واسطه سیله آچدیرماسین؟

هم هیچ ممکن اولور میکه؛ بو کوزل مصنوعات ایله  
کندینی ذی شعوره طانیتدیران و قیمتلی نعمتلا ایله  
کندینی سودیره ن صانع ذو الجلال؛ اونک مقابلنده ذی

هم ممکن دکیل، بو مشهر و میدان امتحان وتارلا حکمنده اولان دنیانک حکیم و قدیر و رحیم اولان فاطری، اونی یاراتسین، اونک بوتون غایه لرینه مظهر اولان دار آخرتی خلق ایتمسین؟ بو حقیقته اون ایکی قپو ایله کیریلیر. «اون ایکی حقیقت» ایله او قاپو لر آچیلیر. اڭ قیصه و بسپیدن باشلارز.

## برنجی حقیقت

باب ربوبیت و سلطنتدرکه،

اسم ربك جلوه سیدر

هیچ ممکنیدرکه: شأن ربوبیت و سلطنت آلوهیت، باخصوص بویله بر کائناتی، کمالاتنی کوسترمک ایچون غایت عالی غایه لر و یوکسک مقصدلر ایله ایجاد ایتسین، اونک غایات و مقاصدینه قارشو، ایمان و عبودیتله مقابله ایدن مؤمنلره مکافاتنی بولنماسین. و او مقاصدی رد و تحقیر ایله مقابله ایدن اهل ضلالتله مجازات ایتمسین.

دوشوردیکی ایچون، بوتون کائناته قارشو بر تحقیر اولدیغی کبی، بو موجوداتده جلوه لری، نقشلری کورون بوتون اسماء قدسیه الهیه یی انکار ایله رد و جناب حقک حقایقیت و صدقنی کوسترهن غیر متناهی بوتون دلیللرینی تکذیب اولدیغندن نهایتسز بر جنایتدر. نهایتسز جنایت ایسه، نهایتسز عذابی ایجاب ایدر.

● دردرنجی اشارت: ناصلکه، حکایه ده اون ایکی

صورتله کوردک که: هیچ بر جهتله ممکن دکیل او یله بر پادشاهک، او یله موقت مسافرخانه کبی بر مملکتی بولنسونده، مستقر و حشمتنه مظهر و سلطنت عظاماسنه مدار دیکر دائمی بر مملکتی بولنماسین؟ او یله ده، هیچ بر وجهله ممکن دکیل که: بو فانی عالمک، باقی خالقی بونی ایجاد ایتسینده، باقی بر عالمی ایجاد ایتمسین؟ هم ممکن دکیل: شو بدیع و زائل کائناتک سرمدی صانعی، بونی خلق ایتسینده، مستقر و دائمی دیکر بر کائناتی ایجاد ایتمسین؟

مرجحدرلر. و اخبارده ایکی مثبت، بیکلر نافیلره ترجیح ایدیلیر. مثلا: رمضان هلالنک ثبوتنی. اخبار ایدن ایکی آدم، بیکلر منکرلرک انکارلرینی هیچه اتارلر. الحاصل، دنیاده بوندن دها طوغری بر خبر، دها صاغلام بر دعوا، دها ظاهر بر حقیقت اوله ماز. دیمک شبهه سز دنیا بر مزرعه در. محشر ایسه بر بیدر در، خارماندر. جنت، جهنم ایسه برر مخزندر.

## اوننجی حقیقت

باب حکمت، عنایت، رحمت، عدالتدر

اسم حکیم، کریم، عادل، رحیمک جلوه سیدر

هیچ ممکنمیدرکه: شو بقاسمز مسافرخانه دنیاده و شو دوامسز میدان امتحانده و شو ثباتسز تشهیرکاه ارضده بو درجه باهر بر حکمت، بو درجه ظاهر بر عنایت و بو درجه قاهر بر عدالت و بو درجه واسع بر مرحمتک آثارینی کوستره ن مالک الملک ذوالجلالک دائره مملکتنده و عالم ملک و ملکوتنده دائمی مسکنلر، ابدی ساکنلر، باقی مقاملر، مقیم مخلوقلر بولنمایوب شو کورونن حکمت، عنایت، عدالت، مرحمتک حقیقتلری هیچه اینسین؟ هم، هیچ قابلیمدرکه: او ذات حکیم، شو انسانی بوتون مخلوقات ایچنده کندینه کلی مخاطب وجامع بر آیینه یاپوب بوتون خزائن رحمتنک مشتملاتنی اوکا طاتدیرسین، هم طارتدیرسین، هم طانیتدیرسین، کندینی بوتون



کیدوب مرحمتنه، احسانلرینه مظهر اوله جقسکز. آکر کوزلجه بو فرمانی دیکله یوب اطاعت ایتسه کز. یوقسه عصیان ایدوب دیکله مزسه کز، مدهش زندانلره آیتلاجقسکز». کبی تبلیغاتده بولونویور. سنده کوریورسک که: او فرمان اعظمده اوپله اعجاز کار بر طره وارکه، هیچ بر وجهله قابل تقلید دکیل، سنک کبی سرسملردن باشقه هر کس، او فرمان پادشاهک فرمانی اولدیغنی قطعی بیایر او پارلاق یاور اکرمله اوپله نشانلر وارکه، سنک کبی کورلردن باشقه هر کس او ذاتی، پادشاهک پک طوغری ترجمان او امری اولدیغنی یقیناً اکلار. عجباً او یاور اکرمله او فرمان اعظمه برابر بوتون قوتیله دعوا ایدوب تبلیغ ایتدکلری شو تبدیل مملکت مسعله سی، هیچ قابلمیدرکه اعتراض قبول ایتسین. اوت قابل دکیل! إلا که، بوتون بو کوردیکمز هر شیء انکار ایده سک.

شیمدی ای ارقداش! سوز سنکدر، سویله. نه دیورسه ک دی!

- بن نه دییه جکم، دها بوکا قارشی بر شی دینه بیلیرمی؟ کوندوز اورته سنده کونشه قارشو سوز سویله نیرمی؟ یالکز دیرمکه: اَلْحَمْدُ لِلَّهِ، یوزبیک دفعه شکر اولسونکه؛ وهم وهوا تحکمندن، نفس وهوس اسارتندن قورتولوب دائمی حپس وزنداندن خلاص اولدم. وایناندمکه: بو قارمه قاریشیق، قرارسز مسافرخانه لردن باشقه وقرُب شاهانه ده بر دیار سعادت واردر، بزده اوکا نامزدز.

ایشته، حشر و آخرتدن کنایه و عبارت اولان شو حکایهء تمثیلیه بوراده تمام اولدی. شیمدی توفیق الهی ایله حقیقت علیایه کچه جکز. کچمش «اون ایکی صورت» مقابل (اون ایکی متساند حقیقت ایله بر مقدمه) بیان ایده جکز.

بِسْمِ اللَّهِ الرَّحْمَنِ الرَّحِيمِ

﴿فَانظُرْ إِلَىٰ آثَارِ رَحْمَتِ اللَّهِ كَيْفَ يُحْيِي الْأَرْضَ بَعْدَ مَوْتِهَا إِنَّ ذَٰلِكَ لَمُحْيِي الْمَوْتَىٰ وَهُوَ عَلَىٰ كُلِّ شَيْءٍ قَدِيرٌ﴾

برادر، حشر و آخرتی بسیط و عوام لسانیه و واضح بر طرزده بیانی ایسترسک، او یله ایسه شو تمثیلی حکایه جکه نفسمله برابر باق، دیکله ..

بر زمان یکی ادم، جنت کبی کوزل بر مملکته (حاشیه) کیدییورلر. باقرلرکه: هر کس؛ او، خانه، دُکان قاپولارینی اچوق بیراقوب محافظه سنه دقت ایتمیورلر. مال و پاره میدانده صاحبسز قالیر.. او ادملردن بر یسی، هر ایستدیکی شیغه آلینی اوزاتوب، یا چالییور، یا غصب ایدیور. هوسنه تبعیت ایدوب هر نوع ظلمی، سفاهتی ارتکاب ایدیور. اهالی ده اوکا چوق ایلیشمیورلر. دیگر ارقداشی اوکا دیدیکه:

(حاشیه): شو دنیا به اشارتدر.

«نه پاییسورسک؟ جزا چکه جکسک؛ بنی ده بلایه صوقه جقسک. بو ماللر میری مالیدر. بو اهالی چولوق چوجوغیله عسکر اولمشلر ویا مأمور اولمشلر. شو ایشلرده سیویل اوله رق استخدام ایدیلییورلر. اونک ایچون سکا چوق ایلیشمیورلر.. فقط انتظام شدیددر. پادشاهک هر یرده تلفونی وار. ومأمورلری بولنور. چابوق کیت، دخالت ایت» دیدی. فقط او سرسم عناد ایدوب دیدی: «یوق، میری مالی دکیل، بلکه وقف مالیدر، صاحبسزدر. هرکس ایستدیکی کبی تصرف ایده بیلیر. بو کوزل شیرلدن استفاده بی منع ایده جک هیچ بر سبب کورمیورم. کوزمله کورمزسه م اینتامایه جغم» دیدی. هم فیلسوفانه چوق فسفسطیاتی سویلیدی. ایکسی اراسنده جدی بر مناظره باشلادی. اولاً او سرسم دیدی: «پادشاه کیمدر؟ طانیمام».

صوکره ارقداشی اوکا جواباً: «بر کوی مختارسز اولماز، بر ایکنه اوسطه سز اولماز، صاحبسز اولماز، بر حرف کاتبسز اولماز، بلاییورسک. ناصل اولیورکه: نهایت درجه ده منتظم شو مملکت حاکمسز اولور؟ و بو

وجودینی قبول ایتمکی استلزام ایدر لر. (حاشیه) مادام قرآن حکیمک بزه ویردیکی اَك مهم بر درس؛ ایمان بالآخرتدر. و او ایمانده بو درجه قوتلیدر. و او ایمانده اوپله بر رجا ویر تسلی وارکه یوزبیک اختیارلق بر تک شخصه کلسه، بو ایماندن کلن تسلی، مقابل کله بیلیر. بز اختیار لر الْحَمْدُ لِلَّهِ عَلَى كَمَالِ الْإِيمَانِ دییوب اختیار لغمزه سوینملی یز.

(حاشیه): اوت، ثبوتی بر امری، اخبار ایتمه نك قولایلی وانکار ونفی ایتمه نك غایت مشکل اولدیغی، بو تمثیلدن کورونور. شویله که؛ بری دیسه: سوت قونسروه لری اولان غایت خارقه بر باغچه، کرهء ارض اوزرنده واردر. دیگرى دیسه: یوقدر، اثبات ایدن، یالکز اونک یرینی ویاخود بعض میوه لرینی کوسترمکله قولایجه دعواسنی اثبات ایدر. . انکار ایدن آدم، نفسینی اثبات ایتمک ایجون کرهء ارضی بوتون کورمک و کوسترمکله دعواسنی اثبات ایده بیلیر. عیناً اوپله ده، جنتی اخبار ایدنلر یوزبیکلر ترشحاتنی، میوه لرینی، اثارینی کوسترد کلرندن قطع نظر، ایکی شاهد صادق ثبوتنه شهادتلی کافی کلیرکن اونی انکار ایدن حدسز بر کائناتی وحدسز ابدی زمانی تماشا ایتمک و کورمک و نهله دکدن صوکره انکارینی اثبات ایده بیلیر؛ عدمنی کوستره بیلیر. ایشته ای اختیار قرده شلر، ایمان اخرتک نه قادر قوتلی اولیغنی اکلا ییکز.

سعید التورسی

# اوننجى سوز

( حشر بحثى )

اخطار:

[ شور ساله لرده تشبیه و تمثیلری، حکایه لر صورتنده یاز دیغمک سببی؛ هم تسهیل، هم حقائق اسلامیه نه قدر معقول، متناسب محکم متساند اولدیغنی کوسترمکدر. حکایه لرك معنالی، صوکلرنده کی حقیقتلردر. کنائیات قبیلندن یالکز اونلره دلالت ایدر لر. دیمک، خیالی حکایه لر دکل، طوغری حقیقتلردر. ]